



PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL 'Izzet, Mehmed
248 Nefhat ul-edeb
I98Z53
1881

4247

18/379

نَفَحَاتُ

14129

(صاحب آثار)

{عزت}

طابعی : قصبار

معارف نظارت جلیله سنک رخصتیه با صل شد

استانبول

(مهران) مطبعه سی — باب عالی جاده سنده نومر ۷

۱۲۹۸



نَفْحاتُ

Izzet, Mehmed

Nefhat ul-edeb

(صاحب آثار)

{ ع ز ت }

معارف تظارت جلیله سنک رخصتیه با صلشد

استانبول

(مهران) مطبعه سی - باب عالی جاده سنده نومرو ۷

۱۲۹۸

۱۸۸۱



{ برقاج سوز }

PL
248
I98Z53
1881

قارئین کرام بنم بواثرمه (نفحة الادب) نامنی
و بر مکده کی فکر می بر بیوک تفخره ملابس ظن ایتسونلر
انجق بونی بواسمه بشقه اثرلرمدن آیرمق ایستمد
وجدانم بالالترام بونده وجه تسمیه دخی تصور ایتدیکی حالدہ
نصلسه اسم مذکور برارالق کنندی کنندیه تبادر ایلدی
تصادفی اوله رق معناسنده مناسبت دخی بولندیخی کورلدی
زیرا اک بیاغی بر اثرده دخی ککستان ادبک اک عادی
برشمه سی اولسون بولمق محال دکدر عجزمک بحی
اوزرنده اوتہ دنبری درمیان ایده کلدیکم اعترافلری
ایسه ارتق بوراده تکراره لزوم کورمدم حتی دو -
شئورم که ذاتاً اولکی اعترافتمہ دخی احتیاج یوق ایدی
چونکہ اثرلم کنندی ماهیتلرنده کی عجز وقصورلرینی
ینه کنندی لسانلریله بیان واعلان ایتکده درل مع هذا

آثار من اساساً انظار عالمه چيقارلق اوزره مخصوصاً
 دوشونيلوب فعله كتمرلمش شيلردخی اولمیه رقی پك چوغی
 سوقی مجبوریتله مضطراً یازیلان برطاقم استعظا فلردن
 عبارت بولمیرینه کوره البته براضطرابك ایچنده منالم
 و کدرناك اولان هر هانگی بر وجدان انسانی تصور
 اولنسه اندن پك اوقدر مکمل کلام صدور ایده میه چیکی
 در حال منصف لر طرفندن تسلیم اولنور نه ایسه ارتق
 سوزی اوزاتمیهرق بز هر حالده کندی عجز مزی ینه
 کندیمن بیلک ایله اکتفا ایلیهرک بوراده مقاله بی کسمک
 ایسترز فقط استطراداً شوراسنی اخطار ایتمکده بآس
 کوره مدك که کتایمرك منحصرأ مجبوری برطاقم استعظا -
 فلردن مرکب اولدیغنی ذکر ایلمکله دیگر یولده کی خیالی
 مندرجاتنی ده اوطاقدن عد ایتمک ایستیمورز بوسوزی
 محضاً (اکثر ایچون حکم کل) قاعده سی تحتنده ایراد
 ایلدك بوقسه ازجه برنجی موقعی طوتان خطبه
 بلبل کی شیلر بالطبع اوته کیلرک خارچنده قاله جقی
 مخیلاندن معدود بولنه جقلری میدانده در

گلستان عشق و سودانك خطیب فصیحی
بولان عنذلب رنگین الحانك شاخساركلده غنچه
لعلین عذاره خطاباً او قودینغی خطبه لرندن
برینك مضمونی طرزنده برجه در

نومرو

۱

ای صبح بهارك شمع شفق افروزی وی گلشنسرای
ربیعك نكار نازنین عشوه اندوزی سنسك اول
محبوب دلاویز عالم كه بز عاشق لر كدن ماعدا بتون حدایق
جهانك لاله لرینی دخی داغدار تأثر والتیاع ایلیان آتش
عشق بالخاصه سنك تابش رخسار تابدار كدن منعطف
برشعله دلارادن بشقه برشی دكلدر بتون آفاق وانفسك
ساحه عالمی تنویر و تزین ایدن آفتاب لرینك وعین
آفتاب وماهتاب لرینك یوزلرنده پارلایان شعله لك دخیینه
او تابش حسن و لطافتدن منبعثاً قلب لرنده فروزان اولان
بر رشك آتشنك مطلقاً خارجه اورمش رنك طبیعیسندن
ماعدا برشی اوله میه جغی بحشی ده بزجه کمال حقیقت

وامنیته متفق فیه بر قضیه در آ یا سن نصل بر فیض
ازینک مظهر یسک که جهانک باغ و بهاری الزیاده سنک
آب و تابکله شاداب و بزم حیات بالمز ایسه خاصه
سنک مشاهده جلالک واستشمام بوی بمثلک ایله قرین
حد نصابدر زمینک اوزرنده انتظامپذیر اولان هر
یوسه تانک آبروی و فصول اربعه نک شـ و قسم لطیفی
ایچنده هوای نسیمی بی تعطیر ایلیمان هر بهارستانک رنگ
و بوی مطلقا سنکله و سنک نفحه دلاویزکله تمام بولور
بو هر محسوسک عندنده مسلمدر که فصل داستانک بتون
عالمه جنت و حسن و آنک ایسه بالوجوه پیرایه چار
جهتدر شفقار سنک رنگ رویکی تقلید و سحرلر هر
بر لطافتی سکا تقدیم ایله اکتساب شرف مزید ایدرلر
صحنسرای صباحت و لطافتکده بزم اوقـ و دینمزن
خطبه لر ایسه حصراً و قصرأ سنک تقدیس جلالک
عائد و بورکلر مزدن حیقان بورنکین ادال دخی هب
او جلالک عشق و شـ و قندن متولدر حتی لطافت
مزایاده نفحات ازهارای غبطه کش ایلیمان شعرای بشرک
کفته لری ییله کلیت اوزره سنک ستایش حسن و آنکی
متضمن مضمونلردن بشقه بر شیئه منجر اوله مز زیرا

انلرده كندى معشوقلرينك رنك رخسارلرينى منحصرأ
 سنك برك سبزجيلكه واورخسارلك اوزرنده (بزجه
 هيج شهبهيه محل اولماق اوزره) مطلقا سنك حسن
 وآنكدن متولد خجالت و شرمسارى اثرى اوله رق
 جلوه ريز ترشح اولان مشكين قطره لرى كذلك وقت
 سحرده سنك برك لطيفكده لمعه نثار بولنان ژاله لره تشبيهدن
 امس وارفق برمرجع بولملى متصورميدر ؟ قالديكه
 بوكونيكى كون فر اش تازه طرح رييعك سرتاسر ساحة
 عالمى بتون كهخاي زمردين ايله تفريش و تزيين ايتسى
 وانلرك اوزرينده ده هواى مشكبار سحر ك لطيف و پارلاق
 انجول نشر و نثار ايلسى هب سنك شرف قدومنى
 اعزاز واجلال ايچون اولديغنده شهبهيه محل وارميدر ؟
 بوده سنك شاننده كتم اولنماسى لازم كلان مفاخر
 عظيمه دندر كه متوالياً اوراق اشجار مياننده ايشيديلان
 خشيلديلر فشيلديلر (السنه اشپادن خبردار اولان)
 ارباب وجدانه كوره حكيم ومعنادن خالى شيلر اولمىوب
 بلكه نسيك بونلر مياننده نشر و اعلان ايده كلديكى
 وصف جمال كدن منبعث حديث عشقكى يئلرنده تأدياً
 كيرليجه تعاطى و مبادله لرندن كلان برفسيلدن بشقه

برشی اولدیغی دخی مثبت و مسلمدر شونیده اونوتما -
 عقله من اقتصا ایدر که موسم ارد بهشتک حائز اولدیغی لطافت
 مخصوصه سیله (من قبل الرحمن) علامه هر شینک تجدید
 حیاته مأمور اولدیغی زمان الاول سنک وجودنا زینکی
 کاشنسر ای شهوده کتیرمک خدمت مقدسه سیله مکلف
 طو تلمدیغی سال بسال مشاهد ارباب بصائر اولان صور
 تجرداتک ترتیب طبعی یسندن اکلا شایقه دکلیدر ؟ (ای
 نیکار صحنسر ای چمن) قلم قدرتک مهارت ازلیه سنی
 ملاحظه واستنباط ایچون اهل دل نرزنده سنک صحایف
 پر لطایفکی تزین ایلیمان بدایع حیرت فزادن زیاده دلیل
 ارامغه احتیاج و امیدر ؟ حتی سنک مایه لطیف خلقتک
 بتون طائرک باعث منفرد ایجاد و تکوینی اولان بوجود
 مقدسک عرق مشکینی اولدیغی جمله حقایق ازلیه دن
 بولمنسه کوره ارتق بوشرف عال العال و بورنک و بوی
 یشال ابله سنی سومامک سنی تقدیس ایلامک ممکنیدر ؟
 مع هذا بوسودا و تقدیسک نتیجه سی جناب خالق باطنی
 بر عبادت موقعی طو تمقدن بشقه (اولورد اقدس کلستان
 لاهوتی حضر ترینک) حقنه ده بر محبت قلبیه
 و برمودت صمیمه عرض و تقدیمنی تضمن ایلیه جکنده

شك وارتيا به محل وارميدر ؟ بوجه لاله برابر (هانيا)
اونمكتنه پرداز شاعر لك كندى تعبير لوجه مطالع انوار
تجليات اولان فكر و خيال لرينى اك بيوك فيوضات وفتو -
حات قليبديه مظهر ايدن شوقلر انبساطلر دخی
كنديلرينك حواس داخليله لینه انجق سنك تماشاى
جبالكن كلمورمى ؟ وبوده اساساً ينه اومايه ازيلينك
خاصه فاضله سمندن منبعث اوليورمى ؟ خلاصه (اى
حقيقه عالمك پيرايه عال العالى) بتون ساهره جهاني
بر بهار خانه فردوس نظيره تحويل ايدن بوكونكى بزم
حيات پرور كده ايجديكمز شوق وشادى پمانه لرينى (آه)
عجبا سابقلرى كي يارين برزهرابه فراق ايله دست آخر
ايدوبده بزي ينه دلخون اوله رق ترك ايدنه جكميسك ؟
حالبو كه ماضينك پك اوزاقلرينه طوغرى مراجعتدن
قطع نظرله شونده بزه اك قريب اولان سال سابقك
فراق دلش كافتدنبرى سر شك چشممزه كلبن پاكي
صولايه صولايه كوج حال ايله جبال تابنا كيكي شاخسار
شهودده كوره بيمك ميسر اولمش ايكن عاقبت دور كچ
رفتار او كوني بزه تكرر كوستره جك وشوآنده
دور كرماكرم عشق واشتياق كده دور ايتديكمز بومسرت

صهیلرینی بنه او زهرابه دلکدازه تحویل ایدوبده
 کافی السابق بزه قانی یاشلر مزله بتون روضه لک اطرافنده
 او ارغوانی جویبارلری تشکیل ایتدیره جکمیدر؟ الصلا
 ای سکنه چمنستان جهان جله کزده بوکا آگاه و متعده
 شاهد و کواه اولمکز که بزم ایچون مایه مستقل شادی
 و بلکیده بتون بتون دستمایه حیات سرمیدی انجق
 شواریکه نشین اقلیم صفاکز اولان غنچه اطافت پیرایه نک
 جام عشقندن ماعدا برشی اوله مز انک ایچون بتون
 باغ و بهار عالم اولدلام طراوت اتسامدن بشقه هر نه درلو
 زینت لریله نه مرتبه لده تزیین ایلسه اندن عاری اولدقدن
 صکره بزم نظر مزده بر شیوننگاه حزن و الم حکمی
 ویرمکن بشقه برشی افاده ایده مز ایمی خطبه مزک
 نتیجه سی اولق فزیم کلان شودعا به سزدخی اشتراک ایدیکز
 که کوللره اولطف و دلنشین رنگ و بوی و کندیلرینی
 سومک ایچون بزه ده بو عشق دلجویی و پرونده طرفینده
 علاقه یی تشکیل ایدن (جناب خداوند عشق) کرچکدن
 حدیث جالانک الک مختصر بر جله سی ییله عیون اهل
 وجدانی مجرای اشک روان ایدن اول (کل یکانه گلستان
 خاص الخاصک) شرفنه اوله رق نیاز می اسعاف

بیور ویده جشید مشعشع تاج اقلیم شرق هر بر بزمگاه
 صبو حده باده شبنمی پیمانه لاله دن تجرعله بتون طالمی ده
 کندی شعشعه دلفروز نشئه و سرورینه غرق ایلد کچه
 بزم کلبن مقصود مزی دخی چشمه سار حیاتدن مستراً
 نصیبدار بیور سوونده ارتق فراق داسـوزینک تکررندن
 آزاده قاله رق نغمات متشکرانه من فصول اربعه دنک هیچ
 بر قسمنده سکتۀ انقطاعه او غرامسون

نومرو

۲

ای صنع قدرتک لوحه کالی سنی محسوسات
 جنسندن اوله رق بونجه بدایع رنگارنگدن ماعدانه ما-
 هیتمده و نه لطافتده بر روحانیت هـواسی ده احاطه
 ایلش که آنک تأثیری آلتنده انسان مست و غشی اولما-
 مق ممکن اولیور سنک صفحه غرا که یمین ایدر مکه
 او هوای مشکبارک دها ایلک تصادفده کوکله کیرن بر
 نفحة الفیضی بتون ساحه وجدانمی عشق و اشتیاق
 غنچه لایله طولدیردی او عنبرین طره لک هر بر تلندن
 انتشار ایلیمان رایحه لطیفه دنک ماهیتنده مطلقاً بهشت
 عدنک نکهت بهاری مندر جدر که اشته یالکز بر شمه سی

روحیه ابدی اسکیز بر تازہ حیات کتیردی سنی
محیط اولان وک مختصر بر شعاع معنویسی دخی کو-
کلی خطف و ضبطه کفایت ایلان او لطیفه و آن که
اساسا ازلی بر اضافت منبعندن شعاعه پاش اولوبده ملیار-
لرجه سیمالری تزیینه کفایت ایلیمده اولان یالکز بر ذره نك
فیوضات نامتناهیسی شعبه لرنن بریسی دیمک اولمقدن
بقعه برشی دکلدر بونی بعض اثرلرده کورلرینکی کبی
مشاهدات موقعه تنزیل ایله مثلا خورشید رخشانه
قارشی آچیلش بر غنچه نك برک لطیفی اوزرنده جلوه کر
بر نور لعل فاعه تشبیه ایلک و آنک تأثیر اطفیه
قلوب عشاقن ادراک ایدکلری لذتی ده او یله فضاسی دلکش
بر صحن کلزارک هواسی جان فزا صبح بهارنده عبقری
زجاج قدح لاله ساقی سبوح دست نازندن تلقی و تجرع
اولان کوری مزاج رحیق لک نشئه لینه بکرتک
نصل روا اوله یلمیر که فقره سابقه ده تلخیص ایدیلان منبع
اصلیسی بالوجه او تشبیه و تمثیلردن عالی و مقدسدر
نطق بشرک سنک اوزرنده اداره ایده یله جکی مقاله لک
خلاصه سی انجق او متناسب لوحه بی تشکیل ایلان
حروف عالییه قلم قدرت حسیمات قلوبی چیلدر تمق

ایچون عقولک خارجنده ایشلش اولدیغی لایعقل بدایع
 جلیله سیدر دیملکن بشقه برشی اوله ماز اشته بو منا -
 عتک حکم طبیعه سیدر که بتون شاعرلری انواع تخیلاته
 سوق ایله ایلمکن محسوسات دائره سنده ساحه جهانه
 انوار لطافت صاچان ماهلردن و بتون کلزارلری
 و چمنزارلری رشحات حیاته مستغرق ایلین سحر کاهلردن
 بر چوق مثلر کتیردکن صکره بونلری مثل لهریله
 عند المقایسه کفایت درجه سندن فرسخ فرسخ دون
 کورنجه محسوساتدن معقولاته طوغری توجه و ترقی ایله
 حتی فردوس اعلایه قدر چیقارق حور و غلمانک حسن
 و لطافتلرندن و رنگ و صبا حتملرندن استعاره
 ایتدکلی صور تشبیهاتی کتیروب کندی مشبهاری
 اوزرنده صرف ایلدکلی حالده دخی بر درلو مقصد -
 لرینی افاده ایده میوبده قطعیمماً عاجز و حیران قالدقاری
 میدانده اولان اثرلرینک ایچنده کی اعترافلریله ثابت
 اولیور (ای او شاعرلر که محضا روحک ادراکنه
 مخصوص اولان معنوی بر لطافتی و او لطافتدن کلان
 ینه معنوی بر لدتی حال ایله حس ایتدیکن قدر قال ایله
 ده اعلان ایتک ایسترسکن) هیهات شمعی به قدر او

نهایتسز تخیلات عالمده بونجه جست و جول کزک غای
 حیرتدن بشقه بر شیئه منجر اولدیغنی و ابدی دخی
 اوله میه جغنی کوروب اکلا دودن صکرده یته و
 بوش یورغونلغی ترک ایتمک فیکرنده اصرار ایدر کیر-
 میسکز ! (ای بنم کوکلی تعریف قبول ایتمیان بر
 جاذبه فرشتهانه و بر غزه دل بایانه سیله برلمهنت
 ایچنده دروغدن چالوبده بنی دنان زمره سنه اخق
 ایلمیان (جمال بی مثال) سن بنی سنک تصویر محاسن
 اوزرنده ضرورتدن زیاده تشبیهات ایله اوکی مشهورک
 مساک نافرجامنه سلو کن منع ایله که او بولک غای
 حیرتدن بشقه بر شیئه منتهی اوله میه جغنی یوقاریدن بری
 او قوبوب کیری کز تمهیدل و دلیلار ایله ثابت اولسنه
 کوره بالآخره اوییهوده ورز شلر و الهماکلر اوزرنده
 تبلد نرجه سنه قدر سر عملیوبده حتی زیارتکزه کلک بیه
 جکم بوللری دخی شاشیره رق اولیه که کریوه تحسرد
 قاقیلوب قالمیم اشته حسن و آن یوزندن حضور
 صباحت نشور کرده عرض ایده یله جکم سوزلک خلا -
 صه سی بو جهله لدن عبارت اولوب لکن شوراسی
 وار که صورتکزی قدر لطیف و نازنین کور یور

ایسم سیرت کزی او قدر متعصب و خشین اکلا یورم .
 ذرا کوزلا ککزی تزیید و تزیین ایلیان او خال هندولردن
 بشقه صفحه پاککرتک اوزرنده روجه ایمای و صلت ایدر
 هیچ بر نقطه اشارت کوره میورم . حالبو که (ئی موضوع
 بحکم اولان جمال ملاحات اشتمالک مستصحب نازینی)
 او چهره لطیفک طرفینده جام کوثر کی پارلایان او
 مخمور غمزه لری کوکلم ایکی عین حیات اولوق اوزره
 باتلوق انلرک اصل منبع پاک اولوق لازم کلان دل
 تبنا ککرتکده بر جویبار شفقت دیمک اوله جغنه بالاعتقاد
 مطلقا آنک رشحات حیات افزای طرفندن کاهجه تعدیل
 شسته عنایت بیوریلور تصویر یله نائره عشقکزه بتون
 جگر کاهنی آچمش ابدی وا — اسفا که هنوز بر قطره
 احسانه یله نائل اوله میوبده حرارت عشقک کوندن
 گونه آرتان شدتی ایچنده یانوب کول اولوب کیدیور
 بالعکس اغیار طرفنه ایسه او غمزه لردن پک مبدول التفاتلرک
 آب حیاتلر کی دائما صورت جریانی کور و بده ظاهرده
 کی اشک چشمندن زیاده باطننده کی عین تله فیله قان
 اغلامقندن خالی قلمیور . مع هذا بویله احتیاط سز بر تمایل
 ابله دها ایلاک کوردیکی بر کوزلاک چشم مخمورندن

کلان کاذب التفاتتہ غایلو بده همان کافہ حسیاتی آنک
سوداسنه ویرن بر قلبک جزاسی ده بوندن بشقه اولامق
کر کدر بوحالده معشوقک و فاسز لغنه و کوجمنکدن
زیاده هر بر غضبی کو کلک علیهنه صرف ایتمک مجبور -
رینده بیکه فی الحقیقه کندینک بو بایده کی حق صر -
یحیده بودر الک زیاده قبر یله حق و قبر ادبخی قدر
ده استغراب اولمه حق بر جهت دعا وارد کره اوده
وفامز یارک لطف و عاطفتی نامنه غایت درین بر یأسک
ایچنده آرتق محافظه امیده طبعاً امکان و قسوری
تخیلات ابله ابدیاً قناعته ایسه هیچ بر انسان ایچون تاب
و توان متصور دکل ایکن بو منهم کوکل ایلاک قباحندن
بشقه الیوم میل و تعلقندن ده دونیه رک کاکان امیدین
اوزرنده و او عشقک هوا و هوس ایچنده دوران
ایله او کل رخسارک هر صبح فیروزده نسیم صبا به بخش
ایتدکری رایحه اضیفه دن بر حس خنی ابله کسنسی
مقصدینه موافق بر معنا استشمام ایدیور که عادتاً روحی
دخی الداتوبده او معنائک اوزرینه جلب ایده بیلکدن
عاجز قلیور بونلرک بیننده متوسطانه حکم صفتنی
حائر اولان عقل طرفندن او دل دیوانه طوره خطاباً

عالمده هر احتمال ایچون بر قرینه نك لزومندن و او
 حسن و آن مجموعه سنك اوزرنده ایسه او یله بر دلالت
 مفیده بی حاوی هیچ بر نقطه نك کور یله مامسندن بحث
 اولمسنده مقابل او سفسطه پردازینه کندی دعواسنك
 اوزرنده بلا فتور حق ثبانی تأییداً بر چوق دلائل
 متسلسله ایراد ایلدیکی صروده سونلرك مطلقاً سویلانلر
 طرفندن سویلوب حسن قبول کوره جکارینی مشعراولمق
 اوزره (بی دلانرا دلبران خسته بجان * جله
 معشوقان شکار عاشقان * هر که عاشق دید کش معشوق
 دان * کو بنسبت هست هم این وهم آن) مضمونلرینی ده
 درمیان ایلکدن تأخر ایتیمور قلبك امید ی بومر کزده
 و بو مرتبه قوتده اولوبده کمال صدق طویله بکلیه وب
 یاندیخی یوم مسعود تلاقی بی هنوز حصوله کتیرمیان
 شی عجباً فلکمی اولسه کر کدر ؟ حالبوکه اعتمادی
 اوزرنده بو قدره قدرده ثباتلر تمکنلر کویسترن بر قلبك
 مکافاتنی بوندن دها زیاده تأخیر ایتمکه فلاکلك ده حق
 اولمیلیرمی ؟ عقلك حکمنه باقیلیرسه ایشك حقیقتی او یله ده
 اولمیلوب بلیکه بو نهایتسن تأخیرلر غالباً ذات معشوقك
 عاشق کشانه انصافسنز لغندن منبعث اولوب کیدیور

بو حالد او دیوانه کوکل ایستر کاکان کنندی اعتقادی
 اوزرنده قالسین ایسترسه بئله برابر کلسین بن ارتق بو
 نقطه اوزرنده (فف لهند الدهر لایل لاهله) رجوعی
 ایله عقلک ارائه ایتدیکی مسلیکه عدول ایدرک شو حال
 محرومیتی بنی بو سوغز آتشک ایچینه آتوبده بردها
 حاملن بر خبر بيله صورمغه تنزل ایتیان جانانک و فاسز
 لغندن یسلهرک (جزانک جنس عملدن اولسی) قاعده
 عدالتجه آنک دخی بر کون اولوبده بونک عیننی کنندی
 وجدانی ایچنده کورمسی آرزوسندن فارغ اوله مید جهمی
 درمیان ایلمکه مجبورم (آه) دیلارینک جزاسنی
 بولسون او شاعرلر که کوزلرک لبرینه لعل بدخشان
 دیشلرینه اؤ لؤ تابان دیه دیه سوزلرینک حکمنی
 مشبهلرینک قریبی اولان تا قلبلرینه قدر تأثیر ایتدیرونده
 سینهلری کی حریردن دهان نعیم ودها نرمین اولق لازم
 کلان یورکلرینی ده او طاشلردن برطاش حائمه قویمغه
 قدر چالشیدیلر لیکن (ای بنم مخاطبم) جناب
 صانع پرکال سنی نصل کوزلرک اک بدیع و المستثنا
 درجه سیه ممتاز ایلش ایسه سن دخی کنندی مبارک
 قلبکی مروت خصلتلرینک اک نازک واک طائلی روابع

کریمه دلنوازانه سیه بالترین او طاش یور کلیردن استشنا
موقعی طوتوبده او خصلت لردن معدود اولان انصاف
نقطه نظرندن بر کره او لطیف جلالک درجه حسن
و آنه باق که بوکا مفتون اولان بر قلبک نه حالده بولمنی
لازم کله جکنی آکلایه سکر چوق دفعه ل وقوعبو -
لمقده درکه (آه) او فردوس عدتک رنگین غنچه ل
یله مسابقه لطافت حقنی حائر اولان وجه دلارانک
اوزرنده بکا متوجه بر اثر ابتسام کوروبده ارتق طبع
لطیفک زک عشقه بارشمش اولدیغنه کوکلم حکم و بره رک
در حال اسکی داغ درو نلرندن تجاوزله فی المثل بهارک
تسم بسم کارانه سیه آچیلوب خندان اولان لاله ل کی
کشایش بولور بولماز بیلم قوه تعصب طرفندن کلان
بر سوق مبرمک حکمندمیدر ندر بکا او قدر جق بر شادی
و مسرتی یله چوق کوروبده متعاقباً ینه او سیمای
لطیف او بشاشتملی رنگ و طرزینی غایت شدید بر فور -
تنه لی هوایه تبدیل ابله وجدانمی یأس واسف خزاننه
دوندیرمکده پک زیاده مسارعتملر کوسه تریور آیا
سراج عشقک زله بر شبستان ارم حکمنی آلق آرزوسنده
بولمان بر قلبی بالعکس تخریبه قصد ایتک او ملاحات

واضافتك شانه فصل شایان اوله یلیر ؟ ارتق کل
انصافی ایله که کوکلم بونجه جور و جفا کزی یالکیز بر
اضف ووقا کره مقابل در حال فراموش ایتک عزمنده در
(ای کل کلبا غچه حسن و آن) کل بر کره جک اولسون
خاطر ناشادی شادان ایله که خدا نکرده آه صبحگاه مدن
عارض کلفامند بر دود سیاه اسبابنه محل قلاسین

نومرو

۳

یکی شاعدی دید چشمم چو حور * که نور جالش
بتابد چو خور * تعالی الله از حسن تا غایتی * که پندارم
از رحمت آیتی

مأنه ماسدق اولمق اوزره بو کون چشم اشتیاق
نور لطافتدن تشکل ایتش بر جلال ملک مثال مشاهده -
سینه ملذذ و رونقیاب اولدی اویله جلال دلربا که
کندیسنی احاطه ایدن لطیفه و آن بحق ملکری دخی
حیران ایتکه مقتدر بر جاذبه جان ستان ایدی رؤیتله
فیضیاب اولان کوزلک نورینی ارتدیرمق و خیالیه
شاداب اولان قلبلرک حیاته حیات قاتمق خاصه لری
ماهیتنده مندرج اواریفنده در حال کوکلم شهادت ایلدی

کوزلاکک هر تمانی جامع اولدیغی حالده آتش عشقندن
 دها پارلاق اولان او ملاحظه‌لی کوزلری هر نیکاهنده
 منظورینک قلبنه بر شعله لطافت آتقده وشفق‌لردن
 دها اعلین بولان او طراوتلی یناقلری بتون کلره رنگ
 خجالت ویرمکده ایدی شاعرلر قاعده‌سنجه او مصنع
 لوحه‌نک هر نقش زیبا‌سنه بر مثال تصویری جائز
 اولوبده تشبیه ایدلیدی صروده کوزل قاشلرینی آسمانک
 شوق افزا هلاله و اینجه دوداقرینک بر نقطه
 موهومه درجه‌سنده کوچوک اوله‌رق تشکیل ایدکلری
 فم زیبایی ایسه کان امکانک (حجماً نه قدر کمترین
 ایسه قیماً او مرتبه عالی وثمان اولان) اک دلارا بریا
 قوت سیالنه بکرتک و هیئت عمومی‌سی شاننده ایسه
 بهارستان عدنک روایعندن ترکیب اولمش وانوار
 لطائفک اینجه باتیرلمش بر ماهیت دیمک ممکن اوله‌بیلیر-
 سه‌ده روحانی اولان حسن وآنندین قطعاً بحثه امکان
 یوقدر کرچه بز برچوق کتابلر مطالعه ایدرک
 خیلجه کوزلر اوصاف‌سنه مطلع اولمش ایسه کده بو
 اطلاعاتمک نتیجه‌سی بزه شو حکمی اکلاتدیکه هیچ بر
 تشبیه ایله برج‌لاک اوزرنده کی لطیفه معنویه‌نی تصویر

ایستادن ممکن دکادر زیرا او خاصه لطیفه غیر متعقل
 بر تجلی نهانی طرفدن روی دایره لایح اولوبده صفحه
 زیبائی مستغرق نور حلاوت ایدن بر شعاع معنویدر
 بو حلقه یالکیز شونی تکرار ایله اکتفایه مجبورمکه
 بو کوردیکم جمال حقیقه یکنظرده انسانی عشقنه
 مفتون ایدن بر جاذبه فوق العاده بی حاوی بر جمال هو
 شربا ایدی کوکلی جاذبه سنه قاپدیرماق ایچون چشم
 دقمتی کندیسنه بالقدن منع وتوقیفه یکنچوق چالشد
 مسیده نه چاره که داخل بندنه کی یورکلری بیله یرندن
 قویاروب جذب ایده جکنقدر شدتلی اولان او قوته
 مقابل کوزلومی بر درلو تمایلدن کری اله عدم قارشو
 سنده بولندیغم مدبجه ضروری بر انجذاب ایله شعاع
 نظرم متصل اولطافت مجسمه به آقوب کتمکده ایدی
 عاقبت بو جریان مجبوری اناسنده بر صدمه شعور اندازک
 داخل سینمده وقوعنی حس ایلمدم بو دهشتلی فقط
 دهشتدن زیاده طاتلی اولان حرکتک وقوعندن صکره
 صدرمک ایچنی تقیش ومعاینه ایلمدیکمده کوکلیک یرنده
 اولمدیغمی کوردم اکلاشدیکه او صدمه داخلیه
 وجدانک مجلوباً یرندن انفکاک ایله نظر دقمتک هدف

انعطافنه طوغری اوزانان شعاعی ایچندن کچهرک او
جاذبه آتیلوب کتدیکی زمان وقوعه کلسدر یاخود که
او تحریرنی کوزلرک دخی اراقده شمشک کبی سریع
و کسکین بر نظرله بکا باقوبده کرپیکرینی سوزدیکی
وقت درونمه متسلسلاً نزول ایدن صاعقه دلرک بتون
کوکلی اریتوب محو ایلدیکی صرهدده تحدت ایلشدر
الحاصل اوشعشعه لی باقیش روحک مر کزیه قدر تأثیر
ایله درونمه او یله بر اشتیاق آتشی آندیکه بوکا کندی
طرفدن اوله رق هیج بر تدبیر ایله تسکین قبول ایتدیره -
یله جگمی امید ایتم هر حالده بو سوزشک تعدیلی
منظور مزکیدا قدرینه منحصر قاله جقدر آیا کندیلری
ینه کندی نیکاه دلا شوبنک یاره لیدیخی بر قلبه لطف
و شفقتلریله چاره ساز اولمزلمی ؟ بز بونی ظن ایده میوب
چونیکه بر دلبرک مشقای نظرینه کوزل کورینهوب
کوکلی جلب ایتمی کندی روحنک الکر و حیله مستعد
ائتلاف اولسنندن نشأت ایده جکی حقنده کی بر قضیه
حکمتیه کوره شو التجامزی رد ایتیه جکلرندن امین
اوله بیلیرز قالدیکه ظاهر باطنک عنوانی اولسنه
باقیلنجیه بر وجودک ظاهرینی تزین ایدن لطافت البته

انك داخل مكارم شماننده کی قلبك ده نزاكتنی و او
 نزاكت ایسه مطلقاً رقت و مرحتنی شعر اولاجنی
 جهته بالطبع بو قیاسدن دخی امیدمنك برقات دها
 قوت بولسی لازم گل-یور بو دیدیکم دلبرك بوراده
 نامنی تصریح ایسه قطعاً مخاطبک ظرافت و فطانتی
 احتیاج براقید جقدر ایدی او نگاه دلستان ایله
 عقلنی باشندن قلبنی کوکسندن چیقاروب یرلینه
 حرارتی بر شعله اشتیاق آندیگن دل بوده کزله لطفاً بر
 ملاقاته تنزل یوریکز بو شعلهیه مقابل وجدانکز
 ایچون ابدی توکمنز بر فیض و فتوح اکتسابنه رغبت
 دعوتمه اجابتله بکا کلیمز

نومرو

۴

ای بهارستان ملاحظتک روابع بهیه و بدایع زهییه
 سندن متشکل کلبرك ناز سزه شو ورقپاره مله یلدرمک
 آرزوسنده بولدیغم خفایای قلبیه مدن ایلک مجتک
 خلاصه سی شونندن عبارتدرکه کوزل یوزیکز نه قدر
 لطافتلری حاوی بر کل ایسه بو حزین کوکل دخی
 عشق خصلتنده او قدر جذبه لری محتوی بر همحال

بلبلدر کرچه سزکله ییغمزده هنوز او قدر تکلیفسز
 لکی حائر بر معارفه حاصل اوله مدیسه ده شوراسنی
 ییلمکز که عشقه کزله کوکلم لزومی قدر انسیت پیدا
 ایلشدر شو حالده کنیدی سزه کوکل یوزندن بر
 مریوطکز اولق اوزره تقدیم ایتکلمکه مساعده
 بیوریکز جانان قدری بیلن وحتی سودیکنی کندی
 جانندن ده زیاده سون بر اهل عشقندن شرف مقارنتکزی
 دریغ ایتیکز بوصافی یورکده سزک ایچون مضر
 اوله جق هیچ برشی موجود اولیوب انک جمیع حسیاتی
 انجق عشقکز استیلا ایلشدر قلبک نظرنده سزدنیانک
 اک کوزلی دینلمکه لایق بر کوزلسکز ککولککزک
 کوزللیکی ده البته او نسبتده اوله جقدر لطیف سیمایه
 مالک اولنلرک وجدانلری دخی فطرة لطیف اوله جغه
 دائر دلیلار کورلماش دکدر حتی اک جفاکار بر دلبرک
 قلبی تدقیق اولنوبده جوهر اولان میلی انصافه عائد
 تمایلندن دهاقوتسز کورلدیکنی مشعر بر فقره نک دخی
 بر اراق نظر مطالعهدن کچدیکنی تخطر ایتکدهیم
 عالمده هیچ برشی کنیدیکنندن حرکت ایده میوبده
 مطلقا بر محرک جانندن کلان تأثیرات ابله متحرک اولسی

ابتغاسنجہ قلبت ده شو حال مجلویت و انجذاب الیہ
 جـ۔ لکڑک بتون بورکاری یرندن اوینہ۔ ائمغہ کافی اولان
 قوہ جاذبہ جان ستانندہ مجبوری بر انجذاب طبیعی
 و ضروریسی دیمک اولہ جغندہ کورہ ہر حالہ چارہ سنی
 دخی آنک کندی احساندن آرامغہ مجبورم نتیجہ
 تمہیداتم سزہ شونی اکلایمقدن عبارتدرکہ ہوندن
 صکرہ بنی اغیار کبی کورمیدرک الہ صادق بر دلدادہ کز
 اولمق اوزرہ قبول بیوریکز قلبدہ ابدی بر یادکار کز
 قالہ جـق دیمک اولان بو اشتیاق سببیلہ سزہ تعجیر
 ایدہ جک هیچ بر وضع و حالم دخی وقوعہ کلیہ جکبی
 شمدیدن افادہ و تأمین ایلہ حتمدہ حسن قبولیکزی رجا
 مرتبہ غایہ سی اوزرندہ ختم کلام ایلرم افندم
 نومرو

۵

بو کون رو حکرک حس ایتامکدہ اولدیغی بر عشق
 و سودادن سزہ بحث آچغہ لزوم کورہ من ایسہ مدہ
 مع مافیہ اوسـودانک یکمش زماندہ کی آثار متحققہ سی
 علیہندہ مسموع اولان تفوہاتکزہ فارشی ارتق صـبر
 و تحمل قالدیغندن جواب اولہ رق بر قاج کلہ یازمغہ مجبور

اولم شمدی به قدر اختیار ایتدیکم سکوت مجرد
اغلاماق ایچون کدرلرینی سویلامکه مجبور اولان
بر دلفکارک سکوتی قیلندن ایدی فقط حقسنز
سوزلریکی ایشتمکجه قلبکم صدماتی ارتق بنی بر مقابله به
سوق ایدیور او آجی تفوهلردن روحم خسته لنوب
شدید اضطرابلر کوریور سوزلریکز کی قلبکزک
دخی خشونت فطریه سنه کسب یقین ایله ارتق او یله بر
آهنپاره قسوته قارشی هر نه سویلنلسه تأثیر ایتیه جکنی
جزم ایلور ایسه مده بنه سوق اضطراب ایله شو بر قاج
کلمه یی یازمقدن کری طور مق المدن کلیور وقتیه
صادق ظن اولمش بر محب ویا محبوب طرفندن اخیراً
ایشیدیلان زهرلی سوزلر انسانک قلبنی نه قدر اغلاتیور
بیلیرمیسکز ؟ کذلک او یله بر صادق نظری التندوبولان
آشنای قدیم جانبندن کلان طاشلرک آپدیغی کوکل
یاره سی انسانه نه راده لوده المر ویریور طانیرمیسکز ؟
آیا شو ورقپاره یی یازار ایکن اوسوزلری تخطر ایدوبده
هروقت سزه یرلره برابر تمبالی ایتش اولان بو بیچاره
الرم مژگانک رشحاتی قاج دفعه لر سیلدی تخیل ایدر
میسکز ؟ اوسوزلرک ایچنده الک زیاده جای تعجب اولان

قضیه (بن آئی کر چکدن سومدیکم حالدہ اونمایدن
مقصدم یالکزن بریسنه بر ترغیدن عبارت ایدی ماآنده کی
سوزیکزددر که بوندن بنم ایچون بر تحقیر حیقاقدن زیاده
کندی طبعکزه تر تبایدن حقارتی هیچ دوشونمایدن
بر زمان مدحیات عدابتدیکزن بر الفی بو کون پایمال ایتک
ایستدیشکزن ! شعلهانی کوزلیرکزن اوالفت عاشقانه
کلیستانی تشکیل ایدنجیه قدر دو کدیکی اشک روانی شمدی
هر ایتک عزمنه دوشمشکزن ! سزک ایچون سبب
حیاتی اولان پدر و مادرینی فدایه قدر انهماکر کوسترن
بر وفکاری بو قدره قدرده تحت قهره المی نصل و نه
حسن ایله روا کوریله بیلدی ؟ منصف بر معشوق
حسن و جالان هر بر ماملکنی بد استفاده به تسلیم
ایتدکن صکره هب کوره بیلجکی نتیجه بومی
ایدی ؟ بنجه رد و قبولکزن هر ایکسیده بوندن
صکره مساوی حکمنه کیردیسده سزدن یالکزن شونی
صورارمکه بو کونکی مردودکن چکن کونکی درد
عشقکزه درمان بر محب و دودکن دکلیدی ؟ حیا -
تکزی کندیسنه تقدیم ایچون حسن قبولانی تنی ایدن
سز اولدیکزمی ؟ آنک قارشوسنده دوداقلرکزن

اره سندن قاپیردیغکز آهله بر عشق آ تشندن کلیورلی
ایدیسه آیامنش آلی نه ایدی ؟ كذلك آنك
مواجهه سنده هـوای ریعك تأثیر یله آچیلوب
خندان اولان چیچکلر کبی وجهكزك انکشاف غنچه
کارانه سی نه دن ونه ایچـون ایدی ؟ صدر کزده کزن
طاطلی رعشه لر و صدا کزده دونان اهترازی پرده لر
عشق هوالرندن منبعث اولیوبده عجباً نره دن کلمکده
ایدی ؟ روح کزده دوران ایدن حسیانک الوانی سیما کزه
یایلوبده کندی مایه اصلیلری اوزرینه دلالت لازمه بی
ایفا ایلیورلری ایدی ؟ پک آز وقت اول کوزیکزه بر
کل کبی کورینان علاقه دار کزی بو کون بر زقوم
چیچکی موقعنده کورمک خاصه متلونانه سی آیاسزه
مخصوص بر شیوه میدر ؟ زنهار مقابله مه تهور کوسترمک
حقنی حائز دکلسکز زیرا سزینی دوچار اضطراب
ایتمکدن هیچ چکنم دیککز حالدیه بن سزك حضـور
قلبکزی محافظه یه نصل جبر نفس ایده بیلیرم ؟ آه
بنی الداتان بشقه برشی دکل انحق تأمینکز وجهله محبتده
دوامکز اعتقادی ایدی بر محب صادق نظرنک کندمده
اولدیغی کبی متوالیاً بنی تعقیب ایده جکنمه و صمیمی

بر عشق فکرت کذاک بنم ذهنده کی کبی هر بار بی
دوشونه جگنه معتقد بوانور و هر زمان بنه متسلی
بر قلبك ایچنده جایگیر بولنه جغه قائل اولور ایدم .
غایت صاعلم بر محبتك کوکله کی درجه سیله متساوی
بر مقابلتك دخی سزده وجودینه اعتماد ایدرک روحك
الك صفالی بر ذوق مغویسنه مالک ایدم حتی فرق
ایده میوردم که سز بی جانن سومش بر عاشقیسکز
یوقسه بکا کذاک جانن سولش بر معشوقیسکز بالکز
شونی بیلیردمکه سز بنه بن ده سزکله بختیار اولوب
کیدیورز ظاهره کوره عمر مشترکانه من هر کون
بینزده او محبت صادقانه بی تأکید ایدر و جوهر محبت
دخی هر درلو برهانلریله مادام الحیاه تغیردن مصون
قاله جغنی تأمین ایلر ایدی قلوب طرفینده یکدیگر من
ایچون کتدیچه اهمیت الیر بر حالک وجودینه حکم
ویرلمکده ایدی محاضراتن بالکلیه رسمیلکدن
چیقوب معاشقه جدیه دائره سنه انتقال ایله آره دن هر
درلو تکلفلری رفع ایدر مش ایدی ارتباطن کنجلك
زمانده حاصل ایدیلوبده مادام العمر دوامی التزام
اولنان محبتلردن عد اولنه بیلمکده ایدی چوق کره

قبلرمزی یوقلادیغمز زمانلر اوقدر ارتباط قوی
 کوسترنر ایدیکه عشق وسودانی هیچ بروقت نفسانیت
 فدا ایتیه جکلینه قطعی حکملر ویرلش ایدی .
 کذاک هر بریمز یکدیگرمزك نظرنده بر یوسف
 صاحب جمال کورینوب عشق مشترک ایه کوللرده
 جانشین روح سیال ایدی ایمدی او حاله مقابل کرچکدن
 انصافلی بر قلبی اغلاتغه مستعد اولان بو کونکی حالی
 نه یواده موازنه ایدیورسکز ؟ آیا وجدان صاحبی
 اولان بر انسان محب قدیمی نصل بر اجنبی حکمنه
 قویه بیله یور (آه) وفاسز بر یاره انصافسز بر عاشق
 نه قدر لایق ایه هر وقت انصافسز بر عاشقه ده
 کندسی کی بر وفامز یار او قدر مستحق ایش امانه
 چاره که ایش ایشدن کجسی . . . کرچه متروکیت
 اضطرابی شمایلرده بنی پک او قدر صیقه اقدن بشقه
 تحسره دائر ملاحظاتم دخی رفته رفته زوالپذیر اولیور
 ایه ده بر کره سزی اخطار ایدرمکه او فدا کار فکر یکن
 قلبکزی بر صادقز علیه نه پک ناحق اوله رق سوق ایلیمور
 افتراق زیانی اکلایوب اتفاقه عودت ایلک ایه هر شیده
 موافق عقل و حکمتدر اگر تمهیدانی یور کهکز غایت

تأثر سر اوله رق او قیوب یکیمور ایسه او حالده اکا طاش
 دیمک جائز اولور فقط کندیسنه عادی بر طاش دیمم
 چونکه آز چوق بر شعله اشتیاق کوسه ترمش ایدی
 بو حقه مقابل کندیسنی اعزاز ایدرک لعل بدخشاندن
 یایمیش بر یورک دیمه بیلیم او حالده ده اکلا رسکز که
 حد ذاته نه قدر قیمته دار اولسه ینه طاش دیمک اولوب
 بالطبع مروتک خار جنده قلیور اویله بر سنکستانک
 ایچنده دوشن عشق ایسه البته بویله بر قسوته تحول ایدرک
 بغض و شدت صورتی الهیلمسی مستبعد دکلدر !!
 خلاصه ازاجیق او کونلری دوشونکز که قلوب طرفینک
 اک مهم املی متولیا مجلس الفتی تشکیل ایدوبده جام
 محاضره دن استفاده قضیه سی ایدی ملاقاتسز کچن
 کونلر من عندم زده عمر دن معدود اوله من ایدی قلبلرک
 بر کون اولوبده بر برندن وقوع انفکاکلرینی تصوراتلری
 ایسه قیامتک قومسندن دها آغر و دها مؤثر کور نمکده
 ایدی قالدیکه بنم سزه اولان اطاعتم اودرجه ده ایدیکه
 هر زمان والدیتمک آرزولرینی کسر و پایمال ایدرک روجه
 عائد بر سعادت حامل عدایتدیکم علاقه دارمه بتون سینه می
 آچار ایدم (هی کیدی وفا کارلغک عالم دن شو فراقلی

غیوبتی هی) بو بایده کی اسفمک تعریفی هیچ بر وجهله
 ممکن دکدر انحق زمانلر کچوبده منطقی اولدی ظن
 ایدیلان بو درلو آه و اسف آتشلرینک بر کون اولوبده
 حائد بولندقلری یرده بر شراره دلسوز پارلاته جقلری هر
 وقت امیددن بعید کوريله مز مع مافیله اصل قریحه مک
 بو بایده کی کندی حسیاتی آروجه وزن وقایه ایچنده
 سویلیدرک انلریده ذیل ورقه یه یازدم سربست اوله
 رق او قویه یلیر سکز (ای عاشق معشوق فدا
 وی معشوق عاشق کش بی پروا)

نومرو

۶

تصدیعانمک ارتق پک چوق تکررندن ط-ولایی
 دولت پاینده بادای هوشیار * رحم کن بر عاجزان
 معذور دار * مآیله عرض معذرت و تمنی عفو و مر-
 حته-دن ص-کره معروض مملو کانه مدر که

وجدان پاککزک ابدی سونمه جک اولان اول نور
 خاص الخاصی حقچونکه مروت دنیلان ویوکلری کوچو-
 کلره ولی نعمت ایدن خصیصه نجیبه اندن بشقه بر شی
 دکدر انسانلرده باخصوص فضیلت طرفه دن اکمال اولمش

شانی انسانزده او خاصه فاضلهك وجودی كوزل
 چپكزده کی لطیف راحله معادل طونلیدیغی عرض
 و اخطار دن مستغیدر افتد من دن ماء-دا عصر ك
 ایچنده چوقلری کوریلور کد بولمافتدن اختیار غفلت
 ایتکده درل طوغریسی حلیم کوزل یكزك مرایای
 حقایق نمایی اوزرنده اونور ك نموجنی کوردیکم کوند-
 نبری کوکلم البته بوندن براقبتاس شرفنده نائل اوله-
 یله جکئی جزم ایله شعله جهانتابك مرگزینه طوغری
 متوجه اولوب قالمشدر بیلدیکمه واکلادیغمه کوره
 علامه بتون وجدانلر فطرة کندی جوهرلنده ده اونور ك
 موجود اولان استعداد لمعانی بسبتون محو و ابطال
 ایدوبده بر کسوف کلی ایچنده قالمق صورتی قبول
 ایتسه لر یله او قلب عالچناب کندی فضیلتك ضیای
 عالم شمولى میاننده آنی تمامیه بالمحافظه ابدیاً غائب
 ایتیه جکدر قالدیکه لاهوتی بر فضیلت جوهرندن
 یارادیلوبده قلوب نجیبیه برمایه امتیاز اوله رق تخصیص
 قلمش بولان شفقت خصیلتك بوگونکی جلوه گاه منقر
 دیده انجق او وجدان پا کدن عبارت اولدیغی قلم

طرفندن کوریلوب حکم اولمقده در ایسته مع التقدیس
تکراراً اونور عجم الفضلک و او جوهر لاهوتی الاصلک
نام و شانلرینه قسم ایدرک هر زمانکیلردن زیاده اشبو
ورقپاره مک مندرجاتی بر نظر مخصوص عنایتکاری
وعاطفپروری ایله مطالعهیه رغبت بیورلمسنی نیاز ایدرم
سوزلرمک ایچنده شاید یأس طرفندن القا اولمش بعض
کملره تصادف بیوریله جق اولور ایسه اثری بالفعل
مقصد مک ترویجی موقعنده او طورانلردن کنایه اولان
هر جعفرینه ترک ایله لطفاً قلمک معذور طوتمسنی بشقه
جه استرحام ایلرم (بی دریغی در عطا یا مستغاث)
اولاً شونی در میان ایتک آرزو سمنده یمکه اثنای مسئله ده
آزچوق هر بر ماملکنی غائب ایتدکن صکره اوج سنه
دنبریده حصراً ما حاضر دن اداره عائلهیه چالیشان بر
تهی دستک آرتق حال و تحملی نه درجه نه وارمش
اولمسی لازمکله جکنی هر بر قوه مدر که دن زیاده افندمن
حضر تلرینک انصاف عالیلری تأمل بیورسه لر کر کدر
ثانیاً استنبیلان مأموریت حقنده ثبوت لیاقت واستیعال
ایچون ذاتاً هر مسئله ده واسطه اتقان دقایق امور اولان
بر نطق باطنینک کمندی اثرلری کافی عد اولنه میه جق

اولسڊ بيله بونجد ولاة عظامك فعلیات اوزريند مشاهدۀ
سبق ايدن شهادات رسميه لري عجبا عادي بر خاطر ايجون
وقوعبولش شينر صايله بيلور می ؟ ثالثاً مجل و انتخاب
قوميسيو نلرينك هر در او تدقيقات لازمه يي اجراد نصكره
نام عاجزانه می (۰۰۰) دفترينه قيد و املا ايللري قاعده
حكيم التمه النمش برلياقتد مستند دكل ايديسه آيا بشقد نه
حكيمه مبنی اولمق لازم كلور ؟ رابعاً او كمده زمان
جهتيله دهها اسكيلر بولنوبده بالطبع و بالضروره انلردن
صكره يه ترك اولمقده بولنديغمی فرض ايده جك اولور
ايسهم اوتقديره كوره ميدانده كنندمدن اول آچيقده
وينه كنندم كي بوآنه قدر سفالته قلمش برعاجز دهها
كورمكللكم اقتضا ايده جكنی فكر عاجزانه م نصـل
اونوده بيلور مع مافيه امثالمدن قطع نظره وقتيله
معيتده يتشد يرمش اولديغم افنديلردن معدود اولمق
اوزره كچنده فلان محلدن كتمرديله رك (۰۰۰) متصرفلغنه
تعين قانان فلانك صورت وقوع مأموريتنی هر بر
قياسدن صكره محضا برحايه جليله نك تلاحقندن منبعث
بيامكللكمه مقابل قوللريده كنديمی افندمن حضر تلري
كي حامی معارف و اهلها و حاوی محاسن عوارف

باسرها بر قدردان صاحب اقتدارك زیر جناح تصحب
 ورأفته داخل طانیوبده مسعودیتی انجق اوسایه معالی
 پیرایه دن بکادیکی عرض و تلججه مجاسرت ایتدیکم
 حاده اونور تابان مروت در حال بو حقیقی تأیید و تنویره
 مساعده ایلزمی ؟ انصاف عالی اصفانه لوی بونیده
 بالبداهه تسلیم بیوررلر که پک چوق قلبلرک بو کون
 عواطف انسانیه انوارینی بالکلیه ضایع ایتش بولمئلرندن
 کنایه اولمق اوزره غایت قرانلق بر کیمجه نک ایچنده قبه
 کبودک النده منفرد قلمش بر شمع کریم کورلدیکی
 زمان آنک اطرافندن آیرلمق هیچ بر محتاج استغاده نک
 الندن کله یلورمی ؟ بنابرین مراجعتی انجق اونور
 دلفروز مروتیه حصر و قصر ایتکه شو حقیقت طرفندن
 صلاحیت آلی-ورم بوجه-له-لدن و هر درلو
 برهانلردن ص-کرده-ینه او یولده اسعاف مسئول
 کترانه مه افکار عالیه جانندن موافقت حصولی محال
 درجه سنده قله جق اولور ایسه او حاده ارتق چاره سز
 بروایت مکتوب بیلغنی قبوله مضطر بولنه جغمی عرض
 واعترافه مجبورم شو قدر که بو صورت الک صوک
 درجه یه یعنی هر بر امید و احتمالک انقطاع کلیسمندن

صـ مـ کـ ر ه بـه معلق قالمق مقتضی اولوب او حالده ده باری
 بو عنایتک ایستدیکم بر محله تخصیصی صورتیله اولسون
 دلشاد بیور لقلغمه مساعده کوسـ تـر لسی آرزو سـنـده م
 او محل ایسه (۰۰۰) ولایتـلـر نـدن بر یسی اولمقدن بشقه
 بر شی دکلدر هر حالده بو فضل و کرمی ده بروجـه
 معروض صولک مجبوریتک قطعاً تحقیق حالنده ینه خاصه
 مرحمت و عاطفت جلیله اصفانه لـر نـدن بـکـلیـه جـکـمـی عـرض
 ایله ختم مقال ایلمر باقی امر و فرمان

نومرو

۷

نیر عالمتابک کندی ذات نورانیسی ایچون هیچ بروقتده
 عارضه افول مقصور اولمیوبده او حالک انجق بر رنگ
 حزن ایچنده ترک ایلمدیکی نقطه لـر اوزرنده حس اولمسی
 قضیه سی جهت جامعه ایله شان عالی جناب فخرمانه لـر -
 نده شایان تطبیق و ارسال بر مثال مطابقت اشمالدر که
 بالوجه اشعه مزیات نامتناهیـه ایله اوج اشتهارده
 رو نقدار نصل بر آفتاب عالیجناب ایسه لـر محضا
 بر دور قسری محـورینک وقوعی اوزرینه بو کون
 او مزیات فاضله نک انوار مآثر نافعـه سـنـدن محروم

الاستفاضه اولان افکار و قلبلر دخی بالطبع اورنگ
 حزینی اکتساب ایلدیلر که بونک الک بیوک تأثیری البته
 چاکرلری کبی هنوز نقطه اقتباس و تفیضه یکی تقرب
 ایدوبده دها بر شیئه موفق اولمدهن بر یأس قرانلخی
 ایچنده قالان عاجزلرک وجدانلری اوزرنده حکیم سوره
 جکی درکاردر (آه) اول وعد جلیل فخیمانه لریکه
 نجه زماندنبری امید و ترqb اوزرنده ارتق قلبک
 ضایع ایده یله جکی بر درجه یه قدر کلان قوه حیاتی
 یکیدن تأمین و تنویر ایلش ایدی افندمن حضر تلی
 کبی مقاصد اصلاحیه نک مبدأ مهحنی طبعاً وطنه صادق
 وایاقه دخی حسن قبول و اقداره مستحق اولنلرک انتخابی
 نقطه سنده کورن بر فکر صائب صاحبک شرف
 حایت و عاطفت جلیله سی سایه سنده مسعودیت مملو کانه
 مک تحقق وقوعی جهنده قطعاً اشتباهم قلامشیدی
 شعله عرفانی منظورینک قلبی ایچنه بالادخال هر بر حس
 وجدانسنی معاینه یه قدر مقتدر اولان الک اهل شناس
 واک مروت شعار بر وزیر هوشیار و نسیل عالی تبارک
 لطف مخصوصندن کوکلم کرچکدن فوق العاده بر امنیتله
 امید وار ایدی مع هذا جمیع زمانده طرفدار صدق

اولنر علیه‌ده کی عداوتنک آثارینی ابرازدن خالی قالمیان
 دهر نافر جام نه وقت او زمره دن معدود اولان
 بر مستند صاحب مرآه قرین ابتسام بر هنرکام
 مسعدت انجام کوسستر مشدر که بو بیچاره حقنه دخی
 ارائه تمایل ایلسون بنا برین افندمن حضر تلرینک
 ظل ظلیل میامن دلیل فیاضانه لرینی فلك فرق ابتهاجک
 اوزرندن رفع وطی ایلدیکنی متعاقباً او جه نام کترانه مه
 اولمق اوزره سعادتلو (۰۰۰) پاشا حضر تلری بنده لری
 جانندن کلوبده بالخاصه شفاهاً دخی توصیه واراده
 بیورلمق وعد سامیسی تحتنده اوله رق (۰۰۰) نظارت
 جلیله سنه حواله بیوریلان شهادتنامه مخصوصک نصل بر
 حکمت خفیه یه مبنی اولورسه اولسون مطلقاً حق چاکرا-
 نه مده بر حیف صریحدن بشقه بر نتیجه افاده ایمان (حفظ)
 اشارتیه طوربه توقیفه اتلق اوزره اوراق او طه سنه
 ویرلدیکی کورلمشدر کرچه (۰۰۰) پاشا حضر تلری
 ایکی سنه دنبری قولکزی طائمشلر ویک بیوک وعدله ده
 لطف مخصوصلرینه امید وار بیورمشلر ایسه ده معافیه
 بو شهادتنامه خصوصیتی دخی بالذات کورملرنده ملا
 حظه کترانه مه کوره بشقه جه بر فائده زائده متصور

اولوب فقط بونی اوراق او طه سی لاجل التقديم یدعا -
 جزانه مه تسلیم ایده مامکله برابر بلا طلب و اراده کنندی
 طرفلرندن اوله رق عرض و ارائه یدخی مقتدر اوله میه جق قری
 بدیهی بولمنسه کوره شاید افندمن حضر تلری طرف
 عالی لرنندن برارالق مشار الیه حضر تلرینه بوشهادتنامه -
 دن اعطای معلومات ایله برابر لطفاً بر شفاعت
 رحیمانه نکدخی علاوه ایفا سنه بذل عاطفت بیوریه جق
 اولور ایسه او حالده حصولی مأمول اولان مسعودیت
 چا کرانه میینه افندمن حضر تلرینک کرم جلیل مرحمت
 دلیل فحیمانه لرندن قبول ایلش دیمک اولوبده حقیقه
 مروت مخصوصه لرینک احیاء کرده ابدیسی قاله جغمی
 بالاتیان هر حالده کنندی فضل و عرفاننک تلقین عالی
 طبیعینندن بالاستفاده عالم وسیع انسانیتده دائماً احراز
 شرف ممدوحیتی هر شیدن زیاده خصال حمیده جهتنده
 کورن بر عقل رشید مالکننک علو طبع کریم لرنندن
 بو لطفی قطعاً بکلمکه جسارت ایلرم باقی امر و فرمان

نومرو

۸

ورقپارهم او آستان واسع الاحسانه رفع اولمقده در که

آنک مکین ذیشانی بو کون دنیا اوزرنده حدسز نهایتسز
 بر سخای عظیم ایله نام نامی حاتمی عالمه اونوتدیدی
 کان مروت بحر فتوت ترکیلرینک حقایق احکامی
 عصر مزك ایچنده انجق انک ذات بیهمتاسنک ظهور یله
 تجدد ایلدی اوسخای بی پایانکه جناب حق کندی
 اخلاق الهیهدسندن اوله رق اک ممتاز قوللرینه ینه اک
 ممتاز بر بخشایش جلیلی در بالوجوه مواهب کریمه نك
 زبده سی مناقب جمیله نك منبع بر کزیده سیدر ام
 المحاسن لب المکارم انجق او خصلت عالییه
 ویریلور بر عنواندر وجدان پاک ایچنده او قدر
 فیاض بر تجلی جلالک نور تاباندن تحصیلدر که بتون
 ارواح مجرده آنک لطافت بی پایانه حیران و جمیع
 عوالم علویه آنک مظهر ذیشانی حقنده مفتخرأ دعا کو
 و ثنا خوان اولور اویله بر موهبتدر که حضرت
 وهاب حقیقینک مادی و معنوی جمیع نعمت لرینی ده
 مستحب کریم البالی ایچون داعی و کافل و او قدر
 عالی بر فضیلتدر که مالک محترم نك شائنده انسانیتک
 بتون مزیت لرینی جالب و مستکملدر جناب خداوند
 ذوالمنن بو شرفلی خصلت مبارکه نك مظهر مقدسنی لطفأ

واصحاب احتیاجك استفاده دائمه لینی وقایه سرمدی
 بر عمر وعافیتله معمر و مزین بیورسونیکه کرچکدن
 زمره مستمندان جهان آنک جود و احسانیه خرم
 وجهه حاجتمندان زمان آنک بحر کرمندن اغتراف
 واستفاده ایله حائز شادی وآزاده غمدر بودعائک
 اداسی یالکز ارباب التجایه دکل جمیع وطنداشلرکده
 ذمترلینه ترتب ایدرکه اوته دنبری خصوصی صورتلرله
 سایه عاطفته بونجه افراد نامعدوده نك حصول
 مسعودیتلرندن ودست کهر بارینک منافع بیت المال
 حائد حدسز حسابسز معاونتلرندن ماعدا بالفعل وطن
 مقدسک محافظه سی ایچون دخی متعدد طابورلر تشکیل
 ایدرک میدان حربه کوندردی کارزار ملی اغورنده
 محیر العقول اعانهل ویردی ساحة سفالنده سورینان
 یوز بیکرله فلاکت زدکان مهاجرینک اعاده حیاتلری
 ایچون نهایتسز عواطف مخصوصه سیله خدمتلر ایلدی
 عصر مز کرچکدن اعصار سابقه اوزرینه کندی حق
 رجحانی اکلایه زق تفخرلر ایلسونیکه اشته بو اوصاف
 مبسوط ایله موصوف اولان خصالت عالیه نك مالک
 ذیشان بولنان منفرد الوجود بر حائی طبعک کمال بمن ایله

زمان ظهوری اولشدر ایدی (ای کریم زمان)
 بو کون شیدائد روزگارک ال درین بر غیاسی ایچنه
 دوشمش بر عاجزک قلبندن چیمه-وبده سمع مر و تسکزه
 نگارمه اولن اش-و صدای استمدادکارانه سنه حواله
 کوش مرحمت بیوریکز او صدانک مخرجی بولنان
 وجدان پر اض-طرابک حام-لی دیمک اونن بو عاجز که
 ذاتهم امکاران بندکان دولندن و همده رخنه داران
 فلاکت مهاجرتدم اثنای مسئله ده (۰۰۰) شهری
 دشمن طرفندن ط-وپه طوتمدیغی زمان اوراده کی کافه
 ماملکم مر میات التنده محو و مضحعل اولدقن بشقه
 خانهک ایچنده کی اشیای موجوده هم دخی یغما جیلر
 طرفندن غارت و اغتصاب اولمغله الده عادتاً هیچ بر شی
 قلمدیغی حالدده انجق اوستومزده کی باشمزده کی البسه ایله
 مع العائله ک-وج حال ایله بورایه جان آته بیلش ایدک
 اساساً خدمات دولته سبقت ایدن (۰۰۰) سندلک امکمه
 مقابل خزینه جملیه دن (۰۰۰) غرو شلق بر قید حیات
 معاشنه نائل اولمش ایدیه مده بونک نصی اخیراً تنقیحات
 مکرره صره سنده کسملکله بقیه مقداری انجق بوراجه
 مستأجراً اوتوردیغم خانهک کراسنه تقابل ایده بیلوب

معیشت جهتنه کانهج هیچ بر فائده ویاردمی قالمیور
آنک ایچون مضیق اتعاشک او قدر شدید بر درجه سنده
یمکه بونک تعریف تامنی استماع و تلقیه شیعه مرحت
مسلمه کزک متحمل اوله میه جغنی جزم ایله او بحثدن طی
کلام ایلمر بناء علی ذلک بو کونکی کونده هیچ
اولمزسه حاله مناسب بر خانه مبایعه ایدوبده او معاشی
مهما ممکن معیشت ضروریه حصر ایتمک آرزو سنده
بولنه رق بو یولده کندیمرجه مثلا بعض مزینات نسوا
نیهی فدا ایتمک صورتیه بر مقدار شی تدارکنه امکان
کوره بیلیمورایسه کده اوست طرفی ایچون مطلقا بر اعانه
احتیاجز قطعاً تحقق ایلمیور بویله بر عاطفت
رحیمانه بی زهدن تمنی واسترحام ایلمیوبده نائل مطلب
اوله بیله جگمی دوشوندیکم صروده وجدانه بر سواق
خفی طرفندن افندمرک باب احسانلری القا و اخطار
قلندی بومجر بدر که بر عاجزک قلبی غایت مضطر
قالدیخی زمان مطلقا هاتف طرفندن ارشاد اولمسی
الطاف خفیه آلهیه قانون مقدسی احکام جلیله سندندر
وبوده جمله مسلماتندر که انسان مراجعت ایده جکی
بر ملجأ کریمک شیعه مرحتی حقنده اشتباهی اولمز ایسه

صورت الجاسمك منبج مرام اوله جغنه وجداني اقتناع
ایده یلمور اشته قولکزدخی شان عالی حاتم شیملرندن
استدلال استمداد مک مظهر حسن اسعاف بیور یله جغنی
قویاً جازم اولدیغم حالده آستان مرو تیرینه النجا
ایلیورم بو اعانه کیتی افندمره کوره پک کوچوک
بر شی دیمک اوله جغنه شبهه یوقسه ده چا کرلنجه کر -
چکدن فوق العاده بیوک بر اطف کریم موقعی
طوته جقدر او حالده احسان بیور یله جق اعانه ک
قوتی سایه سنده تدارک ایده یله جکم خانه بی طوغریدن
طوغری به طرف دواتلرندن بخش و غمیک بیور لمش
بر مسکن طانیهرق کرک کندم و کرک رفیقدهم شو
عالمده بر حیات قالدیغمز مدتجه بو خانه ک ایچنده نام
نامی آصفانه لینه اوله رق بارگاه متعاله عرض دعوات
دائمه دن خالی قالمیه جغمز کی بزدن صکره کی نسلزه دخی
بر وصیتنامه مخصوص ایله بو وظیفه بی توصیه و توجیه
ایلمک لکمز قضیعا مقرر در چونکه حسن طویت
و فرط صداقت صاحب لری کورد کلری منفعتک درجه -
سنه نسبتله دکل کندی وجدانترینک الجاسمه کوره
حرکت ایدرل قالدیکه بر فته ور عظیم ایچنده

بوانوبده اندن خلاص وره‌ایه یول آریان بر بیچاره‌یی
 ائک معتدل بر عنایتک بیله نه قدر فوق العاده بر مرتبده
 مستدار ایلمه‌جکی بدیهیاتندر بو لطف و عاطفته‌دن
 بز نه قدر ممنون و متشکر اوله‌جق ایسه‌ک افندمرک دخی
 بالوجوه متخیر قلمش بر خانه خلقنی یکیدن احیا ایلک
 شرفندن قلباً او قدر مثلند قلّه‌جقلری درکاردر زیرا
 یت چوق کتابلرده کورلمشدر که حاتم طائینک ائک زیاده
 تلمذ ایلدیکی شی کندیسنه مراجعت ایدنلرک مشکالرینی
 حل ایتمکدن متحصل ذوق وجدانسی ایدی بولنق
 کندیسنک قلب نجیبنه القا ایدن خاصه کندی ادراک
 معنویسی طرفندن روح پر فتوحنه سکالان بر عالی
 ورجانی مطالعه‌نک اثری ایدی بنا برین او ذات
 والا قدرک عالم قدسیدن عصرمرزه بخش اولمش
 بر نظیری دیمک اولان افندمردن دخی او خصیلت فاضله
 و جلیله‌نک هر بر مآثر عالیه‌سنی امید و اعتقاد ایتکده
 کسه‌نک ترددی اوله‌مرن مع مافیسه مروتک نه قدر
 عواطفی و علویته‌ک نه درلو مفاخری وار ایسه
 کافه‌سنک او صفت جمیله سخا و سماحتده مندرج او -
 لبغنی بتون قضایای ادبیه دخی تصدیق و اعلان

ایلیور شو حالده اشبه و مراجعت مستمندانه
 بو کون دینک اک سماحتلی واک کریم الشیمه بر صاحب
 تمیزی طرفندن حسن قبول کوره جکنده اشتباه ایدهم
 و حال اضطرارمک درجه سنی دخی ذاتاً نور انهامه مظهر
 بر قلب سلیم ایچون بوندن زیاده تشریحه محتاج
 کوره م باقی امر و فرمان واحسان

نومرو

۹

الا ای سپهدار روی زمین * خدایت معین باد و دولت قرین
 سپهدار دشمن کش و بیل تن * نکو رأی و دانا و شمشیر زن
 بدانش بزرگ و بهمت بلند * پیاز و دلیر و بدل هوشمند
 خدیو خردمند و فرخ نهاد * که شاخ امیدش پرومند باد
 ستایش کنان در شای تواند * درود آوران دردغای تواند
 ند ذکر جمیل نهان می رود * کدصیت اهرم در جهان می رود
 چو همتای تو در کرم مرد نیست * توان از تو امید بر آورد نیست
 وفا از تو جویم چو فردند * عطا از تو خواهم چو فرزند
 کرم کن براوکز تو جوید عطا * کدهرگز نکرد اصل کوهر خط

مراجعتم اول سپهسالار اکرمک آستان فخامت

عنوانه در که بطون ایام ایچنده وطنك سعادتته اوله رق
پرورش بولمقده اولان امید استقبالك قوه الظهر ظفری
عند اهل النظر کندیلرینه ك حسن تدبیر دلدیرلرندن
ولدی الوغا بته ون کتائب ارواح مجردینی دخی تأیید
جیوش اسلامیانہ جلب ایلیه جك قدر خلوص عزم
ونیتلر ایسه صمیم قلب الهام سمیرلرندن مأمول ومنتظر
بوانیور نیناً زبور سمع ابتهاج عالم اولان خصایص
جلیلہ ذاتہ لرینه کوره جمیع زمانده هر درلو موفقیت
خیریه من عند الله اول سرعسکر حیدر سیر ایچون
میسر اوله جغنده اشتباه یوقدر که ذاتاً مسـالك خاص
الخاصی منهج قوم استقامت ووظیفه مقصد خالص
المختصی مقارن مطلب کریم حضرت صاحب خلافتدر
یوحالده نیجه منصور اولمز اول پادشاه مؤید که شمشیر
آتشتاب انتقامی هله اویله بر سپهسالار بهرام کیرودارك
دست بسالت پیوسته مله دشمن مهینك علیهنه سر بر
آورده میدان اقتحام ایلیه نه سعادت اول صف
آریان امرای ظفر اتمایه که دقایق فتون حریره
وحقایق رسوم عسکر یه دن هر بر وضع وحرکتلرینه

اول سپهسالار اعظمك طرز كزین سـوق و تمشیت
 و نهج بهین رأی پر حكمتلرینی متن متین اتخاذ ایدهل
 (بشیری) اول لشكر نصرت رهبرده كه قوه جلادت
 حیدرانه بی اویله بر صفدر یكانهك بسالت طبعندن اخذ
 و اقتباس ایلکده درلی (ای بتون بو محترم صفتلرك
 ومع هذا بونلردن دها اكثر و دها بلاثر عزیز و قیمتدار
 خصـمـلـتـلـرك مالـك ذیـشـانی اولان داور بی معادل
 حضر تلی) كـرچـكـدن توفیق جناب جهان آفرین
 ایلـه حلـول و قتـمـر هـونـده جیوش مسلمینی مظهر فتح
 مبین ایدهـك و آنـك نتیـجه مسعوده سی اولمق اوزره
 استرداد مغصوبات و اقعده مقصد اقصى الغایه سنی استحصال
 ایلیمـك حسن موفقیـتـلـرك خاصه رأی و تدبیر اصابت
 پذیر حیدرانه لینه میسر قلمسی و هر بار چهره
 دفرام مظفریتك آینه حسام جلادت اتسام رستمپسندا -
 نه لنده جلوه كر اولسی دعاسی ذاتاً هر بر محب و طمعه
 لازم ایدیه بوكون بنم ایچون بر انجذاب خصوصی ایلـه
 بر قاج قات واجب حكمنی الـدی بووجـوبك ترتبی
 ایسه بالخاصه او فضیلت فوق العادهیه مبتیدر كه انك
 خلاصه سیده هر هانگی صنفه منسوب اولورسه اولسون

حد ذاتنده حسن خدمت وطنه مستعد بولنوبده حسب
 القدر بر حامی صاحب اقتدارك مظاهرت قویه سینه
 مظهر اوله مامق سبیلله کوشه یأس واسفده قالمش بر
 صاحب اهلیت کوردکلری زمان بر حس قلبی قدرشنا -
 سانه ایله بالتأثر آنی در حال زیر جناح عاطفته الهرق
 مطلقا خاك ذات اوزرندن قالدیرمق شعار جلیل عالیجناب
 بانه سیله دخی بشقه جه اتصاف سامی حیدرانه لری قضیه
 بر کزیره سیدر بویه بر صفت نادره مروتمندانه ایله
 کافه عزیات ذاتیه سینه بر قاج قات رونق ویرمش بر
 عالیجناب ایشیدیلنجه اك زیاده کنیدیسنك اوشیمه مرغوبه
 عالپسندانه سینه بر انجذاب صمیمی حاصل ایدیلوبده
 روحانی بر تلذذله نام عالیسنه اوله رق قلبك جمیع قوای
 معنویه سیله ایفای دعوات خیریه تمایل واشتغال مطلقا
 هر برخالص البال ایچون طبیعی ولدید بر حال فرخنده
 مآلدر ایشته افندمن حضر تلی او قدر جالب القلوب
 بر مرو تپرور وعبد احقر لیده عاجزانه اوله رق دولت
 ومملکتتمزك منفعتنه حسن خدمت ایفاسنه خواهشکر
 بر بنده صداقت کسیر اولمق وعدم یاورى طالع
 سبیلله مجرد بر سایه فیض آوره عدم مقارنتدن طولانی

حتی باب عالیجه سجل و انتخاب قومیسو نلرینک تدقیقات
نظامیدلرندن کچوبده منتخباً (...) دفترینه قید اولمش
بولدیغیم حالده دخی هنوز فعلاً بر مسعودیه نائل اوله -
مامش بر مأیوس بولمق جهتله (جود محتاج کدایان
چون کدا) مضموننک اقتدارایله احتیاج یکننده اشراب
ایلدیکی بر نوع ملازمه علاقه سند متوسلاً باره چاکرانه مده
شرف صحابت و حمایت جلیله رحیمانه لرینی تمنی واستر -
حامد محاسرت وحاشا نظرگاه عالی جناب سپهدا -
ریلرینه بر هنر عرض ایتک موقعنده دکل انجق نیجه
زماندنبریدر تمنی مقصد یولنده زره زره نقد مر اجعتلر
وفر یادلر صرف ایلیه وبده ینه بر اثر عاطفته مظهر
اوله مدیغم کوریلوب آکلاشمدیخی زمان حال اسف
اشتمالم اوزرینه برقت دهامرحت ورأفت جلیله جناب
فخیمانه لری بالتبیح درجه تأثر عالیبری نسبتنده مستفید
بیوریه جغمی امیددن منبعث بر حس اوزره بعض آثار
ناچیز کترانه می حاوی نسخ مطبوعه دن درت پارچه سنک
دخی من غیر لیاقة عرض و تقدیمه جرأت ایلیورم باقی

نومرو

۱۰

دنیا طور دقچه طور مق ایچون کلش بر دین مبینک
 حامی جلیل الشانی نامنه کافه مسلمین ایچون تسلیم رقبه
 مطاوعت و ایفای دعوات عمر و شوکتنه مداومت
 قضیه لری و انلره علاوة ده جمیع موحدین و تابعینک
 اتساع دائره رفاه و سعادت لری اسباب موجب سه خدمت
 وظیفه مهمه سی نه مرتبه لرده اهم وظائف دیانت
 و ملت اولدیغی محتاج بحث دکلدر حتی بو اهمیتک
 درجه سنی اثبات و تعیین ایلیان نقلی و عقلی برهانلر او قدر
 شایع و متعمددر که انلردن بردانه سنی بیه بوراده قید
 و اتیانه احتیاج یو قدر بوده مسلمدر که تأیید دین
 و ملت حقنه تخطر اولنان مصالح نافعہ بی خلیفه عالم
 حضر تدرینه عرض و اخطار ایده بیلک خصوص
 کندیلرینک مساعده مخصوصه لرندن بشقه هیچ بر قید
 و شرط ایله تقید قبول ایده میه جکی کذلک عقلی و نقلی
 عظیم برهانلره و اصل مرتبه تحققدر خلفای مسلمین
 حضراتک و کندیلرندن برر قطعه صاییلان و کلای
 بنامنک قلبلری موارد الهامات اولمق شرفیله البته فکر

و نظرده اقصای مدار که مالک و طور و اخلاقدهده
اعلای مسالک سالک بولند قلمزنده اشتباه محل بوقدر
اشته او انظار عالیته و او مسالک حکیمه نیکبخت
اولمق اوزره افراد ملتی تحصیل معارف انسانیت
و تکمیل وسائل مدینه سوق ایله رابطه اتحاد ملیت
وفائده ترقی مدینت خصوص لرجه بتون هیئت مشترکه بی
بر حس عالی اوزرنده جمع و تمکنه بالافاله کنیدیلمرینی
بالوجوه مفخر ام و اشرف ابنای عالم اولمق ایچون
موهوب صمدانی اولان حقیرینه یکین ابصال ایده جک
اقتدار علمی و عملی به یوما فیوما مالک بیور مقده درلر
ا کرچه بو کونکی سیاسیات دولیه به عائد اولان بر حالک
آغرلخی براز اندیشه کتوره بیلیور سده مع هذا نزد عالیده
واذهان هیئت ذوی المعالیده خفی دکلدر که (عالیده
هر فساد ایچون بر زوال و هر حال ایچون بر استقبال
مقرر در) بنابرین بر طرفدن شئونات مبرمده جرای
طبیعیسنه اتباعه برابر دیگر طرفدن ده اله کله به جک
فرستلردن استفاده به دقت موافق مسالک حکمتدر
اشته بر وجه آتی شرف مثوله مظهریت تمیسنده
بولند یغم حضور عالیده نظریاتی عرض و افاده و فعلیاتی

در عهده ایده جگم مسئله دخی او حکمته عائددر زیرا
 بوکون هر بر پولتیقه مسـلـکـنـک مبدئی لسان و تشعب
 نقطه زدن باشـلـایـوبـده جهات متفرعه سـنـده دوران
 ایتدکن صکره ینه انلره رجعت ایتدیکی کوریلیمور
 بو حالحه قدیمأ ارتباط مادی و معنویسی زهیه عائدبولندیخی
 شایان ملاحظه اولان بر نقطه مهمه بی موقع تخطر
 وتذکر عالییه قویمقدن فصل تأخر ایده یلیرم مقصدک
 فعلا استحضار واستحصالی ایسه صداقت خالصه دیانتکا
 رانه مک اوزرنده بروظیفه در خلاصه کلام بوبابده کی
 ماجرای ضمیر صادقانه می عرض وتفسیر ایله برابر نقلا
 مدال بولندیخی اوزره شرف مشاهده سی قلب مؤمنده کی
 جوهر ایمانک ترقی نورانیتنه بادی اولان جمال جیل ظل
 یزدانی خصوصی بر زیارتله قریر العین مفخرت اولمقلغمه
 دائر استحصال مساعده سنیهیه همت وعنايت مخصوصه
 معارفپروریلرینی تمیندن عبارتدر باقی لطف و کرم

نومرو

۱۱

اول وعد کریم کرامی ادا که عالمده جمیع فضیلتلرک
 نقطه اجتماعی اولان بر انسانیت محضه طرفندن صادر

اولش ایدی عقل و عرفان من مـ واد خصلمتلك اك
 عادلی اولدیغی حالده انسانلردن فلاکت کورنرله کور-
 میانار میانده اك زیاده مرجه لازیق اولنلری بحق تمیز
 ایدن بر انصاف انسانی جوهرندن کیش ایدی عاجزلره
 ملتجا اواقدجه شرفنک تزایدینی حس ایلیمان بر مروت
 حقیقیه جانندن صدور ایلشیدی روشن کهران
 اصلنک فرد الفریدی بولنـان بر جوهر اکملک لعل
 کهربارندن شعله پاش طلوع اولمشیدی نظر عالیسی
 حیانتك اك یـ وک لذتی عاجزلر حقنده بذل عواطفله
 تکثیر حسناته موفقیت نعمتـده آریان بر وجدان
 کریمدن سنوح ایلـه مرتبه تکلمه چیقمشیدی محضاً
 اووعدك حکم عالیندن عبارتدر اوخاصه که عالمده هیچ
 بر آفتابك وحتى آفتاب کی بر جلال مستطابك دخی
 قح ایده میدچی قدر مظلم بر یأسك ایچنده قلنس اولان
 بر قلبی او قرانلقدن چیقاروب غایت روشن بر امید
 اعاده ایلـدی چونکه او وعده جمیل بر ملک
 لساندن نور کی چیقمش و معطوف اولدیغی قلبك
 ایچنده سعادت شفقـلرینی طوغدیرمش ایدی (بارک
 الله اوله ملک) که انک لطافتـه ملـکـر دخی کمال اشتیاق

ایله حیران اولور سیماده اکا معادل بر کوزل
 و عرفان و ذکاده انک کبی بر بی بدل تصور اولنده من
 حسن صورت و لطف سیرتده اقصای کماله مالک
 و مسلک ذیبال فرخنده قالی ایسه بالوجه احسن مسا -
 لکدر کندیلری بر طرف سرائر حقیقتک نجل
 نجیبی و بر واقف حقایق حکمتک فرزندایی درلر که
 اول قطب کردون فضیلتک کرامت انسانیتده عدیلی
 نایاب و جزالت بلاغتده عنوان جلیلی پیرایه لوحه
 آفتابدر او وعد کریمک ملاحظه حکم سامیسی
 کوکلی او یله بر امید استقبال حلاوتی ایچنده بولندیر -
 یور که بولنده هیچ بر نعمتی مقیس علیه طوته هم
 بو ملاحظه اره سنده وجدانم او یله بر زلف عبیر افشانک
 رایحه جان بخشی کبی بر نفحه مشکین استشمام ایدیور که
 کویا روحم بر شاهد نورانی یه نامزد اولمش بر بختیاردر
 مع هذا بو درجه ایله دخی اکتفا ایده میوبده عادتاً کوکلم
 قرب بر حانه مظهر بر قلبک توسعی کبی بر اتساع معنوی کسب
 ایدیور دیسه مالحق حسیاتمی تفسیر ایده جک بر مقیس علیه
 در میان ایش اولورم (صانک الله ای ولی الکرم) که او وعد
 لطیفک دلالتی حقیقه وفا کار بر قرپیکرک وعد و صلتندن

دها زیاده مسرت رسان ایدی خدا علیمدر که کرچکدن
 حیاتمه حیات قندی زیرا او کوندنبری روحک مزاجنده
 بر تازه لیمک نشئه سی بولیورم وجدانم او قدر سوینوب
 او چمقده در که عادتا سرور وفرحدن جناح لر پییدا
 ایدرک عالم ابتهاجک عرش اعلاسی اطرافنده دوران
 ایلور کافه حواسمی استیلا ایتش اولان یأس واسف
 قرالمقلری رفته رفته آچیلوب کوکله بر سعادت نوری
 طلوع ایدیور المی ایامی باغلامش اولان ضجرت
 واضطراب قیدلری برر برر چوزیلوب غایت واسع
 بر آزاده لک عالمه داخل اولیورم مضایقه حالنک
 وجودمه الک ضیق پولیس-خانه لردن زیاده تنک ایتدیکی
 بوکنیش دنیایی بالعکس او وعدک مدلولی همان کندی
 اولدیغندن ده زیاده وسعتلندیریور کوزلرم اولیکی
 کوردیکی جهنم دره لیمک یرینه شمعی بهشت عدنک
 ساحه دلارالینی مشاهده ایدیور قولاقلرم هربر
 صدایی برنوحه جان کداز ثقلتمده تلقی ایدرایکن بوکون
 غایت جان فزا برتغنی لذتمده اخذایلور ایچدیکم
 صولر دوداقلرمدن ایچری داخل اولنجیه قدر کوزمک
 یاشیله ممزوج اولوبده برزهر هلاهل حکمنی المقده ایکن

شمدی انفاس مفخرت و شکر آمدن استفادهٔ خاصیتله عادتاً
 برجام کوثر طعمی بخش ایلیور ایاقلرم یأسک ویردیکی
 ضعف ایله یوللر اوزرنده حرکتدن امتناع کوسـترلر
 ایکن او کوندنبری اعادهٔ قوتله همان کهیلانلرده مقصور
 اولیان برسرعت و سهولتله بنی هدف مقصودمه ایصال
 ایلیورلر حواس باطنیه مک هررنده شوق و شادی
 دو کونلری جریان ایلیور مشاعر داخلیم متصل
 یکدیگرینی طلوع کوکبهٔ سعادتله تبشیر و تبریک ایلیورلر
 — (آیا) بونه برکتلی مسرتدرکه وجدان طالعک
 نهایتسنر اولان افقلرنندن طاشوبده کوزمک اوکنده بتون
 دنیایی دخی طولدیردیغی حالدله کندیسندن قطعاً برذرمنک
 یله اکسلدیکنی حس ایتیمورم خلاصه سرور دروغه
 حدوپایان اولدیغی کی مطلق و محقق اووعد کریمک تأمین
 ایلدیکی همت و عنایت طالع و لی نعمتانه سایه سنده قریباً
 مسعودیتک حصولی حکمنک اعلامنی چوقدن محکمه
 وجدانمدن آلمش اولدیغم حالدله انجق اثر فعایسنی
 استحصال ایچون شو کونلرده (۰۰۰) حضر تلرینه
 مراجعت عزمنده بولنیورم فقط مشارالیهک دامادلرینه
 اعطاسی مقرر اولان امر مخصوص کر مکاریلرینک وقوع

تبايعنه و قوف حاصل ايتكل كنك لزومنى بالتخضر اول
 بول افنمرك بوبابده كى اراده جليله لادن اقتباس قوته
 مجاسرت ايليورم باقى امر و فرمان

نومرو

۱۲

بقول حقى (دوشه دى عالمه كردون بساط عشرت
 دللى قىلدى طربخانه ناهيده مثال * صوندى دست
 امه ساقى صهيلى قدر * بر قدح نور صفا كستى كيم
 مانمال * كترين رشده سى سرمايه عمر جاويد * اولين
 نشوه سى كيفيت جام سلسال) مضمونك فعلاً تجسمگاه
 عالىسى ديك اولان اول سور عجم السرور كه مهوره
 مالك هر نقطه سنده انك شعشعه سعادتندن استفاده ايله
 يتماً طرف طرف طرح محافل شادمانى به بادی طبيعى
 اوله جنى ايجون هر قلب صادق طرفندن شرف عال
 العال وقوعه انتظار قلمقده بولنديغى حاليه جد
 اولسون بوكون (نو عروس حسن آجدى مه جمالندن
 نقاب * اول مهه روديد ايجون ويردى شعاعك آفتاب)
 مآله منطبقاً بر خورشيد منظره فارسو رفع نقاب
 احتجاب ايليان بر ديدار مه پيكر ك نور طلعتى قدر پارلاق

بر شعلهٔ صباحت و مسعدتله ساحهٔ عالمه رونق افشان
 اقبال اولدی روز فیروز جریانی او یله بر فصل
 دلارانک روابع لطیفه سیله مالامال اولدیغی حالده که
 او فصلک فیض عالم شموی اشته بتون جهانک حیاتنی
 (کلزارده کل و ریحانی نسیم قدومیله فیضیاب ایدن
 بر کلچهره نیک او لطف قدوم صبا خاصیتی کی) بر
 لطافتله تجدید و تنویر ایلمکده در . الحق که شو
 اتفاق مسعودک حکم ضمنیسی معناً و مادهٔ جنس سعا
 دتک بو اقتران ذیشان اوزرنده صورت اجتماعنک
 فی الازل عالم قدسی طرفندن مقدر بولندیغنه بر دلیل
 حقیقی اولمق اوزره قبول و تلقی یه وجوه هله شایاندر .
 (بارک الله) نه سور پر حبور که نسبت جلیله سنک شرفنه
 اوله رق مطلقاً دارالنعیم بتون نفایس ناهیه سنی انک
 موائد معمه سی ایچون بعث و تنزیل ایلمه و بده ضیا -
 فتکاهلرنده ینیلان نعمتک قطعاً جان پرور وینه
 او منبعدن ورودی مجزوم اولان شربتلرینک ده عیناً
 جام کوثر اوله جغنه هیچ بر معاینه و چاشنیخوارلق
 کلفتی اختیارینه ییله لزوم و احتیاج کورلمکسزین
 بداههٔ وعن اعتقاد حکم ویرلمک ایچون هیچ بر اهل

استدلال نموده عدم امکان متصور دکلدر اوسور
 بهشت آینه‌ک هر صبح و شامنده شفق‌لر اک کوزل
 واک ظریف رنگ‌لرینی و سحرلر ایسه انلردنده
 لطیف و مفید بولنان نسیم‌لرینی و شبیم‌لرینی انک اوزرینه
 سوق و نشر ایتیکدن بشقه هر بر بزمگاه خسروانیدسند
 ابراز مهارت ایدن نغمه سرایانک مجلس کلمده نوای
 جنتدن دم اورن بلبلارک ناله دلکش‌لرندن دها زیاده
 شوق افزا اولان ترغملرینی (ملیکارک آسمان اوزرنده
 جاری عشق روحانی) هولیه هم آهنگ ایل‌لری
 وینه اولنسبت مقدسه‌نک شرف و شاننه اولمق
 اوزره فلك دخی بحق بو بزمگاهلرک نشئه دارانسه مع
 زیاده رام اولوبده اهل بزمک هر بر امرلرینی باشنه تاج
 اقتضار ایدرک دلخواه‌لرینی درحال احضارده شتاب
 کوس‌ترمی کی او عالم سرورک رنگارنگ اسباب
 تفیضاتی کورنلر مطلقا بو سعادت بتون دنیایه تعمیم ایله
 ارتق جهانک جدی بر حیات سرمدی ایله مبشر اولمش
 بولندیغنه حکم ویرمکده اصلا تردد کوس‌ترمی جهکری
 واضح‌اندندر ما حاصل ارباب خیالک ارملره مخصوص
 اولمق اوزره تصور و تصویر ایده کلدکری نشئه‌لرک

ونشاطلك كافه سی بوسور ذیبال اوزرنده عیناً تجسم
 ایتدیکنی ادعا ایچون هر اهل مقایسه‌نک نظرنده لزومی
 قدر نقاط استنادیه‌نک وجودی بخشنده اطناب کلامه
 حاجت یوقدر شوراسیده مقرر در که بو مسرنک
 تنویر ایتدیکی قلبلرک وبو مسعدنک تزین ایلدیکی
 فکزلرک رنگ بشاشملرینه نسبتله کنیدیلمرینی اشعه آفتابک
 انعطاف الوانیله متلون ورونق‌دار اولان اک پارلاق
 کوبلره تشبیه ایلکله دخی تصویر وتفسیر ممکن اوله -
 میوب بومسار عمومی انجق شو واقتران فرخنده فلك
 شرفنه اوله رق بتون عالم اوزرینه بر حسن نظر بارینک
 تجلی جلیله اسناد اولنور ایسه اشته اوزمان بر توجیه
 قریب ایراد ایدلمش اولور زیرا شو فیض مهم عالمده
 کندی نفسجه هیچ بر سرمایة شادمانی ومسرته مالک
 بولنمیان مثلاً وجدان مکرانه‌م کی اک غنمک قلبلری بیه
 حائر نشاط بی پایان ایلکدن عاجز قلمدی مع هذا
 بو احوال معالی اشتمالک بالوجوه مکمل ومتم اعلاسی
 اولان بر نقطه مهمه ومقدسه‌یه کلنجه اشته بتون عالمک
 بوکون انظار مباهاتلرینی حقیقه تصورلردن زیاده
 تنویر ایلیمان شعشعه جهان آرای فیض وفقوح قبه

كبودك اورته سنده يانان شمع وهاجندن دكل بلكه بر
 حبله كاه خسر وائينك مناظر جليله جهان پيراسندن
 افاقه منتشر اولان بر نور سعادتك پرتو عال العالمدر كه
 آسمانك شمس وماهه من هيج بروقتده بويله دلفروز
 برضياي مفخرتك بگلنده مامسي امر طبيعيدر او
 حبله كاه عالمدر كه كو كبه فيوضاتك مركز سلطنتي
 بولنديخي جهته بحق فجر شماليله غبطه رسان اولان
 كندي رونق عالمتابيله ساهره غبرابي بالوجوه غبرالق
 صفتندن چيقاروب بر طبقه علميائ آسماني شكل و حكمته
 نقل و تحويل ايلدي بر ائرده مشاهده اولان وجوه
 محاسنك منبع كالي البته مؤثرده ديمك اوله جفته كوره ارتق
 بوفيوضاتك منابع اصليله سندن بوراده بحث مخصوص
 اچغه لزوم قلموب همان شو سرور لطافت نشوري
 قلوب عالمه بخش واهدا ايليان اوسور مسعدت اتماك
 باعث تشكلي بولان او متناسب ملكرك هر يوم مسعودلوي
 مبدأ اعلاي اقترا نلري كي الى الابد نسيم سحرك فردوس
 بريندن الوب نشر ايلديكي نكهت حيمات نوازيله معطر
 اولديغي حالده بر عيمد طربزاي نشاط وانبساط
 اوله رق كنديلرينك ايسه هر كوناك هر ساعتی اينچنده طبع

خرملری چشمه سار سعادتك رحیق خوشکوار جان
 فزاسیله طری وشاداب وکلزار وجدانلری ده هر فصلک
 هرآنی ظرفنده متوالیاً فیض نیسان صفا و عافیتدن
 مستفید آب و تاب اولملری مقاصد صادق سینه ملابس
 بر درود صمیمی و حقیقی ایله معاً نتیجه مقصد غایه اولان
 (بالفاء والبنین) دعای صدق انتماسنی رفع بارگاه
 متعال ایلد کدن صکره جمیع زمانده و هر حال و مکانده
 باعث منفرت و سعادت اولق اوزره کمال اهمیتله تقدیس
 و اغتنام ایلدیکم حسن نظر عالی و لطف جایه
 ذی المعالیدن استفاضات مستندانه مک تجدیدی نقطه
 مهمه سی اوزرنده ختم کلام عبودیت اتسام ایلم
 باقی امر وفرمان

نومرو

۱۳

صفحه دلاراسی اوزرنده خامه عرفان ایله لوح
 دلدنه کی مضمون محبت تمامیه نقش و تصویر اولمش
 برنامه نامیلری کلهرک دست اختصاصی تزیین ایلدی
 اومانئ نکار خانه ادب بو ال ایچی قدر بر لوحه نک
 اوزرنده بتون صحایف سماواتک استیعاب ایده میه جکی

نسخه وجدان مندرجاتی نه قدرده تفصیل کلیه سبیل
برابر نقش و ارائه اتمک خصوصاً مہارت فوق العادہ
کو سترمش یا !! یالکز تفسیر وجدانیات درجہ سندیہ
قلیوب عادتاً روحی دخی تصویرہ قدر استعداد امارہ لری
ابراز ایلیہ ور ہلہ عالم ادبیاتہ شوآنہ قدر تعبیرہ
کتیریلہ میوبدہ بالخاصہ طبع سلیم ادراکنہ براقیلان
معنوی نیجہ نکتدلی حقیقہ کوز اوکنہ چیقاروب
کوسترپور اونقوش بدیعہ نک ایچندہ بردہ مفہوم
لطافت و مضمون فصاحتدن عبارت برشعاع روحانی
لمعان ایتدیرمشکہ ارتق بومادی و معنوی روایعک ذوق
تماشا و مطالعہ سی ایچندہ کوکلم بروجد روحانی یہ
مستغرق اولہرق او حال استغراق ارہ سندیہ سمع جانہ
لسان ہاتف طرفندن (خذ الجام لاتحش فیہ الجحاح
کہ درباغ جنت بود می مباح) مضمونی بالتلقین داخل
فردوس عدن اولہدیغم اخطار اولنیور مع مافیہ
بویازدیغم تعبیرلر و درمیان ایتدیکم تشبہلر اولوچہ
غرآنک ینہ جمیع فضائلنی و اوفضائلدن منبعث قلبی
لذایذک خواص و خصائلنی تمامیلہ معرف دیمک اولہ

میبوب کر چکدن یک ناقص و یک مختصر افاداندن عبارت
اولدقترنده شبهه یوقسهده ارتق بوندن زیاده سندهده
اقدار کافی اوله مدیخی ایچون اصل حقایق حسیاتی
عرفان سامیلرینک کندی استدلالنه ترک ایلیمه رک بو قدرله
اکتفا ایتکلکمه مساعدۀ کریمانه لینی تمنی ایله ختم
کلام ایلرم افندیلم

نومرو

۱۴

خیلی وقتدر که حضور سامی رحیمانه لینه یوز
سورمکدن کندیمنی منع وتوقیف ایلکده ایدم قرب
وبعدده برنظر کرامتله کوردکلری مافی الضمیرمی تفسیره
لرؤم تصور ایدهمز ایسه مده مع مافیه کندی اعتراف
آرزو بیوربله جق اولور ایسه بونک سبی مغموم بر قلب
ایله متوالیاً افندیمنک نظر شفقتلرینه چیقوبده معارف
ربانیه تجلیکاهی اولان وجدان مقدسلرینی کبرلندیرمامک
مقصدی ایدی زیرا تابناک بر آینه یه مقابلنک عینی
منعکس اولماق ممکن دکلدر لکن بو کون شدتلی
بر احتیاجک سوقیله او احترازی بر طرف ایتکه مجبور
اولدم احتیاجم او احتیاجلردندر که عصرک ایچنده

آنک شرح و تفسیرندن متأثر اولوبده تسهیلی چاره سنی
 الـترام ایلیسه جک رحمانی بر شفقتک و روحانی
 بر خصلتک افندمز حضر تهرینک دل آکاهلرندن بشقه
 هیچ بر قلبده وجودینه احتمال ویره م بو اعتقادی
 دها ایلاک زیارتده قلبه القا ایدن شی مسلم عالم اولان
 فضل عظیملرندن فضله چشم امعانه قارشو هر بر مسا
 مندن نور حقیقت نشر ایدن سیما ی مبارکلرینک لطافت
 معنویه سندن مطلقا قلب سلیملرینی ربانی بر تجلی جمالک
 تنویر و تقدیس ایلمکده بولندیغنه پک بیوک بر دلیل جمیل
 استحصال ایلش اولقلغم کیفیتدر قالدیکه بو اعتقاد مک
 دها زیاده تأمیننه خادم بر چوق مادیات مرو تپرو رانه
 لریله دخی مسرتیاب اولش ایدم شو صد ددک
 اوزرنده مأموریت مسئله سندن بر کوچوک بحث آچقلغمه
 مساعدده بیوربله حق اولور ایسه او بولده عرض ایده -
 حکم خلاصه شونندن عبارت اوله یلیر که ارتق او
 مقصد اوزرنده کی امیدم فوق العاده یوریلوب بی مجال
 دوشدیکی جهته له انی کـوکل خانه سنک مأیوسیتلره
 مخصوص اولان بر گوشه سنده (الیأس احدی الراحتهین)
 فراشه یاتیروب چا کرلی بو کون کندمجه دها زیاده

اهمیت کسب ایدن بر سهکننا تدارکی چاره سینه عزم
ایلام چونکه قیمتسن بعض لوازم بیتیه دن عبارت
اولق اوزره دار الحربدن قاجیروب کتیره بیلش اولد.
یغمن اشیای ضروریه نك اکتربسی اوچ ییلدنبری بتون
کرا یوللارنده محو اولوب کتمسینه کوره اکر بو حال
بر ازدها امتداد ایده جك اولور ایسه ارتق آلتزده کی
بر یتاغزه وارنجیه قدرهب الدن چیمقوبده خاك سفالت
اوزرنده قاه جغمنزی داخلی وخارجاً قطعياً اکلادق —
افندمن حضرتلری کبی بر وجدان صحیح صاحبی
هر نقدر فعلاً مجربلری بولمنسه بیله عرفان قوتیه مطلقاً
شو مسکنسنزلک حالنك نه قدر کوچ بر شی اولدیغنی
ا کلامق ایچون خارجدن تشریحاته لزوم کورمز لر
فقط قولکنز بوبابده کی کنبی ا کلایشمی عرض وافاده
موقعنده اولق اوزره طوغریسی بو مکانسنزلق مشقی
او قدر بیوک بر داهیه طاقت فرسا ایش که مضایقه
معیشتك سائر جهتلری بو داهیه نك ایچنده عادتاً غائب
اولوب کتمکده اولدیغنی درمیان ایتکه اجتناسار ایلام
زیرا انسان یالکنز بر یوان اکک ایله انتعاشه ایشه.
بیلور سده ملکنده اوتوریلان بر صاحب منزلک

ضروری ویریه میان بعض اجاره لری استیفا ضمننده
 کل یوم کلوبده هیچ بر اعتدار قبولنه تنزل ایتمکسزین
 اجرا ایندیکی تضییقاته ممکن دکل الیشمق میسر اولیور
 حتی بودلخر اش اضطراب چوق دفعه دل قلب ایچنده
 او درجه بی بولیور که انسانه مطالعه عاقبتی اونوتدیرو-
 بده همان کنندی حیانتک علیهنده یند کنندی صنعیه
 وخامت نامتلهیدی داعی بر فعل ایسلامکه قدر استعداد
 کوستریور خلاصه بشقه صقندیلر کا کان باقی
 قله جق اولسه دل بیله باری شو آفت جان اولان خانه -
 سزلک مشقتدن قور تلق املیه ارتق مهمما ممکن بر مسکن
 مبیاعه سنه قرار ویردم بواش ایچون بر درجه یه
 قدر بعض حلیات نسوانیه صاتمق مقابلنده کنندیمنزجه
 بر از شی تدار کمنه امکان تصور ایدیور ایسه کده
 صوک درجده مطلقا بر اعانه یه محتاج اوله جغیز بداهه
 کورینیور عرض واتیانه حاجت یوقدر که عصرک
 ایچنده وخصوصیه چا کر لری ایچون بر دار غربت
 دیمک اولان شو بیکانه مملکتده بویه بر مشکک حل
 ضمننده جزم واعتقاده کوره (روح پرفته وحی
 سعادت ازلیه ابله مسعود اولوبده بتون عمرینی حسنات

انسانیه ایچنده کچیرمش وهر آن وزمانده سرمدی
 بر نور حقیقه متوجهاً نفس پاکنی بالوجوه اخلاق
 مرضیه مستغرق ایلش اولان (شفقتلو افندمن
 حضرتلرینک قلب سلیمیری کبی جداً لسان تضرعدن
 اکلایان بر قلب لاهوتی جوهردن بشقه نزهیه مراجعت
 ایده بیلیرم عالمده هر درد منک حال ضجرت اشتما-
 لندن خبردار اولق ایچون ماهیت نجیبانهیه مخصوص
 بر موهبه الهیه اولان مرجحت خصلتنک اساساً جوهر
 روحده جلوه نما روحانی بر خاصه اولسنه کوره
 بو مبارک و مقدس خصلتی منحصراً او روح مسعوددن
 ماعدا نرده ارایه بیلیرم قالدیکه (در خیر بازست
 وکردن ولیک * نه هر کس تواناست بر فعل نیک)
 مضموننک حکمی اسکی زمانلردن زیاده عصر مزده
 غالب ایکن شو لطف عظیمی ملتجای ذیشانم کبی وهبی
 وکسی هر بر فضیلتده حائز موقع اقصا بر کریم و فضیل
 مستثانن غیر کیمن بکلیه بیلیرم اشته شو ملا
 حضات اوزرینه کوکلك ایچنده تجلی ایدوبده بتون
 حواس داخلیه می تشجیع و تأمین ایدن بر امید قوی به
 اتباعاً حال احتیاجی خاصه حضور مراجع نشور

خانمانه لوبنده عرض و تبلیغه مجاسرت ایلیمورم سایه عنایت
ورأفت فخمسانه لوبنده نائل اوله جغمز مسکنک ایچنده ارتق
بتون عائله و خویشاوندانله باش باشه و پرونده نام نامی
کره کار یاربینه و جمیع خاندان ذیشانلری نام عالیربینه
اوله رقی ابدیاً بارگاه احدیتہ فصل تشکر و محمدنلر عرض
و تقدیمه مداوم قله جغمزی بوراده اوزون دلیلارله تأمینہ
لزوم کوره مم خلاصه پک یقین و قته کلنجدیہ قدر
کندی و طنجد فائق الامثال بر دار آسایش مدار ایچنده
یشایوبده بو کون حسب الفلا که خاک مذلت اوزرنده
قلمش اولان بر فاملیا خلقنی ترجاً بر مکانه داخل
و مرحمت حقیقیدلی اکیسیرندن بالوجوه حزن و نالان
اولان قلبلرنده کی یأس و کدر خسته لغنه بر دوی عاجل
احسانیلہ کندیلرینی و بتخصیص انلرک میاننده تعیش
ایدن بر شهید محترم یتیمه سنی کرماً تازه حیاته نائل بیور-
مکزی استرحام ایله ختم کلام ایلرم باقی

نومرو

۱۵

بدایع خیالاتک منبع یکانه سی اولان وجدان پر فضل
و عرفانلری لسان ادبه ینه بر شیوه نوین دلنشین

بخش واهداسيله هنوز عصرک آثار جديده سی ایچنده
 نظیری کورلماش بر طرز بیهمتا اوزرینه مؤسس
 کرمناه لری واصل دست احترام اولدی نه رنکین
 شیوه افاده در او که بالنسبه اک عادی بر فصلنی بیله
 تشکیل ایدن عباره لوده کی لطافت (قرسیما دل بازدن)
 بر طوطی شکرلبک دخی سوزلنده بولنق ممکن دکدر
 غزه دلبردن ده نازک اولان او ظریف نکته لری ایسه
 شاعرلرک مخیل حوریلرینک چشم دلاویزلنده دخی
 تصور اولنه ماق طبیعیدر خلاصه هر لفظ جان
 فزاسندن مستبان اولان مفهوم لطیفک تأثیر حسن ادا -
 سیه روح بر جام کوثر ایچمش قدر نشئه مند ذوق
 وصفا اولدی کوکلم او لطافتلی نکت و مزایای
 مطالعه یه طالدقچه عادتا فردوس عدنه کیروبده هر بر
 شکوفه حیات بخشاسندن بر لذت آلمشجه سینه کشایش
 و ظراوت بولدی بونک اوقات ماضیه دن بحث ایدن
 فقره شوق انکیزینه کلنجه او کونلرک خیالخانه خاطر
 ده دائم اولان لذت حیات فزودی روحه غذا اولماش
 اولسه کرچکدن بو حسرتیه مقاومت ممکن اولمه جغنی
 اعتراف ایدرم مهجور وصلت اولان هر یکی

وجدان حسرت نشان ایچون مابه الاشتغال دائمی البته
دعای تیسر حسن تلاق اوله جغندن بو وظیفه نك او-
زرنده كندی كوكلی نصل بی آرام كورمكده ایسه
دل آكله لرینی دخی بی رنك خلاف قلبه همدست مرام
طایفه وایکی كوكل بربرینی آرزو ایلدن صکره
ارکچ قاوشدیرلری عنایتی ایسه الطاف الهیه قانونی
مدرجاتدن بیله کله متسلی قالمده بولندیغی عرض ایله
ختم مقال مخالفت ایلم افندم

نومرو

۱۶

تجلیکاه انوار معارف وکالات اولان نظرگاه حقایق
اکتناه سامیله رینه معروض مملو کانه مدرکه

کرچه من گفتارها جستم ترا * لیک گفتی در نظر نامد سزا
حبه را جانب کان چون برم * قطره را سوی عمان چون برم
لایق آن دیدم که یک آینه * پیش تو آرم چو نور سینه
تا ببینی روی لطف خود در آن * ای تو چو خورشید شمع عارفان

مضمونلریله بحث عبودیت و وضع قلم اخلاصدن مقصدم
چونکه عقل و فضلك حائز اوله بیله جکی مزیتلرجه بر
دکل بیله مدیحه پردازك مهارت مجتمعه قریحه لرینی

وصف و تقدیرندن عاجز براقه جق قدر عالی درجه زده
بولنان افندمن حضر تیری کبی بر شان صاحبك حضور
معالی موفور لینه آینه کبی صافی بر قلمدن بشقه تقدیمه شایان
برشی بولنه میه جغنی کرکی کبی بالیقن او نقطه نك اوزرنده
کمال صفوت و صداقت ذاتیه سیله قائم بولنان کوکلی
هم شاهد اخلاص حقیقیلرینه جلوه کاه اولمق و همده
(هر بر اثر مروتك معنوی بر پیسر دلاراسی دائما
صاحبك اطرافنده دوران ایده جکی حقنده کی بر حکمه
کوره) پك چوق دلائل مخصوصه نك تأمینانیه مطلقا
نائل اوله جغنی جزم ایلمکده بولند یغم لطف سامی
کر مپورور لینگ کندی عین متمننه بر مرآت تجلی حکم
و موقعی ظوتمق اوزره نظر حیات بخشالینه عرض
ایلك املنده بولند یغمی افاده میه بر کریز کاه اچمقدن
عبارتدر قالدیکه مطلب اوزرنده نیجه زماندنبری
کوریلان یأسلردن مسترکب و غایت مؤثر و محرب
اسفار و حز نلرله طولمش بر فکر مکدر ایچون ارتق او
یولده و او مرتبه علمیای مزیتله متناسب بر صفتده
تألیف عنوانه اقتدار ایسه قطعاً تصور اولنه میه جغنی
ذاتاً مسلمات بدیهیه دندر بناء علی ذلک او بحث واضح

صد دنده دها زیاده اطمینان ایله سر سعادت افسر
 کریمانه لینی تصدیغ ایتماک مقصدیله همان اک مجمل بر
 جله ایچنده روحی مروت جلیله لینه جلب و تأمین
 ایلیمان بر حقیقی افاده به محاسرت ایلر مکه نهایت سر
 فعلیات ایله مؤید اولمق اوزره تلقی ایدیلان سماعی ادله
 کثیره دن زیاده هر زمان کدر کاهلر اوزرنده شرف
 زیارتیله مسعود اولمقده بولندیغیم او کوزل سیمانک
 وجدان لطافتنه و عرفان فضیلتنه دلالت ایلیمان شمائل
 حسنه سندن فی الحقیقه جدی بر اطمینان وینه جدی
 بر انجذاب دل و جان ایله امید وار شفقت و عاطفت
 اولدیغیم حالد آستان احسانلرینه تقرب و التجا جسارتی
 صمیم قلبه اوله رق مقدماکرک سبیل احوال و کرک
 انتخاب قومیسو نلرینک تحت تدقیق و تصدیق لرندن کچن
 ترجه حال و جله خدمات سابقه صداقت اشتمال چاکرانه م
 اوزرینه منتخب آد فتر مخصوصه داخل و فعلاً صورت اجرا سی
 حقنده مکرراً پک بیوک وعدله نائل اولمش بولندیغیم
 (...) لق یولنده رقب و انتظار ایتکده اولدیغیم
 مسروریتک سرعت ممکنه ایله موقع فعله ایصالی عنا
 یتنی بالخاصه کندی علم و عرفانک تلقینات معنویه سندن

مستراً بالاستفاده عالم وسیع مرونده احراز شرف
مدوحیتی الك زیاده خصال حیدده انسانیہ جهتندہ
کورمک شانندن اولان طبع اگر ملرندن بکلمکہ متجاسر
اولش ایدوکی عرض ایلرم باقی

نومرو

۱۷

نظر فیض پرورلی کی بر نور حکمت منبعندہ
عرض اولنہ بیلک صلاحیتی حائز عد و اعتباریلہ دکل
انجق مندرجاتی میانده استدہای طافقت اوزرینہ سبقت
ایتمش اولان تضرع ارمک درجاتی بر مساعد زمانده
لطفاً مطالعہ لرینہ رغبت بیوریلوبده کوریلور اعتقادیلہ
آثار کثرانہ می حاوی جہلزدن البہ کی اوج نسخہ سنک
ظہراً و ضرورۃ تحت اعتراف عاجزانہ مدہ بولنان خطیئات
ادیہ لرندن زیاده مرتبہ حزن واضطرابی اعلان ایلیمان
جهت لرینہ عطف نکاہ مرحمت بیورلمق نیازی صد دندہ
و بالخاصہ (بپذیر اگرچہ بس حقیرست * یک قطره
بدستہ کاه بہمن) تمیزی تحتندہ اولہرق عرض و تقدیمندہ
مجاسرت ایدر و امیدم کی حسن قبول لرینہ تنزل
بیوریلہ حق اولور ایسہ کرچکدن شو کچن مضمونک

مبنی علیہی و (ای عجب لطف آن شه و هاب را
 کوستاد بر جو یبار آن آب را) بیتنک مشارالیهی اولهرق
 کش کی بر جـ و یبارک اوزرنده صدر آرای کاشانه
 اجلال اولدیغی حالدہ بر سیمہ کلیمک عاجزانه کتیروب
 تقدیم ابتدیکی بر کوزه آب تیره ناکی تلطفاً (هر قطره سنک
 عددینه مساوی التونلره بدل) اخذ و قبوله رغبت ایلش
 اونن او صاحب سریرک او لطف و عاطفته بر نظیره
 یاپلش دیمک اوله جغنی عرض ایترم باقی

نومرو

۱۸

معذرت نامه کترانه مک (...) حضر تهرینه حین
 ارانه سنده فصل بر تعریضلی کله ایله اثر ناخشنودی
 کوسترلسمه مقابل حق مملو کانه مده طرف سامی کریمه
 نه لرنن نه یولده بر حایه جلیله مرومندانہ ایضا
 بیورادیغی خبرینی تلقی ایلدیکم زمان افتدمنزه قلمچک
 نه رنگده بر عشق ایله دعا لایه دیکنی بوراده عرض
 و تعریفه مقتدر دکم انجق او عشق لذت معنویه سی
 عیناً ادراک بیورلمق ایچون جناب حقک لطفاً کندی
 تجلی جمالیه وجدان پا کمرزی زیارت ایلسی تمیسی

بارگاه احدیتنه رفع و تقدیم ایلرم بوعنایت کزک الفاظ
و کلمات ایله قابل ایفا اولمیان تشکراتنک لطفاًینه او احیا
کرده کز اولان قلبک حسیات معنویه سی اوزرینه ترک
بیولسنی استرحام ایدرم افندمن دها مکمل بیلیرلر که
(مروت) حقیقت انسانیه دن عبارت برخاصه اولوب
کندیلمرنده هیچ برسرمایه لیباقت کورمیان عاجزلر انجق
آنی آرار اکا مراجعت ایدرلر بنابرین دها ایلاک
توسلنامه کترانه مده عرض ایتدیکم وجهله سیمای غرا
و طور بیهمتاکز کوکله او خاصه نك فطرت پاک ککرده
مع زیاده وجودینی بالاخبار زیر جناح رأفت و مرو تکره
النجای مخصوصی دعوت ایلشیدی اوزمان نقدر
بیوک بر امید ایله کلدیسیم له الحمد والمنه و لك العمر
والعافیه او قدرده عظیم برمرحمتک آثار متوالیه سنی
اومروتدن کورمکده بیکه بونی عرم اولدقجه اعتراف
واعلان ایله کسب مفخرت ایلیمه جکمی شوآنده سوزلرمک
نصل برصمیم خالص طرفه دن کلمکده اولدیغنی نظر
معنویسی ایله کورن جناب حقک شهادت مقدسه سیله
قلبکزه تأمین ایلرم وجدان کریمکز حقنده کی امنیتم
اومرتبیدی حائزدر که بالوجوه علم و حکمتله بحق استکمال

ذات ايدرك حقيقه بر جوهر نورانی حکمنه کيرمش
اولديغنه ازجان و دل قائم مطلق و محقق اودر اول
وجدان کريمکه جوهر اصلي منبع لطف رحانی
اولوبده هر بار انوار معالی ايله الفت والتعانی اشته
کنديسندن بويله آثار مراحم ظهورینی انتاج ايدر
برشکوفدزار کنديسني احاطه اين هواي و اطرافندن
کچن روز کارلری معطر ايتسي کي اوده کندي جوارنده
طولاشان قلبيره بويله کمال کرميله روايح دلزارای عواطفی
نشر ايلر فضيلت وجدان ايچنده برشفق حکمنی
حائز اولوبده شفقت نورینی طلوع ايتدیره چکی حقنده کی
بر قضيه ادبيه نك مضمونی کرچکدن حکماً و فعلاً روجه
تأمین و اثبات بيوردیکز جناب حقه تشکرمی تکرار
ايدرمکه بو عبد کينه سنی افندمن حضرتلری کي بر
کريمک لطف مخصوصی سایه سنده بر یأس ابدین
حایه اراده صمدانیه سی تعلق ایش ديمک اولديغی اکلا-
شیلور بو حایه نك بنده لری کي برکسه سزه بالطبع
القای حیات ایلسمندن زیاده جناب حامی حقیقینک بو
وکالتی عهده دولترینه شایان کورمش اولمسی صورتی
دخی البته افندمن حضرتلرینک وجدان پاکلری ایچون

موجب شرف اولسه کر کدر حسیات واستدلالات
 قلبیه جه دها بر چوق اظنابلره تفسیرلره محل اولسه
 یله ارتق تصدیعدن احترازک وجوبی انلردن اہم
 کورندیکندن بوراده نتیجہء مرامی خلاصۃ الخلاصہ
 صورتہ دو کهرک بو عاطفت جلیلہ لربنی عادتاً بر لطف
 رحمانیک طالعہ نزولی حکمنده تلقی ایتدیکم مثلواندن
 متحصل مسار نامحصورمک دخی بالخاصہ فضای لاهوتدن
 حرکتله امواج لطیفہء ازہار جنسان اوزرندن آقوب
 کلہرک روحلره تازہ حیات ویرن بر صبانک ما حاصل
 کریمی قدر جان فزا بر شی اولدیغنی عرض ایله ختم
 مقال عبودیت ایدرم باقی

نومرو

۱۹

ذاتاً فیض نیشان ازادن استفاضہ ایش بر مشرب
 عرفان بو عالم اکتساب واستکمالده علم و حکمت آب
 حیاتیله التقا واقتران ایدنجہ آرتق انک منبع جلیلی بر سر
 چشمہء سلسبیل حکم و خاصیتنی آلہرق اوحالده ہرہانکی
 باغزار خزان دیدہ یہ رشخہ پاش تدیر اولسه درحال
 نسیم توفیق الہی اکا بالانضمام (موج اورر غنچہ نک

اغزنده بوکون فیض مسیح * اوغرادى کله‌شنه چون
ابر کهر بار بهار (خیالی تجسم ایتدیره جک قدر
بر فیض تجددله متجدد ومتفیض اولسی طبعاً مقرر
بولندیغنده پک چوق دلائل معتبره موجوددر اشته
نیجه عصرلردن ودورلردن بری صورت اداره‌سی
اودر او مختل ومضمحل بر باغزاره تشبیه وتمیل
قبولنه مستعد ومساعدا اولان معاملات جسمیه امور
اوقافک حقیقه ازلیسی اشبو دیدیکم فیض حقیقی
داخلنده وفضل وسیع کسبسی دخی امکانک الی عالی
مرتبه‌سنده بولنان جامع الجتهین بر ناظر معالی مأثرک
زیر اداره حکیماننه مظهریت مسعودانه‌سی بتوفیقه
تعالی از زمان ایچنده دائره حسن تمشیتته کیره‌رک
فیضیاب اولسنی انتاج ایده‌جکمنده اشتهباه یوقدر
اوجهت او مر کرده اولمقله برابر افندمرز حضرتنری کبی
مزیت ذاتیه سیمله هر بر مسند رسمی به شرف ویرماک
ماهیت جلیله‌سنی حائز بولنان برشان صاحبنی آرتق مو -
قعلریله تبریک ایتک موافق نفس الامر اوله میوب بلکه
کندیله‌رینه مقارنت شرفیله قدری آرتان او مقامی تسعید
ایلمک وبو تجلی فیضافیضدن حصه‌یاب سعادت اولمق

امیدنده بولنان قلبلر بیننده ده قطعاً تحقق حصول
مقاصد اوزرینه مرده لر تعاطی ایدلک لازم کلد یکندن
مجرد بین المنسوبین او مبشرات فاخرانه بی تعاطی صره
سنده متشکراً حضور عالی اصفافه لرینده ده عرض لازمه
عبودیت و سپاسه مسارعت ایلورم اولباده

نومرو

۲۰

وجدان پاک (نزکیه حقیقه دن بهره مند اولمیان قلبلره
تنزل ایتیه جک قدر) عالی اولان خصلتلرله و فضیلتلرله
معمور و منور اولمقدن بشقه ادبیات عالمک بری آفتابی
دیگری ماه مستطابی موقعنده بولنان شعر و انشا کی
ایکی نیر اعظمی دخی اسمان بی پایان فوآدنده مستکماً
جمع ابله انظار عالمی انلرک انوار سائنحات متوالیه لرله
تنویر ایلکده اولان برمنشی سحبنانی فضیلت و شاعر
حسانی طبیعتک نظر التفاته عرض اولنق صلاحیتینی
حائز اولمقدن لرینی بیلدیکم حالده مجرد بز شا کرد
خاصلرینک محصول فکری دیمک اولدیغی ایچون اطفافاً
کندیسنک تفتیش درجه حاضره سنه تنزل طریقله اثری
مظهر نگاه عنایت یسوریلور امیدینه استناداً بعض

مسودات کترانه می حاوی نسخه لردن (...) پارچه سی
بو کره مع الحجاب عرض نظرگاه معارفی و ریلری
قلندی اولبایده

نومرو

۲۱

صنوف ارباب سیف و سنان و بلکه جمیع قلوب
صادقه و طنپوران طرفدن بو کون بارگاه منانه برمنت
عظیمه و برمسرت عیمه ایله داعی سپاس و شکران
برزمان مسعدت رسان شعشعه پاش روی جهان اولدیکه
لطف حق ایله انک هر برآن و ساعته ملک و دولت
ایچون بادی فیض بی پایان اوله جغنی استمدال و اتقانه
هرشیدن اول اشته مجدد حیات عالم اولان موسم ربیع
ایله صورت اتفاق حلولی بر برهان قویدر اوزمان
مسعودک مبدأ مبارکی او کوندرکه مقام نظارت جلیله
حریه عادتاً بدن ایله روح بیننده کی مناسبت تامهیه معادل
برتناسب حقیقی دائره سنده کندیسسیله بالوجوه متناسب
اولدیغنی جلهیه حس ابتدیرن وجود معالی نمود سیهدا -
ریلربنه او کونکی کونده اکتساب مقارنت جدیده ایله
اعاده حیات ایلدی طالع عسکرینک ازسرنو وقوعه

کلان شو تجلیء جهان آراسـ مندن نسیم بهارک حیاتلره
عائد تأثیر لطیفی قدر طائی و لطافتی اولق اوزره بتون
قلوب خیرخواهان وطنه اوله برحس فاخر لایح و منتشر
اولدیکه فی المثل نفحات کلزار جنان فضای عالمی سرتاسر
لبریز عبیر ایلمسه انک شمیم جان فزاسنی تنظیر ایده یله جکنده
شبهه واردر عالمده برچوق شاعرلرک فکرأ تخیل
ایدوبده عیناً کوره مبدکری او محیر العقول خاصه لر که
برینک انجق برشعله لامعه سی اگر اوج برینه عکس ایتمسه
عادتاً آفتاب عالمه بی رشک و خجالتدن فضای نامتناهی
ایچنه قاپیره جق قدر غرا بر رأی فرزانه و دیگری
ایسه سدره اعلا ده کندی شانی ایچون روح الامینه
کلبانک تحسین چکدیره جک مرتبه لوده والو بالا برنجدت
جهان کیرانه در اشته او وهی و قلبی جوهرلر بو کون
افندمز حضر تهرینک مزیت مسلمه لرینی تشکیل ایدن
حصافت و بسالت خاصه لرندن عبارت اولق اوزره
ارباب دقت و حیمت نزدنده تعین و تحقق ایلدیکنی اعتراف
ایله مفتخر اولان قال و قلمه مطلقاً هیچ بر منصف طرفندن
مبالغه و غلو حکملری اسناد ایدیه مز اعتقادنده یم هله
او حصافت عالیه نک جمله مأثر جلیله سندن بولمان اهلیمت

شناسلق و مرو تپورورك خصلمتلىرى جانب طاليسندن
 بريـوك اثر حايث مشاهده سيلاه مباحى و مقدار قالمش
 اولان بوقلب مجلوب و مستهامك ايچنده ايسه اوبله برحس
 ابتهاج و مسرت جلوه نماي ظهور اولمشدر كه كرچكدن
 كندى سنى داخلاً ضبط و حفظه امكان متصور اولمديغى
 ايچون بونى لسانك بتون كائاته قدر اعلان ايتك ايسه ديكنى
 حس ايليورم حتى بوسرورك نشئه سيلاه يولار اوزرنده
 قارشومد كللىرى قلباً كندمله هم حال طانيدىغم ايچون
 همان در آغوش ايتك صدر دنده بولنيورم مع مافيه
 لذت قبول و التفات دولتلىرى قلميه داخل اولهلى بتون
 قواي باطنيه مى سويلىنمز بر طاقم سعادتلىره مشخون
 كوربيورم بوجله لدن صكره ده حق نامستحق مملو -
 كانه مده جدى برصورتله تىكون و تكرر ايدن او ولى
 نعمتان توصيه لك و حايه لك ينه تجددى زمانى حلول
 ايتديكى در خاطر ايلدكچه ساحه دنيا نظر افتخارمه
 قارشو بتون وسعت عظيمه سنى و نعمت حيات
 وجدانك ايچنده كافه لزايد بى نهايه سنى عرض واذقه
 ايليور بو حلاوتلر ايچنده صانكه بر عمر جديده داخل
 و بردور كريمه نائل اولمقده بولنديغمه حكملر و بريـورم

مایوسانه کچن زمانلریمی ارتق دفتر حیاتمدن چیقار یوزم
 سرمانک ربیعه برفک بهاره سیاه طوپراغک زمره
 فام چنلره انقلابی کبی سیاق حیاتمجه حقیقه برتغیر
 عظیم بولیورم کرچه شوخسیات اوزرنده دهانه قدر
 تفصیلاته کیریشلسه یری و بتخصیص بوتوجیه عالی کبی
 براستحقاق صریح ثمره سنک تبرک و تینی یولنده و انک
 فیوضات جلیله سندن اقتباساً حصه یاب سعادت اوله جق
 بر قلبک تفخر و تصویری بخشنده نه درلو اطرازه کیداسه
 دگری و ارایسه ده مع هذا طالده هر هانکی بر قوه قریحه که
 شعر و انشاده ذاتاً بردریای معنا موقعی حائز بولمقله
 برابر فیض نیدسان ازل طرفندن ده بتون اعماق و سوا حلی درر
 فضائل ایله مالامال ایدلش اولسه بیلینه اوسرمایه کلی
 بومباحثک سلسله اوصافی بحق تزیینه کفایت ایتیه جکی
 خصوصنده کی جزم کترانه م لزومی قدر قوی اولدیغندن
 ارتق ضروره بومرتبه ایله اکتفا صورتی قبوله مضطر
 اوله رق همان مکملیت تعبیرینه ک معنای وسیعنده کی
 هر حکم و شمولی جامع اولان او عقل فعالک و بالوجوه
 فصل و حسم امور معضله ده تیغ و سناندن مؤثر بولنان او
 رأی حلالک جمیع تدابیر صائبه سی فتح مشکلات وطن اوزرنده

موفقیات حقیقیه نك مظهری اولق دعاسنه حصر
مقصد غایه ايله انعام كلام و انتاج مرام مفخرت اتسام
ایلرم باقی

نومرو

۲۲

بو کره هامة تعظیم و ابتهالی حقیقی بر سعادتله
مسعود ایلیمان اول صحیفه بیضای حیات بخشا که عباره سی
نوردن تشکل ایتش اراده سی ایسه دارالسرور دن
چیقمش بر برلیغ بلیغ لطف و عاطفته در دیدیکم نور
او نور در که دائما افندم نك لسان قال و قلملرنده متلامع
الاثار و عرض ایتدیکم دارالسرور ایسه ینایع محاسنك
بر جمعیت کلمه ايله مجتمع اولدیغی وجدان واسع العرفان
و باسط الاحسانلرندن مستعار در بونك مندرجات فاضله
و مقدسه سنی چشم ظاهریدن زیاده نظر باطنیه دن
کچیر و بده مزایای حکمت آمیزینه روحانی بر مراقبه ايله
طالدقجه حقیقه هر نکته نور افشانی ایچنده معروضه
تمك حکملرینی کمال فضیلت و لطافت لربله محو ایدر
بیکلرجه جوابلره بالتصادف و جوهرله مبهورت و لال
اولدم عتاب رنگنده کی خطابلره کلنججه بونلره

مقابل (خطادان اعتذار) ضمننده غایت بیوک و ممتد
 بر یأسه مبتلا اولمش بر مفکره نك تحت تأمله الاجنحی بحث
 اوزرنده كافه محتملات ممکنه یی کوروب کورهمیه چکی
 مسئله سنی عرض و اتیاندن ایسه از قدیم تقاصیر و خطایا
 منحصرأ عاجزلک اوزرینه طرح اولمش بر ویرکو
 دیمک اولوبده چاکرلی دخی اونو عدن بر ذمت مخصوصه
 اوده مش اولمقدن طولای طبعأ معذور بیور لمقلغمی
 تمنی به مجاسرت ایدرم مع مافیه افندمن حضر تلری
 کبی بز ملک خصلمتک سیرت مقدسه لوندن ذره قدر
 خبردار اولان بر قلبک هیچ بر وقتده شان عالیترینه
 اوله رق سوء ذهابی قبول ایده میه چکی اساساً جای تردد
 اولمدیغی حالدیه بو مسئله یه قارشو بر فقره اولمق اوزره
 حسب البشریه فوق التحمل صیقماش بر وجدانک عادتاً
 او اضطرابی اک زیاده کندینه اک مرتجتکار اولاندن
 یلوبده اکا مقابل بر طور شکایتکاریده بولمنسی اوته دن
 بری عجز بشرینک الجا ایلدیکی بر حال عد اولنه کلدیکنی
 محجوبانه اوله رق حضور عالی یه عرض و اشراب ایله
 اعتذار ایلرم بو جله لوندن صکرده قوللری هروقت
 افندمن حضر تلرینک خاکمای ساهیلرینه بوز سورمک

شرفیله مستسعد و بختیار اولمش بر بنده لری بولندیغم
جهته لیه مأل احیا نامه دولترنده تنزلا طلب ترضیه
طریقیه شایان بیورلمش اولان التفات مکارم بینات
آصفانه لینه مقابل دخی تکریراً و مفتخرأ او رسم مرغوب
عبودیتی و ساطت ورقماره لیه بالایفا تجدید بختیاری
دل و جان ایلا کدن صکره نتیجه کلام رقیه اتسامی
مبتهلانه استداده حسن نظر معالی اثر جناب فخیمانه لریله
مسکی الختام ایدرم قاطبه احوالده امر و فرمان

نومرو

۲۳

جواباً احسان بیوریلان احیا نامه عالی فخیمانه لریله
برابر مر سول او قونمش صو و نسخنه و اصل دست
تعظیم و تقدیس اوله رق عالمده بنم کی دکر سن بر طاجز
ایچون بومر تبه لده حسن توجه کوسترمک و بودرجه
لده لطف و عاطفت بذل ایتمک هیچ بر رفیع الشان
طرفندن بکنیلور و تصور ایدیلور شی دکل ایکن
احتمالک و خصوصیه استیهاک فوقنده اوله رق بو
کرملره و بو فضل و همملره طرف سامی وزیرانه لری
ندن مظهر یتیم کرچکدن روحی یکیدن احیا درجه سنده

مسرور ایتکدن بشقه بتون اجرام علویه نك دنیا اوزر -
نده دورانی هب ایـلـرك محسنـرك آروپی حرمتـه
اولدیغی حقـده کی خبرلـك ده صدق محض اولدیغنی
کوکله فعلاً تأمین ایلش وحتی جناب پیغمبرك (اذا
لقیم شجرةً من اشجار الجنة فاقعدوا فی ظلها وکلوا
من اثمارها) کلام مستعارنده بالوجوه فضائل انسانیه -
نك مرتبهٔ عال العالنه واصل اولوبده متأثر عالیه لیله بنی
نوعلرینك هربر احتیاجلرینی وهربر مشكللرینی حل
وتسویه یه بذل همت وعنايته کمال سماحت وفضیلتلرینه
اشارهٔ شجرةٔ بهشت برینه تشبیه یوریلان فاضل ومقدس
وجودلردن بر وجود مسعود اولدقلرینی دل وجاننه
قطعياً یلدیرمش اولمسیله شو حالده کوکلی او یله موقت
بر قید ایله اسیرکز اولمق درجه سنه قانع اولوبده اخیراً
عشق وآزاد قبول ایده یله جـك عزملرده دکل بلکه
(چو شهباز من صیددام توشد * مرا بوی دولت بنام
توشد * اسیرت نخواهد رهایی زبند * بجوید که ماند ابد در
کمند) آرزو ومیشاقی اوزرنده ثابت قالمق نیت مخصوصه
سنده کورمکده بولندیغمی وحقیقهٔ او مقدس وجودك
ایچنده جلوهر اولان روح جلیل سلطانی بی اعزاز

یولنده دنیا اهلنه مخصوص اولان صفتلرک اک عالی واک
 مجمل صایلا نلرینی دخی روا کوره میوبده انجق (ترا
 عادت حق روان درسرشت * خدا کرده ات وایه دار
 بهشت) مضمونی ایراد وانیانه متجاسر اوله یله جگمی
 عرض ایله کسب فخر ایلم کرچه اوصودن و او
 نسخهدن حسب القدر دردمک علیهنه و وجود کمترا
 نه مک لهنه اوله رق هیچ بر فائده حس ایده مدیکم کبی
 اخیراً دیگر بر کرنامه سامی خدیو افخمیلرینی مستحجاباً
 کلان بلبیل افندینه ک ویردیکی علاجدن دخی آرزو
 و تحمل کمترا نه مک خارجنده اولق اوزره بر قاج لزومسن
 دفعلردن بشقه بر شی استفاده ایده مدیسه مده مع مافیه
 افندمرن حضر تلرینک لطفاً و ترجاً خلاصم یولنده بونجه
 عنایتلرینی ابدال و بومرته لرده کلفتلری اختیار بیور -
 ملری معناً اولسون حیاتی تجدید ایلمسنه کوره آرتق
 بونله مقابل تشکر و دعا طرزنده نثراً بر شی یازه بیلکه
 کندی عجزمی بداهه کوره رک بوستاندن منتخب اولق
 اوزره اشبو (فروماندم از شکر چندین کرم * همان به که
 دست دعا کسترم * بسی پای دارای درخت هنر * که
 هم میوه داری و هم سایه ور * غم از کردش روز کارت

مباد * وزاندیشه بر دل غبارت مباد * برومند بادت
 نهال امید * سرت سبز و رویت برجت سپید * درونت
 بتأید حق شادباد * دل و جان و وجدانت آباد باد *
 غم از عارض ناپسندت مباد * زدوران کیتی کز ندت مباد
 دلت روشن و وقت مجموع باد * قدم ثابت و پایه
 مرفوع باد * نکه دار یارب بلطف خودش * پیرھیز
 از آسیب چشم بدش * حیاتش خوش و رفتنش بر صواب
 عبادت قبول و دعا مستجاب (یتلرینک مضامینله
 تفسیر مافی الضمیر ایدر و بعد مادخی احاسن توجهات
 سامیه فخممانه لرنک قرین حسن استمرار بیوریلہ جغنی جزم
 ایلہ برابر شاید بر آرائق کرچکدن قوہ روحانیدہ مالک
 وھر درلو موزیاتہ تقوذ معنویسی نافذ بر ذاتہ تصادف
 بیوریلہ جسق اولور ایسه لطفاً ینہ حق مملوکانہ مدہ
 کندیلرندن استمدادہ عنایت مخصوصہ رحمانہ لری بیدریغ
 طوتیلہ جغندن امین قالیرم باقی امر و فرمان

نومرو

۲۴

محاسن اخلاق منبعی اولان حضور مکارم موفور-
 لرنہ معروض کمتر بذرکھ

سپینده هر سعادت لافنده بيك لذت پيـان
 لطافت مكنون مپينده ايسه جنس مروت تماميله
 منطوى و مضمون بولان سلام مسعدت اتسام كراميلريني
 عزتلو حكمت بك افندي مخلصلرينده متوارد لطفنامه
 ساميلري طرفدن كال فخر ايله اخذ و تلقى ايلديكم زمان كو كلم
 او قدر منبسط و منشرح اولديكه حقيقت او كوكل كندى
 وجدانياتى حكمنجه بوكلمه مكرمدي تشكيل ايليان حرفلرك
 برنجى درجه سندن سلسيل جناتك ذوقنى ايكنجى
 مرتبه سندن اهل اب غلماك نشئه پرشوقنى الهرق و على
 الترتيب ترقى درجات اعتبارنجه صوك جزؤ مقيمندن
 ايسه بالخاصه (عينا يشرب بها المقربون) منبعك حكم
 منبعفى اخذ و تلقى ايليدرك بولدنلرك ايچنده حسن تاثير
 و استفاده دن نه قدر غشى و نزل اولديسه او قدرده نازل
 زندكى عال العال اولوب قالى ديسدم مبالغه ايتمش
 اوليه جعفى بيليرم كرچكدن افندمن حضر تلى كى
 انوار معالى ايله اوج اعلاى مرونده رونقدار مزيت
 و كال اولان بر آفتاب روح بخش و حيات پرورك اشعه
 مكارم التفاتندن متصل فيوضات قلبيه ايچون بوتشيهلر
 اغراق و غلو درجه لينه وارمق محذورندن سالم بولند

یغی مثلاً او کلمه محترمه نك مابعدي اولمق اوزره حال
حاضر كمترانهمك تفقديني حاوی بولنان بر جمله جلیله
استفهامیه ایسه ارتق کندیسنه مقابل متشکرانه عرض
مایلیقدن بتون بتون ادبیاتكده صنایع وقواعد موجو -
ده سنی عاجز وقاصر براقه ج-ق قدر عالی ومنیع التعبير
بر اثر مرحمت اولمسیله بوبحث اوزرنده تمنی محال
کریوه لینه ذهابدن ایسه امکانه ملابس اك کوچوك
بر اجمال مافی البال طرزنده اوله رق جداً وحقیقه اشبو
لطف خاص کرامیه لرینك احیا کرده ابدیسی اولوب
قالدیغی بعد الاعتراف بعدما دخی حسن توجه دولترلر -
ینك اثار متوالیه سیله بكام بیورلمق امید وآرزوی مخصوص -
صنده بولند جغمی عرض وافاده ایله ختم کلام وانتاج
مرام ایلرم باقی

نومرو

۲۵

جدیتی تحقق ایدن بر صداقته مقابل حسن توجه
عالیسنی از سرنو تأمین ایلین شانلی ومروتلی بروجدان
واسع العرفانك مساعده جلیله مرحمتپورانه سنه استناد
دمدن منبعث اولمق اوزره نفس الامرده مشافهه محلی

دعك اولان مئول شرفه بو كون دخی نائل اوله بيله-
 جكمی جزم ایلدیكم حالده بنه بو صورتله تحریراً عرض
 مرامه مجاسرت ایدیشمك بادی اصلیمی شو دركه
 فضیلهته متفق بر علموینك مهابتی انسانك نطقی طو-
 تدیخی و افکارینی طاعنہ دیخی صروده ذهنك كافه
 مستحضرانی اساسندن محو اولارق او حالده آرزو
 ایدیکی کبی سر بستانه اداره کلامه وافاده مرامه مقتدر
 اولم دیخی اولکی زیارتلرم بحق حسیات مستنداءه یلدر-
 عشر ایدی بنابرین تقریرك برینه تحریری استعماله مجبور
 یتك لافاً تقیح یورلما سنی بعد الاسترحام مقصده نقل کلام
 ایلرم که طوغریسی برمدنبری و اهمیه عارض اولوبده
 اخیراً بطلانی تحقق ایدن بر ظنه مغلوبیتله کندیمی هر نه
 سببدن ایسه توجهدن دو شمش بر مأیوس موقعنده کورمرك
 او اضطراب آتشین ایچنده روحم حیانتك كافه لذایذینی
 غائب ایتش ایکن حد اولسون زیارت اخیرمهده یالکن
 ایکی کلمه کریمه فخیمانه لرینك دلالت حالیه سی مع زیاده
 اولدتلری جانمه بالاعاده حزنی سروره تبدیل و هر بر
 دقیقه ظرفنده دریالی قدر خونابه اسف آقتمده اولان
 قلبی بالعکس بر بحر حیات مجراسنه تحویل ایلدی و جمیع

قوای داخلیه مک کمال تلذذ له هر آن دعای بالخیر داوریلر
 ندن بولمقده اولدیغی ذوق وجدانینک اوزرینه یکی
 بر حلاوت ده-ا کتیردی تکرار ایدرمکه حقیقه
 روحی و امیدمی تجدد ایلان اولطیف کلمه لر استمرار
 توجه عالی فخریه لری حقنه ده دلالت تضمین لینی ایضا
 ایلدکن صکره صراحة بر معنای حقیقت ده افاده ایلشیر
 ایدیکه آنک خلاصه سی اقضای مرام چاکرانه م بولنان
 بر متصرف لری بکام بیورلمقغم برارالق تصور بیوریلو-
 بده نصل ایسه دولتلو (...) پاشا حضر تلی طرف تندن
 اصل امل مملو کانه مک حصراً بوراجه قایرلمقغمین
 عبارت بولندیغی اخطار قلمسی اوزرینه صرف نظر
 بیورلیدیغی متضمن ایدی طالعک بو درلو حیلو-
 لتلی نامه اوله رق **ک** و کک هر زمانکی تأوهات
 متوالیه سنه علاوة شو-و محرومیتک اوزرینه ده یکی برآه
 سوزان چکمکدن بشقه دیه جک و یاه جک بیه میوب
 فقط او یولده بر مسعودیتی هر وقت کمال تشکرله حسن
 قبوله حاضر بولندیغی شوآنده ده حضور عالی به عرض
 و پی-انه متجاسر اوله بیه حکم **ک** بی بونک حص-ولنی
 لطف و اراده لری ایچون ازمنه ثلثه نک هر بریسی سیان

اولان ولی نعمتم افندم حضرتلرینک بو کون دخی نیم
 اشارت فیض غایت اصفانه لرندن بکلمکدن فارغ اولدیغیمی
 واولهمیه جغمی افاده به مجاسرت ایلرم بونکله برابر بومأمو
 ریتک لیاقت صحیحه سنی تشکیل ایدن جهتلره سوق بحث
 ایدلک لازم کلور ایسه اساساً قوه ناطقه باطنیه نک خصایصندن
 اولان او کیفیت وجدانیه و اوصفت ذاتیه بر طاقم
 مواد قانونیه بی از بردن تقریر ایدیور مکله ثابت اوله جق
 اولسه ایدی او یوانده پک چوق شیلر استظهار و ایرادینه
 امکان مفقود دکل ایدیه ده نفس الامر ده کشینک آینه
 اقتداری ایشدن بشقه برشی اوله میوبده لافه باقلیه جغی
 تقدیرده بونجه مدت ولایه عظامدن پک چوقلری طرفندن
 کورلش بولنان فعلیات سابقه مدن ماعدا وقتیه یتشدر
 مش اولدیغیم شاگردلر دن برقاچنی بو کون (۰۰۰) موقعلرنده
 کوروبده شو عجزمله برابر قولمکزدن استفادات واقعه -
 لرینک نتیجه سی دیمک اولان قدر تلرله پک کوزل
 موفقیات کوسه تر مکده اولدقلرینی مفتخرأ ایشه دیکه
 و متعدد دلائله کوره دولت و مملکت ایچون حسن خدمته
 موفقیت دخی الک زیاده عون الهیدن کلوب او نعمت
 ایسه علی الاکثر صداقت خصلته ترفیق بی-وریلور

بر عاطفت ربانیه اولدیغنی تفکر ایلدکجه جمیع زمانده
 موفقیت عاجزانهم ایچون صداقتک تأمین مخصوصندن
 امید وار قالمقده بولنیورم شو قدر که (...) پاشا
 حضر تلی ذاتاً قولکزی هیچ طایفه قلی کی (...)
 پاشا حضر تلیده او یله براهلیت استعدادی نه کی صفت
 اوزرنده کورمک آرزو سنده بولند قلینی اکلاتیورلی
 اره ده اهل تقدیر اوله رق یالکز بر (...) پاشا
 حضر تلی قالیور ایسه ده انلر دخی هر وقت توصیه
 ایدوبده تأثیر ایتدیرم دکلینی درمیان بیوریورلی
 بو حالده مسعودیت ملوکانه می آرزو بیورد قلی قدر
 فعله ده کتیرمکه هر زمان اقتدار عالیسی کافی بولن
 ولی نعمتم افندم حضر تلینه تکرار النجایه لزوم حقیقی
 کورمکده یمکه حقیقهً او ایکی کلمه دن روحک ایچنده
 شوق عبودیتلی نصل ایلرولش ایسه آنک جاذبه سنه
 حسن تمایل عالیسنی لطفاً تجدید ایدن فیض توجه
 آصفانه لرنندن ده شو عنایت مخصوصه بی او قدر قطعاً
 بکلمه کلیم محض اصابت حقیقاجنده اشتباهیم قالمیوب شو
 حالده مقصدک یالکز بر عرض و اخطاره متوقف بولند
 یعنی جزم ایله اشته او وظیفه مستمندانه می ایفایه اجتناسار
 ایلنیورم باقی هر حالده امر و فرمان

نومرو

۲۶

بر مسدود نمایی (افندمزدن کنایه اولمق اوزره)
 روحه-دن آیرلمش بر جسم مختل حکمنی آلان (...)
 نظارت بهیسه-سی که سلسله اداره-سی بوراده تمهید اوصاف
 فندن نامه ذی اعتصامک استنکاف کوستردیکی بررأی
 سقیم تختنده مملکتک عروق واعصابی موقعنده اولان
 کافه خطوطنه وارنجه به قدر عادتا بر برینه یکمیش بر خطا
 زنجیرینه تشبیه اولمق صلاحیتنی احراز ایلشیدی بونک
 اصلاحی ایچون دولجه بر قومیسئون مخصوص تشکیل
 بیوراد بیهوده او مجاری مهملات امور اوزرنده اداره
 سابقه نك ترك ایلدیکی جریحه لره بو صورتله النیام ویر -
 لدکن صکره کندی قوت اصلیه سنی اعاده ایله ازسرنو
 طریق تجدید و ترقیه کیره ایلمسی منحصر آینه اولدی
 اداره حکیمانه تسلیم زمام اختصاصیه اورأی حکمت
 دائره سنده تصحیح مسلك ایلمسی صورتنه توقف ابده جکی
 اکلا شغلله قریحه صبیحه جناب ملوکانه دن بو کره نظارت
 مشار الیه انک اعاده عهدۀ علیای کریمانه لینه احاله
 بیورل دیغنی خبرینی الیدیغم زمان کر چکدن بو توجیه

و جبهی اداره نك اصلاح احوالی اوزرنده کی آرزوی
 حالینك (تشکیل قومیس-یون) کی مبدأ قیامندن زیاده
 (الترام انتظام دائمیسی) کی تقرر و تحقق دوامنه
 بر دلیل موقعنده تلقی ایدرك بالوجوه نظارتك اصلاحات
 داخلیه سندن ماعدا هیئتك موضوع تأسیسی اولان
 سرعت جریان مخبرات مقصدینك ده استکمال اسباب
 لازمه سیله خارجاً دخی امنیت عمومیجه ضایعات واقعہ سنی
 مع زیاده جبر و تلافی ایلیه جکنی جزم و حکم ایلدیکم
 جهتله اگرچه شخصاً طرف عاجزانہ پکده تعلقی اولسه
 بیله (فطرۃً وطنك لهنده حسن آرزویه مالک اولان)
 هر برحیتی قلبك ایچنده بودرلو وقایع فاخره و خیریه دن
 طولانی برائرمسرت حصولی طبیعی بولمنسنه بناء بنده
 مخلصاری ده او حس وطنپروری به ملابس بر حصه بالغه
 مباحات ایله متلذذ قالدیغمدن بشقه بیلم بوسعادت یلدیز
 نك شعشعه دلاراسندن من وجه طالع ککترانه مده
 برضیای فیض آورك انعکاس طالبی تجلی مغویسنی
 اینجه دن اینجه حس ایلمسندنمیدر ندر روحده بشقه جه
 برمسارنہانی دخی بولمقده اولدیغمک اوزرینه جهت جامعہ
 پی حاوی دیمک اولان بوفخر عظیم ایله (هر بروظیفه مهمه لی

اوزرنده یزدانی بر توفیق مقدسه ملابس صنوف مأثر
مدوحه ابرازيله (نزد معالی وفدجناب شهنشاهیده
متوالیاً مظهر حسن تقدیر و سبابش بیـورلماری تمنی
مخصوصنی معالینفا او مقام معلانی بالخاصه) هر کسی را
بهرکاری ساختند) مآلنه ماصدق اولهرق یکنانه اهل
عدم النظیری بولنان وجود سامی کریمانه لینه مقارنت
جدیده سیله تبریک و تهنیه مبارت ایلرم باقی

نومرو

۲۷

جناب فیاض بی عدیل هیچ بر قال و قلمک توصیف
و تقدیر ایده میـه چکی قدر کریم و عالی و هر یوز دنده
جامع المعالی بر قلب افضل یکنانه و بر طبع اجل فرزانه
ایله بحق تزیین و تفضیل بیورمش اولدق لری ولی نعمت
بیمنتز شهریار مراحم آثار افندمن حضر تلبینک
جوهر وجود مقدس لری او عالی مزیت لره نصل خلافت
معظمه و مبارکه نك سلك اللال قدسیت اشتمال سامیسی
اوزرنده بر شعشعه مخصوصه جهان آرا ایله ممتاز
ایسه او قدرده ضیادار بر طالع سعادت و اقبال سرمدی
ایله کندیلرینی نهایتسن روز افزونلر و بنه نهایتسن

فیض و فتوح را ایله اریکه آرای شوکت و اجلال بیور-
سونکه خصائل حیده شاهانه و فضائل ناشنیده
طالم پسندانه لایک هر بری حقیقه حکمت عدل و مر-
حمت و مسلاک خاص الخاص کرمکاری و مروّت
الک زیاده قلوب فاضله ملوک عظامده نه راده لره قدر
عالی و فوق الکل اولسنی لازم کله جگنی استدلّال
و استنباط ایچون بتون حکمداران جهان عننده برسر
مایه جزیل موقعنی طوتمق استحقاق عالیسنی حائر
بولندیغنده فرد آفریده نک شک و اشتباهی قلامشدر
از جله بو عبد مملوک احقر و اصدق لری حقنده کی مر احم
نامتاهیه خسروانه لریکه اساساً نصل بیکنشاهانه
بر مغدوریتله دوچار حزن و اسف اولمش بولندیغمه
اخیراً علم و اطلاع مکارم التماع جناب شهنشاهی لری
لاحق اولنجہ در حال اطفاء و عاطفه قید سقالت و ضجر
تدن تخلیص مملوکانه مه مساعدده و فرمان جلیل حضرت
خلافتیناهی لری شایان بیور لمقدن بشقه ذاتاً عبادک
استحقاق و لیاقت لریله مشروط و مقید اولمیان الطاف
خفیه الهیه قانون مقدسنه بر صورت امتثال حکم ما
ایسنی متضمن اولق اوزره احسان بیوریلان معزولیت

معاش چا کرانه مک اوزرینه برده ضمیمه بوکره
 تعینات مقصده نک اعطایی مساعده جلیله سنی دخی شو
 کتلی ولی نعمت عالم افتدمن حضر تتری کرچکدن
 (احسان علی الاحسان) طرزنده اوله رق بید ریغ
 وارزان بیورمش اولدقنندن ارتق بو قدر مزیات
 عالیہ و مراحم نامتناهیہ ایلہ مزین و ممتاز اولان
 بر پادشاه اکرم و شهنشاہ افضل واعظمک شان
 بیدمتاسیلہ متناسب بر وصف مخصوص تألیفنه کیفایت
 ایلده بیلجک اقتدارک مطلقاً هیچ بر قریحه و قلمده بولنه
 میدجغنی (صدر کلامه ارجاعاً) بوراده دخی تکرار
 ایلہ همان جمیع زمانده و هر بر محبت عبودیتده نتیجه
 صادقہ معروضات اولسق لازم کلان دعای افزایش
 عمر و عافیت و شوکت جناب ظل اللہیلرینک بتون عائله
 و خویشاوندان مملو کانه مله معاً و متحداً حسن ایضای
 دائمیسنه بر قات دها حصر انفاس اهمیت قلندیدغنک
 عرض و بیانی قضیه مهمه سی اوزرنده اجمال و اتمام
 تشکر و حمدته مجاسرت ایلدیکم رهین علم جهان آرای
 عالی بیورلدقده اولبابده و قاطبه احوالده امر و فرمان

نومرو

۲۸

جناب خداوند عديم الاشباه شو کتلو قدر تلو
 مهابتلو ولى نعمت بيمتاز پادشاه حق بايق آگاه
 افندمن حضر تلرینی سرمدی درجه سنده ممتد بر عمر
 واقبال مؤیدله بودین و دولته بحق نصیر و پناه و نام
 نامی همایونلری کبی جداً حمید الخصال اولان قلب
 اعلاى قدسى نهادلرینی بالوجه وه آرزوی عال العال
 خسروانه لری وجهله ملک و ملکت اصلاح و احیاسی
 مسلاک ذیبالی اوزرنده انوار الهامات صمدانیه سنده
 جلوه گاه بیورسونکه اومقدس مقصدلرک حسن استخصال
 واستکمالی صد دنده کی هممات واقدمات نامتناهیله لرینی
 طالده موازنه یه تصدی ایتسی فرض اولنه ان بر اهل
 مقایسه نك خاطر و خیالنه خلقای راشدین حضرانك
 مأثر مشکوره لرندن بشقه هیچ بر مثال تبادر ایتیه جکنده
 اشتباهه محل تصور اولنه من بو حالده شو حاجز قلم
 دخی بتون قلوب عالم ايله متحد و همدم اولدیغی حالده
 شو کتلو پادشاهمن افندمن حضر تلرینك شان اعلاى
 جناب ظل الله یلر نده — مبانیسی نه قدر اقصر ایسه

بالعکس معانیسی او مرتبه اشمیل واکثر اولان اشبو
 (تویی سایه لطف حق بر زمین * پیر صفت رحمت
 العالمین) مآلیله بر تقدیس اجمالی عرض و تقدیمی درجه
 سنه قناعت ایلار کدن صکره باعث تضرع و ابتغال
 خاکسارانهم اولان مطلب اوزرینه نقل کلامه مجاسرت
 ایدرک بواحقر قوللری بر چوق سنه لری بعض اعظم
 بندکان سلطنت سنیه لری خدمات ذاتیه لرنده مستخدم
 بولنش اولدیغیم حالده بریله قریب زماندر آچیقده
 و افراد کثیره بی جامع اولان عیال و اولادم کوله و جاریه
 لریله معاً فوق التحمل بر مضایقه ده قالوب کرک شو
 اضضرایمک دفعنه و کرک اقدارمک خارجنده
 دوچار اولمش بولندیغیم دیونک تسویه سنه مدار اوله حق
 بر عطیه سنیه ده بو کونکی کونده احتیاجم عرض
 و تعریفی غیر قابل بر درجه ده بولندیغندن وعموم و خصوص
 عندنده مسلم اولدیغی اوزره شان و مزیتده فلک کرله
 مقایسه قبول ایتک درجه لرندن عالی اولان باب شوکت
 مآب حضرت شهنشاهی لرینه عرض و تبلیغ ایدیلان
 بوبله بر شدتلی احتیاجک مطلقاً او لطف و شفقت
 منبعندن مأیوسانه بر عودتله رجعت ایتیه چکی ایسه

در کار اید و کمندن جناب حق عالمده اعالی و اسافلدن
 جمیع قوللرینه بر مرجع منفرد اولوق اوزره تعیین
 بیورمش اولدیغی او ملجأ اعلایه نقدر بیوک بر امید ایله
 توسل ایدیور ایسه مینه او قدر عظیم بر مسرتله
 مسعود بیوریله جغمی قطعاً جازم اولدیغم حالده کمال
 تعظیم و تذللالت ایله من غیر حد و لیاقة رفع و تقدیم
 عرضحال تضرع مآله اجتسار ایلدیکم قرین علم عالم
 آرای جناب خلافتناهیاری بیورلدقده قاطبه احوالده
 امر و فرمان و لطف و احسان بی پایان شوکتلو قدرتلو
 مرحمتلو ولی نعمت عالم جناب خاقان معظم و محترم
 افندمن حاضر تلیزینکدر

نومرو

۲۹

عالمده مستحق اولمدقاری غدر و اسفه دوچار
 اولنلری مغدوریتلرندن تخلیص و احیا قدر مزیتلی بر اثر
 مروت دها متصور اولدیغنی حس و تقدیر خصوصنده
 وجدان عالی کریمانه لرینه نه مرتبه زده حائز موقع
 امتیاز اولدیغنی ذاتاً پک چوق مآثر فعلیه سیمله مبرهن
 و مسلم اولمدن بشقه لطفاً صورت استخلاص عاجزانهم

حقنه دخی شرف وقوعنی بالاسـتـبـشـار فوق العاده بر
 مفخرتله منتداری قلمش بولندیغم دلالت وشفاعت جلیله
 کرمکاریلری برقات دها تأیید ایلشدر دنیاده ابقای
 نام شرفنه مظهر اولان کریملرک اوشرف اعـلـایی
 احرازلینه مدار اولمش بولمان الک مقدس خصلتلیده
 اشته بو یوانده کی شیخ مشفقانه لری اولدیغی مسلمدر
 مظهر اولمش بولندیغم لطف عالینک شفاعت مخصوصه
 رحیمانه لینه استنادی خبری سامعه ابتهاجه او قدر
 شمولی برمعنا ایله عکس ایتشدر که اومعنانک ایچنده
 باندلیرام ترجمه حالمک هر نقطه سی استکنانه بیوریلوبده
 مستقبلاً دخی تحت حایه بنده پرورانه یه قبول والحاق
 بیورلمش بر چراغ مخصوصلری حکمنه کچدیکمک دلالت
 تضمینده سی مندرجدر موهوبات فطریه دن الک وسیع
 برشفقت قلبیدنک ثمره سی دیمک اولان شو عاطفت رحیم
 نه لری نظر شکرانمک اوکنده نجسم ایلدیکه قلبم او قدر
 لذتلی برحس مسرتله مملو اولدور که شمدی یه قدر
 عنایت عالیّه محسنانه لرنک تأخیر تشکری چا کرلنجه
 بعض مطالعات مانعه یه مبتنی دیمک اولدیغی حالده ارتق
 حوصله ضبطه صیغیمان اومسروریت لذتی درونده

کتمه مقتدر اوله میهرق اشبو ورقپاره مله حضور عالی
 کریمانه لینه عرض واعلامه قلباً مجبوریت کوریورم
 سایه لطف واحسانلرنده زائل اولان او حال نأسف
 وکدر طبعاً بدرجه یه قدر وجدانک خیال روحانیدی
 مکدر ایتامش اولسه ایدی بو عاطفت جلیله لینه کدها
 پک چوق اوصاف عالیه سیله لسان حال وقلمی لذتیاب
 ایتک ایستیه حکم درکار ایدیه ده شمذیلک امکاتک مسا -
 عده سی مرتبه سنه منحصر قالمی ضروری کورینان
 بو مختصر جمله تشکر یه نک لطفاً حسن قبولنه تنزل
 سامیلرینی تمنی واسه ترحام ایله برابر سایه مکارموایه
 بنده پروریلری کبی برملجاً سعادت مداره مظهریت
 چا کرانه مدن طولاییده جناب حق توفیق جلیل
 رحیمانه سنه کمال اخلاص ایله عظیم منتلر عرض ایلرم
 باقی امر وفرمان

نومرو

۳۰

صدر اعلائی (تاب فکری دولته پیرایه فیض ابد *
 آب رأیی ملکته سرمایۀ روح روان) خاصه لایله
 متصف و ممتاز بر وجود جهان سود ایله تسعیده

شتاب ایـدیـکم زمان او فکر منـوردن دولـتـک نه
 مرتبه اقتباس فروغ عمران ایـدهـجـکی و او عین
 همتـدن مملکتـک نصل اکـتساب حیات جاودان
 ایـلیـهـجـکی برالهام معنویـک سوقی اوزرینه مفتخرأ بتون
 طالع قدر اعلان ایـلـش ایـدم اشته اوسعادتـک مبادی
 مهمـهـسـندن اولهـرق پـک چوق مشکـلانـک فتح و تحلیـلـندن
 واس انـسـاس حکمت حکومت اولان قواعد عدل و دادک
 تجدید و تأمینـدن صـکره داخلی و خارجی توسع رفاه
 و سلامت معاملات خدمت حقیقه سی هر عاقلک عندنده
 مسلم بولان تصحیح قیم مسـکوکت کی بر مقصد عالی
 اوزرنده لطـف حق ایـله حسن موفقیـت مشـکورـه
 آصفانه لری تیسر نمای چشم جهان اولدی بولار
 کی و بلکه دها عالی و فائده لی نیجه نیجه محسنات بدیعـه یی
 کافل کورینان مسـلک سامی حکمت پسـندانـه لری بر کون
 اولوبده مأمور لرجه ده بر تقویم قیم و تنقید خصائل
 و شبیم نقطه لینه کلدیکی صـره ده مطلقا بوجـاز کده
 نقدینه صـداقتنه بر پها بیچهرک مناسب موقعله مسعود
 بیوره جعفرنده اشتباه ایتیمور ایسه مده شدت احتیاج ارتق
 او نقطهـک شرف حلوانی بکلمکه حال واقـتـدارده تحمل

براقیوب ذاتاً متدار حسن قبول آصفانه‌ری بولسان
 کوکلی ازسرنو تسریع لطف وعاطفت جلیله جناب
 وکالتپناهیلرینه سوق واجبار ایلدیکندن وکچنده
 داخلیه جه بالاستحصال سجلات وانتخاب قومیسونلرنجه
 تدقیق وتصدیق ایدیلان ترجمه حال مملوکانهم اوزرینه
 نام احقرانه‌م (...) دفترینه قید ودرج اولندیسه‌ده فعلا
 حصول مقصدك بالوجوه مرحمت سنیه خدیوافخیمیلرینه
 توقف طبیعیسی بدیهیماندن ایدوکنندن لطفاً وعنایه
 و باخصوص فقر وضرورت اضطراباتك تأثیرات
 شدیدیه سیمله کوزلرمك تامنبع دلدن آلوده (عالمده محب
 لیاقت و طرفدار استقامت بر صدر فرید وحیدی
 فضیلت و آصف رشید ظهیری حصافتك زمان
 مسعودی ایچنده یشادقدن صکره دخی خاك ذلت وسفا
 لیدن بر قارش بیه ارتقاعه موفق اولامیسان بر طالع
 مغدورینك خون دلی قدر رنگین وآتشین) بر صورتده
 خارجیه دوکیکده اولدقلری قانلی یشلرینه ترجمه
 سرعت ممکنه ایله تسریر وبکام پیورلقلغده مساعده
 عاطفت عاده جناب وکالتپناهیلری بیدریغ وارزان
 پیورلمسی تضرع مخصوصنه جرأت ایلرم هر حالده

نومرو

۳۱

مشاغل دائمۀ آرام فرسادن منبعث ملال طبیعتك
 دفعی مقصد عالیه موقفۀ موقع اشتغالدن اختیار
 بیوریلان تباعد و تجرد مدتی وجود عالی فخیسمانه لوجه
 نه قدر مفید بر تجدیدی مستلزم ایدیه به بالوجوه مطلع
 انوار معالی اولان او رأی جهان آرادن محروم قائلان
 وطن حقننده او قدر حزین بر شب تحسیر حکم
 و معناسیه قابل تفسیر بر زمان دیمك اولدیغی حالده
 ارتق او کجـهـنك حکمی بو کره رهین سر حد انجام
 اوله رق حد اولسون صبح سعادت کمال یمن ایله رونق
 افشان طلوع اولدی سراج و هاج عالم مدت
 غیبوبنده بـتـون کو کبلرك شعله لری بر آرایه کلدک لری
 حالده دخی کندی شعاع اعظمتك بر لمعه لامعه سی
 حکمی بیله ارائه و ایفایه مقدر اوله مدقلرینی کوره رك
 لطفاً تنویر جهانیه عودت شععه لری نشر ایلدی روز
 دلفروز طلوعی حقیقه یکی بر فیض سعادت تدشیر یله
 بتون روحلره بر هوای عنبرین نشر ایتمکله هر برلسان
 طرفندن (عدت یا عید الینا مر حبا * نعم ما روحوت

ياربج الصبا) مضمون مباهاات مشخونه بالتلق القشلا ندی
 بو مسرت عظیمه و عیمه دن اك زیاده حصه دار اولان
 بو قلب مستهامك ایچنده ایسه قطعاً تعریف اولنه من
 بر نور لمعان ایدرك بتون حواس داخلیه می طولدیردی
 افکار پریشانم بولدتلی نور طرفندن برقات دهها حل ونشر
 اولمغله ارتق بوراده روحك ادراك مخصوصندن
 خبر ویرمکه مجالم قلمدیغی کی خصوصی مطلبدن وانك
 اوزرینه آلمش بر وعددن بحثه ده ذاتاً لزوم قلامشدر
 همان مکملیت تعبیرینك معنای و سیعنده کی هر حکم
 وشمولی جامع اولان او عقل فعالك هر بر رأی وتدبیری
 موفقیات حقیقیه نك مظهری اولمق دعاسنه حصر مقصد
 غایه ایله ایجاز کلام وانتاج مفاخر محمدت اتسام
 ایلرم اولبایده

نومرو

۳۲

غافلانه و یاخود ساده دلانه بر وضع ناجما ایله
 نفسنك اوزرینه دعوت ایلدیکی معامله طردیه بی کورمش
 اولان بر مخطینك ارتق او قصوری اوزرنده هیچ بر
 تأویل استعمال ایلمنه لزوم ومحل قلامش اولمق لازم

کند جگنی بالملاحظه او بخش متعلق بوراده بر شی عرض
و تمهیدینه متجاسر اوله من سده مده مع مافیه فضائل
عالیه نک خصایصیه متخصص بر قلب کریمک حقایق
سرای صمیمینه هیچ بر غبارک تمکن ایدوب قاله میدجغنی
دوشوندیکم زمان او نقطه نظر دن منبعث اولمق اوزره
قلبک افقنده بر نوع امید ضیاسندن متشکل بر شفق
طلوع ایتکه اولدیغنی تبلیغ و افادهیه من غیر حد
اجتسار ایلم فلکله مقایسه قبول ایتیمان ذاتی بر
علو جنابه علاوه فضیلتک تقدیم ایلدیکی حلم و اعتدالی
هر شیئه ترجیحاً قبول و اختیار بیوردقلری قدر عجز
و اضطرابک لطف و عاطفته اولان درجه احتیاجنی
دخی بالتقدیر لطفاً بر سفیلاک همده آز چوق امکدارلری
سلکنده داخل اولمش بر سفیلاک التجا و تضرعنه قارشی
شیئه مرحمتک مقتضای جلیلی ابله معاملیه رغبت بیوره -
جقلری حقنده هیچ بر قوه داخلیه می اشتباهه مقارن
کوره میورم آصفانه بر شفقتک نظرگاه عالیه
قیانه رق متدللانه بر مدار معیشت استیان غایت مضطر
بر محتاجک کچمش خطایی مانع ترجم عد ایدلیه جگمندن
بحق امین اوله بیلیرمکه بیوکلکک اوزرنده اک زیاده

تقدیس اولئان خصلتکده انجق او خصلت اولدیغنی
عصرک ایچنجه افندمز حضر تیری کی تمامیه خارجه
چیقاره جق قدر فضیلمه مالک و او نسبتدهده مسلك
حکمه سالك بر صاحب کمال دها تصور اولنه مامقدهدر
اشته بو حقیقتلره ملابس بر امید قوی ایله نا محدود
بر فضیلتک و غیر متناهی بر حصافتک ایکی بیوک
نورینه مشکاة اولمش بولئان او وجدان عالی طرفندن
معامله لطفیه بکرم خلاصه تضرع و ابتهال ملوکانه
ایسه یار سومانجه و یاخود تنسیب و اراده بیوریه جق
دیگر بز دائر جه لطفاً و عاطفه بر خدمت مناسبه ایله
قایرملقلم حقهده مساعده و فرمان سامی جناب وکالتینا
هیئرینک بیدریغ و ارزان بیورلمسی استرحامندن عبارتدر
هر حالده امر و فرمان

نومرو

۳۳

شان بی پایان خدیو افخمینریله رتبه قدری آرتدقچه
آرتان مقام معلائی فخامتک موقع اجلانده دنده بالاتر بر
مرتبه عال العال استثماده بولئان سحیه فاضله بنده پروری
وعاطفت کستری جناب وکالتینا هیئرینک لطفاً حق

نامستحق چاکرانه مده بیدریغ وارزان بیوردیغی احسان
محض کرمکارانه سی قلب ناچیز مملو کانه می او قدر
احیا و منتدار ایلمدیکه بونی عرض و تفسیر ایچون یالکز
ادبیات عالمک بدایع نامتناهیده سنی دکل بتون لوحه هستی
و صحیفه بالا و پستینک مندرجاتی دخی قلباً و فکرأ تتبع
ایلمدیکم حالده هیچ بر تعبیر کافی بواله مدیغمک اوزرینه بالفعل
ادراک حقیقت کیفیتی ضمننده حکماً بونک عیننی دلخواه
عالی به موافق بر جهت جامعده ایله قلب رحیم فخیمانه
لری اوزرنده تصویر بیورمسی ایچون بالخاصه جریده
ام الکتاب کائناتک دیر حقایق نسکاری عنایتنه مراجعت
ایلمش اولدیغمی بالافاده حال مسرویتیم کی غیر قابل الاتیان
اولان تشکر صمیمی مملو کانه می دخی ارتق توفیق حق
و تسهیل حسن توجه خدیو مطلق ایله وظائف مأمور
ریت اوزرنده فعلاً ایفایه چالشمق عزم وجدانیدننده
بولندیغمک ایجـازاً عرض و بیانیه اکتفایه مجاسرت
ایلرم باقی امر و فرمان

نومرو

۳۴

سایه شهبال اجلالری دها (...) ولایتی اوزرنده

بر (ابر بهار) حکمنی ایضا ایتمکده ایکن بز کتبله برابر
 تقدیم ایتش اولدیغم عریضه نك اسعاف مألندن قطع
 نظر هیچ اولماز ایسه ایلر و سیچون امید بخش اولور بر
 جواب عالی بیله اعطا واحسانه تنزل بیورلما سندن
 طولایی ذاتاً هر شهیدن محرومیتله خونین اولان قلبم
 هیچده محزون اولمق سزین کاکان اولکی حال انبساطی
 مکمللاً محافظه ایلمکده بولندیغنی میدان قویه جق اولور
 ایسه م قلب سامی آصفانه لری کبی بر کشافک اوکنده
 خفی اولیان برحالی توریه یولنده بیهوده اختیار کلفت
 ایلش اوله جغمی بیلدیکم ایچون او سیاقده بر لسان
 قوللانمقنن ایسه (توان گفت حق پیش مرد خدای)
 مألندن بالاستفاده افندمن حضرتلری کبی بر مردار چند
 خدایی ودانای مسلك پسند راستکویینک هیچ بروقتده
 و هیچ بر شیده طوغری سوزدن مغبر اولیه جقلرینه
 کوکنه رک همان مافی السویدانک عینیه عرض وافاده سنی
 بالترجیح (آه) ولی نعمتم الیوم باقی اولان اک شدتلی بر
 احتیاجک ایچنده او تغافل مشاهده دن کوکک کنندی
 المنه انضماماً بتون روحی دخی متأثر ایده جک قدر
 مؤثر بر اضطراب ایله خسته لندیکنی حس ایتمکده اولد.

یغمدن خبر ویرمه مجاسرت ایدرم مع هذا بو محرو-
 میتمی عقله یقین برصورتله بالنأویل بنه حسن توجه
 سامیلرینک بقاسنه اعتماد ویرمه چالیشیر ایکن درد او
 درجه ده ده قالمیوبده او فیض آور و او میمنت پرور
 سایه همپایه نك تمام (...) ولایت جلیله سنه یکی
 انتقال ابتدیکی صره ده ایدیکه اجرتنی استقراض تختنده
 تدارك ایدوبده چکمش اولدینغم بر تلغرافك دخی بتون
 بتون سکوت ایچنده محو اولوب کتسی ایسه ارتق
 روحك او خسته لیکنی فصل بر بحران درجه سنه وار-
 دیرمش اولسی لازم کله جکنی طوغریدن طوغری به
 ملاحظه رحیمانه ترك ایله اکتفا ایلرم قالدیکه او
 تلغرافی یازمغه مجاسرتم اساساً (...) طرفلرندن اشراب
 بیورلمش بر نکهته اوزرینه اك یقین بریردن ایدیلان
 اخطاره مستند بر شی اولسی حکمنجه اکر طرف سامی
 داوریلرندن او یله بر اشعار وقوعبولمش اولیدی درحال
 بر سعادت یلدریزینك فرق اتههاجك اوزرنده طلوع
 ایده جکنده عادتاً شبهه قلامش دیمك ایکن وا اسفاکه
 هیچ بر حایه تنزل بیورلما مسنك اشته تا بوکونه و بوندن
 بویله دخی دهها بیلم نه زمانلره قدر شو حال مأیوسیتده

قالوب كتمكلكمه برقات دهاقوت ویرمش دیمك
اولدیغنی كوروب طور دقجه ارتق بوشدید والیم ضجرت
واضطرابك ایچنده متأسفانه یانوبده آه ایتامك بشریتك
النن كله ییلیری ؟ ملاحظه كترانه كوره اسعاف
مسئول امرنده کی تردد آصفانه لری معهود (...)
بحشه عائد بر فکر اوزرینه مبتنی اولسد کر کدر لیکن
نزد عالیده بوراسی فعلاً مثبت ایدیکه او بحث محضاً
شخصی برشی اولوب وظائفه عائد اولان جهتلردن مثلاً
فکرو نظری هیچ بروقتده منع ایدمه یه جك ایدی نته کیم
زمان سابقده او مسئله نك ایشلرجه قطعاً مدخلی کور
لیوبده بالعکس چوق دفعه ل خدمات مشهوده بالوجه
مفتاح کنوز حقایق اولان لسان عذب البیان آصفانه لری
طرفندن پک طاتلی مدح و ستایش لره القشلائمش ایدی
مع مافیه بو مسئله نك اوزرنده افکار معترضه بی جارح
بر چوق فعلی برهانلرم وارد کره انلری اساساً جمیع
امور واقعۀ کائناتی کوزله کورلمیان وحقی عقل وفکر
ایله ده تعقل وتصور اولنه میان بر دست نهانك سرائر
اجرا آتیه تسلیمدن استنکاف ایلمیان دل آکاهلری کی بر
وجدان خیرك تصدیق عالیه عرضه ایده ییلور ایسه مده

ارتق اطمناب کلامدن احترازاً شمدیلاک انلری ترک ایله
یالکز شو دوچار اولدیغم تکدیر سکوتینک فکر کترانه
طرفدن نخطر اولنه میان حکمت حقیقیه سنی افندمزدن
او کرمک احتیاجنده بولندیغمی عرض ایله برابر شاید
او امتدادلی سکوت ظن و توجیهک خارجنده اوله رق
بر ذهول غیر اختیاری به مبتنی بولنوبده بو اخطار
مملوکانه اوزرینه اسعاف مسئوله بذل عنایت بیوریه جق
اولور ایسه الیوم امکانی مساعد کورمکده بولندیغمی ده
اشراب و اتیانه مجاسرت اینرم باقی

نومرو

۳۵

قابلیات ذهنیه نک استکمالاته علوم سائرهن زیاده
خدمت و تدقیق مباحث امور ایچون بخش قدرت
ایمک جله خصایصندن اولان فن انشاده بهره وافییه
مظهریت بروقتده الک شرفلی مأموریتلره نائلیت ایچون
واسطه یکانه ایدی ، مسلاک ترقی منحصراً قلم قوتیه
فتحه متوقف بر شهره ممتاز حکمنده ایدی ، زیرا علم تدبیر
مملکنده ذهنه بر اتقان حکیمانه ضم ایدن خاصه انجق
بوفن ایچنده متحصل ملکیه مخصوص کوریلور ایدی

عقله بوفن طرفندن کلان تفرس وانتقاللارک علوم سائرہ
 اربابنه پکده تنزل ایتدکلی بین الاعاظم تعقل وتسلیم
 اولنورایدی ، مواقع ادارهده اک زیاده موفق کورینان
 مأمورلک اک بیوک مدار موفقیتلری هب قلمه مخصوص
 اولمق اوزره تقدیر قلنور وبالعکس ادارهسزلکلی
 تعین ایدنلرک علی الاکثر قلمه مالک اولمیانلردن ظهوری
 بالتجربه مسلم طوتیلورایدی ، انسانده نه قدر دقیق
 جسالر وفیکرلر وار ایسه جله سنه پرورش وبرمک
 استعدای خاصه (مجمع بدایع مدونات اولان) بوفنده
 کوریلوب بوفنه تسلیم اولتمقده ایدی ، البته اینجه
 خیال ایله دقیق فیکرک کوره چکی ایشلرده کی اصابت
 ومطابقت درکار واوله مصیب رأی ایله کوریلان
 ایشلرک ماحصلی ده اکاکوره خوشکوار اولور دیرلر
 ایدی ، مکرسه بالاخره عالمده بوفنه انتساب آجلمق
 ایچنده اولمکدن وانظار اعالیده حقیر کورنمکن بشقه
 برایشه برامیه جنی برزمانکده کلمسی خریطه تقدیرده
 مندرج ایمش اگر بوکون ضرورت ایچنده چکلمکده
 اولان اضطرابلر بالطبع قلبک او یولده کی بضاعه سنی
 وحقی هربرحس وادراکنی محو ایله هیچ بر شیئه اقتدار

براقامش اولسه ایدی وقتیه فن مذکوره آز چوق
انتسابدن طولانی شمدی پک آشوری ندامتلیر حس
اولنسی طبیعی ایدی ، برکت و برسون که ادرا کم
بو اضطرارک التنده طیانهمیوب چوقدن بری قاچغله
او ندامتی حس ایده جک طویغم قلندی ، لیکن شوراسی
جای سؤالدر که الیوم از مه اداره و اراده مالک
بولناتلر انجق او مسلمانکن کله ذاتلر اولوبده اسکی
همراهلرینک ضرورت و حقارت التنده چوریوب
کتمترینه عجبا فصل قائل اوله بیلیمکه درلر ؟ ! چونکه
وظیفه قدر شناسی و غیرت انسانیه اک زیاده انلره
ترتب ایده جکنده کندیلرینک ده اشتباهلری متصور
دکدر ، واقعا اشاعه ایتمش بولندیغم بر ابتلاک بحشی
اوزرنده بعض ظنلرجه مغلوب مراق عد اولندیغمی
بیلیرایسه مده بو ظنون اساساً طوغری دکدر ! نه حال
ایسه فیکرم وهم ایله خسته دکل حزن ایله خسته در
محاضره لده تقریر شفاهیجه ابراز مهارت ایده میور
ایسه مده اوده مانع عد اولنه من ، زیرا صورت اداره
کثرت کلام ایله حاصل اولیوبده موقع کار گذاریده
حسن ترویج مصالحه عائد ایسه او حالده چوق سویلک

صنعتنه پکده لزوم کورلماک لازم کلیر ، مع مافیه بو
 حال علی الاکثر واقعدر که فکر و قلماری سـویلیاتلرک
 لسانلری سکوته میال اولور ، آرتق فائیدن حاضره
 تحویل خطابک زمانی کلدیسه سـوزی طولاشـدیرمغه
 نه حاجت او — ازمه اداره ده ذی الیدبولناتلرک جله -
 سندن بدل وجهله سنه ده فائق سز سکز که دها مقامکزی
 وجود کزله تبریکه شتاب ایتدیکم زمان دیدیکم وجهله
 اوزر کزده تقدیس وامنیت ایلدیکم شی مزیت رسمیه
 دکل آنجق عقل و فضلکز ایدی ، زیرا او خاصه لری
 کندی موقعلرندن یعنی (متحیر اولدقلری وجدانلردن)
 زیاده محسن و کریمدرلر ، همجوهرلرندن اک کوچوک
 بر ذریه مالک بولسانلردن ده احسانلرینی دریغ ایتزلر
 کلام اره سنه بعض بولسزویا خود طاسزدوشمسی ملحوظ
 اولان سوزلرک حقیقت شناس اولان وجدانکزک مروته
 عائد حس روحانیدنی تغیر ایتز اعتقادنده بم چونکه کدرلی
 بر اضطرار بدرون ایله یازیلان سوزلرک دها لطیف اوله میه
 جقلرینی قوه حصافت البته اعتراف ایلر ، فعلاً مجربکز
 دکلسه بیله مطلقاً عرفانکز ضرورتک غایتی نه قدر درین
 بر یأس غیاسی اولدیغنی بحق تفرس پیوره جقلرندن

شبهه م یوقدر ، قالدیکه بوسوزلی تلیق ائناسنده
 بشریت طرفندن طبیعتیه بعض حدت آمیز حساسر کله -
 جک اولسه بیله شکایت شوز شکارانه مک استناد ایلدیکی
 نقطه لر ملاحظه بیوریلنجه کولکیزده کی میل معالی البته
 آنلره غلبه ایده جکدر ، ایدی نتیجه مقصد شودر که
 اول و آخر قلبی نه مرتبه لده طائلی نواز شلرله او قشا -
 یوبده نه راده لده امید وار لطف و عاطفت بیوردیغکزی
 بیلیر سکر ، عجبیا اولطفیلرک کولکله تدشیر ایتدکلی
 بختیارلغی نیچون کری الدیکز ؟ او قدر عالی التفاتلرله
 وجدانه پروبال و پرونده آسمان مفخرتک اوج اعلاسنه
 قدر صعودینی تجویز ایلدکن صکره فضای نامتناهی
 ایچنده قنادلرینی فک واسه ترداد ایله حاضیض یأسک الک
 شدید بر سنکسستانی اوزرینه دوشمسینی روا کور بیور -
 میسکر ؟ یوقسه حقیقت حالدیه طبعکزی بنی سومامش
 و بکنامش ایدیه آیا او طائلی التفاتلرله و اومسرتلی
 حسن قبوللرله کولکی الدائمغه نه مجبوریتکز وار
 ایدی ؟ واقعا بن برارالق طرفه توجه ایدن سعادتک
 باشی اوزرنده بر جریحه آپدیغمی بیلیرم ، لکن آنی
 مرهم عفو و سماحت اونو تملی ایدی ، بن نفسمی بیرار

ایدن بر الم درونك اجبارینه تبعیت ایدرك او یله بر یو-
 لسزلقده بولندم سزك آزاده اضطراب اولان قلبکز
 بر متأله قارشى کنه دی وظیفه سنی اونو تمامی ایدی
 عقلکز مقتضای شاننى ، فضلکز کرم بی پایانی
 بشریتك القا آتته مغلوب ایتمالی ایدی ، بنم
 قباحتمدن دها بیوک بر شیمه ایله مروتنی ایفادن کری
 قالمالی ایدی ، بیلیرسکز که عفو و احسان بیوککلک
 روحیدر ، چنده شکوفه یه شکوفه ده رایحه لطیفه یه
 مشابهدر ، بوصفتلردن ساده اولان علویت ایسه
 محصولسز بر شجر کبیره بکزر ، بنده کز سزیه حکمت
 اخلاق و فضیلت علویه اوستمک صد دنده
 بولنمورم ، مرادم یالکز کنه دی وجدانده نام والا کزه
 اوله رق طاشید یغم حسیاتی درمیان ایلکدن عبارتدر
 باقى امر و اراده سزکدر

نومرو

۳۶

صفوت ازلیه لرینی عالم بشریتك شوائبندن محافظه یه
 موفق اولان وجدانلر بیننده غرضسز معارفه نك
 تأسیس ایلدیکی مخالصلتلر ، محبتلر هیچ بروقتده نزایدن

بشقه برشی قبول ائمه جگاری حقنیده کی امنیت مخصوص-
 صه من اقتضاسنجه او بختك اوزرنده تعاطی قیود
 رسمیه لزوم و احتیاج متصور دكلسیده صره سی
 دوشركه حسیات متقابله قلبیهك واسطه مبادله سی
 اولان مكاتبات خالصانه یوزندن ده اکتساب لنداند
 مغنویه ایچون قانون مخالفت طرفندن بر مساع مخصوص
 اعطا اولمش اولدیغندن بوکا بانستناد مبدأ طلوعندبری
 نجابت ذاتیه سیله صفوت اصلیه سی حافظ و اوفیض
 خاص ایله بصیرت مغنویه سی دائماً بر نور حقیقه ناظر
 اولان وجدان پاك علوی نهادلینه تعلق و انجذاب ایله
 احراز مسعدت ایدن قلبك شوراجقده شوق و محبت
 اوزرینه بر كوچوك تلمیح ایفاسیله كسب لذت ایلمسنه
 لطفاً مساعدۀ دولترلینك بیدریغ بیورلمسی تمسیله برابر
 بوكره ولایت جلیله لی دفتر دارلغنه وقوع مأموریتی
 وسیله سیله شرف معیت اصفانه لینه مظهریتندن طولایی
 بختیار اولان (۰۰۰) افندی بنده لی کی بحق صادق
 و درایتكار بر مأموری عاجزانه اوله رق حسن نظر عالی
 فخمانه لینه عرض و تقدیم ایله ده كسب مباهات ایلم
 باقی

نومرو

۳۷

درة التاج فرق عصمت و عرفان ، قرة الوهاج
عين فضيلت و ايقان ، شفتملو رآفتلو خانم افندی
حضر نلری

نجابت ذاتیه مزیندن بشقه نسبت جلیلهء علم و کمال
ایله یالکز کندی قسم خاصی بیننده دکل بتون نوع
مقابلی فوقنده بیله بحق احراز موقع امتیاز ایلیوبده
بالوجوه فضائلدن عبارت بر مردم ارشد معنوی حکمنی
المش و مرتبهء علم و کمالی نسبتنده صنوف اخلاق حسنه
ایله قانون انسانیتک انسانی انسان ایدن قواعد
مهمه سنی ده بالخاصه مشرب عرفانه متن کلی اتخاذ ایش
بر روح پر فتوحه حکماً نصل بر نقطه نظر دن باقدیغمی
اشبو ورقماره مله طوغریدن طوغری یه حضور معارف
موفور دانشمندانه لینه خطاب ایتکه قدر جسارت الیشم
ماده سی ینه حضور معالی موفور لنده تضمنناً و بملکیده
التراماً تلخیص و اشرابه کفایت ایدر اعتقادنده یم معافیه
مدت حیانتک الکیوک قسمنده سعادتدن عبارت بر نورک
ایچنده یاشایوبده بر دن بره فلاکتدن کنایه برقرانلغک

ایچنده دوشمش اولان برروحك حالى كاهوملا حظه واستنباط
ایلك خصیصه رفته كارانه سنك دخی انجق اویله بر اصالت
نسب و جزالت علم و ادبك اجتماع و التماع ایتدكلى
قلب کریم عالیجنابه اختصاص ازایسی جزم قطعیندهیم
شـ و حالده سر سعادت افسر ناز کانه لینی دهـا زیاده
اطنابلر ایله تصدیع ایتامك ایچون اك صوك سوزیمی
عرض و درمیانه اجتماسار ایلمر مکه کچنده نائل اولمش
بولندیغم توصیه نامه معلومك حکمی اخیراً (....) پاشا
حضر تلرینك وقوع انفصاللری اوزرینه نصل ایسه
موقع فعله وصولدن کری قالدیغی جهتله اولمابده نام
مکرانه اوله رق و قوعنه احتیاج جدید حس ایلدیکم دلالت
و شفاعت مؤثره بی مستدعی مشارالیه حضرت ترینه
یازدیغم مذکره مملوکانه می لفاً حضور مکارم نشـور
دنشـ پروریلرینه بالتقدیم لطفاً و عاطفه مخدوم نجـابت
موسوم معارفندیلری بك افندی واسطه سیله عرض
و ترویجی عنایتی بالخاصه او علم و کمالك انوار مغنویه سی
ایچنده کنـدی اولدقلرندن دهـا زیاده تقیض و توسع
ایلیان خصائل فاضله عارفانه لیدن امید واسترحام ایلمر
باقی

قدیماً بنه لرنده موالات خالصه حسبیاتی جریان
ایدو بده بربرینه حقیقی تمایل و انجذاب حاصل ایتش و هیچ
بروقتده بربرندن انجمنامش اولان هر ایکی دوست
قلبلرینک دائما او حس صمیمی بی ترک و فدا ایده میه جگرلی
حقیقتی اوزرنده بنده کزک امنیتم بر کمال اولدیغی
مثالو شهه سز اوله رق وجدان عالیگری دخی بومسئله ده
فکر و اعتقادمله متفق طانیتم آنک ایچون بو بحثک
ما صدق دیمک اولان موالات قدیمه من حق بنده تأمینات
لفظیه تعاطیسنه متعلق اوزون سوزلر یازمغه ایکی طرف
ایچون دخی احتیاج کوره میه رک یالکز شونی اعتراف
ایلر مکه نوع بشری عموماً بر ماهیت اصلیه نک افرادی
طانیو بده حقوق انسانیه ده هر بر صنفی مساوات طبیعیه
قانون مقدس نک احکامندن حصه دار ایتک مسلمکنده کی
مأثر مرغوبه حکمت پسندانه لرینی مفتخرأ ایشته دیکه
کوکلی نام والا کزه اوله رق پک طانیلی بر حس ایله مملو
بولیورم سزده کی بواطوار و حسیات انسانیه ذاتاً
و خلقه اک کوزل بر ناطوره یه مالک بولنده یغیزی هر
کسه تبلیغ و اعلان ایله تاریخ خصوصیه کزک پاک و نجیب

اولان صحیفه لرینه بک چوق شان و شرف کلمه لری قید
و املا ایتدیر یور تزیین حقیقت آدمیتیه راجع اولان
هر بروضع ممدوح کزله کرچ کزن بته ون قدر شناسان
انسانیتک کمال منته تقدیر لرینی حائز اولیور سکن بوکا
حسب الموائلات تشکر لری ایدرم بلغارستان داخلنده کی
مناسب رسمیه اربانک کافه سی رفته رفته سزک مساک
مرغوب کزه اتباع و امتثال کوستروبده مسقط رأسک
ایچنده عمومی بررقه و استراحتک وجوده کلمه نی جناب
حقن تمنی ایدرمکه احوالده دخی اوسعادت عمومیدنک
بادی اوللاکی ینه نام عالیکزک اوزرنده قالوب عنوان
جیلکز برقات دها توسع و ترفع ایتدیکه البته بزم کبی
صادق دوستلرکزک ده مباحات قلبیه لری اکا کوره
آرتیه جغنده اشتباهه محل یوقدر خصائل انسانیه کزی
کرک اسکیدن بیلنلرک و کرک اشبومسند رسمی اوزرنده
ابرازینه موفق اولدیغکز اثرلر دن استدلال ایدنلرک جله سی
عمدنده قرین تصدیق اولان حق صریح کزی مفتخر ا
سویلمکدن عبارت بولنان اشبو تمهیدات و تحذیسات
مخصوصه سیاسکارانه دن صکره خصوصات ذاتبه دن

اولمق اوزره طرف مالیکزدن برشی رجا ایتکلکمه مسا -
 عده کزی آرزو ایدرم شو یله که روسحقده کی خانه
 عاجزانه مک صائلمسی ایچون کچن سنه مقامه مخصوص
 اولان رسمیسندن بشقه خصوصی بر صورتله دخی تصدیق
 مالیکزی حائر بروکالت نامه ایله فلانی توکیل ایتدیگی
 بیلیرسکز اوزماندنبری شوایش بر نتیجه مطلوبه حاصل
 ایده مدیکی کبی روش حالدن اکلاشلدیغنه کوره بعدما
 دخی بر معاونت رسمیه منضم اولدقچه مقصدک وجوده
 کله میه جکنده شهیدم قالمیور مخلصکزک ایسد بوراجه
 بر مسکن تدارکنه موفقیتیم محضا او خانه نک بدله مظهریته
 توقف ایلیور شو حالده کرک انسانیت نامنه و کرک
 مخادنت قدیمه مزک حق و شاننه اوله رق بو یولده
 بر صورت ممکنه ایله اجرای معاونت و مظاهرتله خانه
 مذکورک بر آن اول بر قیمت مناسبه به مقابل صائدیرلمسنه
 عنایت بیور یله حق اولور ایسه کرچکدن متدارکنز قاله -
 جعیمی عرض ایله احترامات فائقه مک تجدید آثارینه
 مشارت ایدرم افندم

نومرو

۳۹

اصل مقصودن اول مساعدۀ جلیله اصفانه لرینی
 مع التنی شو کوچوک مقدمه یی قید و اتیانہ مجاسرت ایلمر مکہ
 حقیقہ اشبو استعطافنامہ چاکرانه می شیمہ مرجتک
 قدسیت ازلیه سنی اعمال و نجابت حسیانیله بالتقدیر وجدان
 پاکنی اک زیاده اوشیمہ فاضله یه جلوہ گاه ایلمش طانیذیغم
 بر کریم ذیشانک حضور سامیسنه تقدیم ایتدیگمی بیله رک
 مندرجاتک لطفاًینه او حسیات عالیہ واو مرجت
 قلبیه ایله مطالعه و تلقی بیوریلہ جغندن امینم مقصد
 اوزرنده افاده ایده بیله حکم خلاصه یه کلنجہ من غیر
 لیاقة (۰۰) ولایتی مکتوبجیلغنک عہدہ مکترا نه توجیہی
 امرنده کی لطف جلیل جناب اصفانه لرینه مقابل ذاتاً
 قلبیہ حائز بولندیغی لزوم درجه سندن بحق وجوب
 مرتبه سنه انتقال ایدن دعای روز افزونی عمر وعافیت
 فحیمانه لرینی مخلصانه بارکاه احدیته عرض ایلمدیکم کبی
 جمیع زمانده ده بو وجیبه یی ایفا خصوصه منده فتور
 و تکاسل قبول ایتیمه جگمی دل آگاه حقایق اکتنه اصفانه
 لرینه خفی اولیمان صدق طویتمک دلالیله تأمین ایلمر

اساساً كندی ایـاقتسر لغنی کورمکه موفق بر بنده لری
بولندیغم ایچون بولعمتی کرچکدن استحقاق چاکرانه مک
فوقنده بیله بوللر ق اولن سبتده ده ادای حق تشکرندن
عجز می بیلیر ایسه مده معافیه هر نعمتدن استفاده ایچون
حیاته احتیاج قضیه سی نزد عالیده وارسته ایضاح
ویاندر حالبو که حد ذاتنده بر اینجه دری ایله لجم
وشخمن غایت ساده بش اون پارچه کیکن عبارت
اولوبده ظاهری هیئت انجق برقاقات البسه نک یکدیگری
اوزینه انضمامدن تشکل ایدن وجود موهوم کترانه مک
او قدر اوزون واو مرتبه ناموزون بوللرک مشاق
عظیمه سنه متحمل اوله میه جغندن طولای او غرامسی
طبیعی بولن ان وخامت مجزومه یه کوره نتیجه امرده
بالطبع اولن نعمتدن مستفید اوله میه جغم بلیهی کبیر
قوللرک افندمزدن بکلدیکم مروت ایسه اوله هلاکی
انتاج ابدیه جک اولان مزعج بوللره سوق اولنق
جهتنده دکل بلکه اوچ بچق درت سنه لک بر انتظار
وارتقابه ونهایتسز بر خجرت واضطرابه مقابل مقید
بولندیغم مسله کده بر مسرتلی مکافاته هاندر قالدیکه
عبدا حق لری باب عالیده موجود اولان ترجه حالمندن

اکلاشیله جنی اوزره وقتيله برنجی صنف (...) لغی
 بالفعل احراز ایتش و مکرراً (...) وکالتنده ده بولنش
 بر بنده لی اولمقدن بشقه اخیراً فلان محلجه اختیاری
 اوله رق قبول ایلدیکم مأموریت دخی هر نقدر رسماً (...))
 کتابتی دیمک ایدیسده ده معناً (...) لق موقعی محافظه
 ایدن ینه بوبنده ناچیزلرندن عبارت ایدیکه بوراسی
 هر نه وقت هر هانکی والیدن صوريله حق اولسه تصدیق
 و اعتراف ایديله چکنده شبهه دن آزادیم مغفایه انلردن
 بر چوغنک اولجه باب عالی یه کلش بولنان شهادتنامه لی
 بو کون دخی بولدیریلوب کورلک امکانسز دکلدر
 اعتقادنده ایم بواساسلرک اوزرینه عجباً نصل اولوبده
 شو او چنجی درجه یه قدر روا کورلدیگمه اظهار حیرت
 خصوصنده کی معذوریت کترانه مک لطفاً تقدیر و تسلیم
 یوريله جغنه قائم بوجله لدن صکرده ده سایه کر موایه
 جناب فخمانه لرنده باب عالیجه (...) دفترنده کی قید
 عاجزانه مک وهرشیدن زیاده ایسه چکنده ینه اوبولده
 شرفسانح اولان وعد سامی خدیویلری جکمنک لطفاً
 اونودلماسی نیازینی بالخاصه مرحمت جلیله اصفانه لرنه
 استناداً عرض ایتمکه بالمجبوریه منجاسر اولورم اثنای

مسئله ده ماملکجه دوچار اولدیغم رخنه فوق العاده ایسه
 بشقه جه حق مملو کانه مده شفقت قلبیه بی دعوت ایده -
 بیله جکنه احتمال ویرمکده یم نتیجه تضرعات بندکانه م
 شو نقطه اوزرنده ختام پذیر اوله جقدر که شاید مقید
 بولندیغم یولده اک کوچوک بر موقعه دخی لایق کوریه -
 میویده مطلقاً مکتوب جلیق مسلیکنده استخدا م نزد العاجه
 قطعاً مقرر ایسه او حالد مادامکه مدت عمرنده هیچ
 بر نه حمله لکه دار اولوبده تنزیل موقع جزاسنه استحقاق
 کو سترمش بر بنده لی دکلم باری درجه سی اساساً
 حائز اولدیغم مرتبه ده و مسافه سیده وجود کمترا نه
 مک تحمل ایده بیله جکی راده ده بر محله تحویل مأموریمه
 مساعدت جلیله خدیو یلری بی دریغ وارزان بیورلمسی
 تمینسده بولنورم باقی هر حالده امر و فرمان

نومرو

۴۰

ذاتاً عقل و فضلك درجه قصوا سنده بولنانلر نزد
 از باب تقدیرده نه قدر معزز و محترم ایسه لی بالعکس
 قدر ناشناسلر عنینده او قدر قیمتسز و اهمیتسز بر نظرله
 کورلملری سرینک فصل فطری بر علت تباینه مبتنی بولندیغی

بحثی نزد عالی‌رنده مستغنی، ابضاح و بیاندر بونکله برابر
 طامده همان بزه منحصر بر جلوه، طبیعت اولمق اوزره
 عصر لک هیچ بر قسمندده اومساعده کورلماشدر که
 منابع خطوب مهمه دن برینه ک لزومی درجه ده بر عقل
 سلیم دن استفاده سنه میدان ویرسون! بوجه لردن صکره ده
 مسلك و مقصد لری انجق اعمار و احیای مسکن و جمعیت
 نقطه مسعوده سنه ناظر وعائد بولن انلرک او آرزو لینه
 مکافاة هیچ برایشله یورلمغه احتیاج کورمیه جکاری بر بعد
 نامتناهی به قدر سوق اولملری وضع نقیضنک زمانلر ایچنده
 صورت وقوعی ده هنوز یکی کوریلان شیلردن دکلدر
 انجق بزده بر بخشایش طبیعت اولمق اوزره هر شئی
 قدرک اوزرینه یو کلمتک قاعده سی جاری و مرعی اولد -
 قدن صکره ظاهرده مغایر مقتضای مصلحت کورینان
 احوال دن هیچ برینه بر نظر تفیش ابله باقق دخی جائز
 اوله مامسی بر امر ضروریدر اشته افندمزک کندی
 موقعلرنجه اولان اهمیتلرینه مقابل خریطه طالمک البعید
 بر نقطه سنه تحویل مأموریتلری دخی اساساً عقل و فضل
 کی ایکی بیوک نهمت مثبتله لینه ک دعوت ایلدیکی بر جزا
 حکمنی حائز کورنمسندن بشقه موقعلری اوزرنده

قالدقلىرى تقدیرده ده فائدهسى اعم و اشمل صنوف خدمات
متواليه ايله بيت المالك لهنه اوله ورق نتایج حسنه ايقاع ايلملرى
مخدورندن منبعت اولديغنده شهبه يوقسه ده بروجده
معروض اراحه افكار ايچون بزجه ايشى حکم قیدزه
اسناد ايتک يولى البته تأسف جهتندن دها اهون دوشه
جکندن ارتق بونقطه ده او شهره عمومى به بالسلوك همان
رفيق سلامت و قرين عافيت اولدقلىرى حالده هدف
توجهه مواصلت و چوق قالمقسزین دهاخيرلى وشعشعه لى
برعودتله حسن معاودت بيورملرى دعاسنى تريل وتذکار
ايله ختم مقال ايلرم باقى

نومرو

۴۱

سطح زمين ارتق هيچ بر خيال شاعرانه به تبعاً دکل
گرچکدن بر حقيقت صريحه فاخرانه به مستنداً رشک
انداز چرخ برين اولسونکه اشته برى آسمان حصافتک
مهر ساطعى ديکرى سپهر سماحتک بدر لامعى بولنان
ايکى نيرجهان افروز آفاق عالمک فلاحى اوزرينه اوج
اعلاى اتجاد ده بالاجتماع وجوهله اقتران سعدين حکمنى
ايضا ايچون کمال يمن واقبال ايله ايکى مطلع معلادن

شعشعہ پاش طلوع و بروز اولہرق مجزوماً معتقد فیہ
اولان تحقق وقوعی اعتباریہ ساہرہ غبرابی مستغرق
انوار فیض وفتوح ایلدیلر بوتاب و فرلہ مطلقاً
عصرک ہربرکونی برعید سعیدہ مانند و ہربرکچہ سی
بر فیض مخصوص ایلہ مغبوط لیلۃ البدر فلک پسند
اولہ جغندہ ہیج برکسہ ایچون شک و اشتباہ تصور
اولندمز بناء علی ذلک شعشعہ دلاراسی بتون عیون
و ظنیرورانی تنویر ایدن بو شرفلی کونک سعادت عمیمہ
و محققہ سبیلہ کافہ ملل عثمانیہ بی مع التبریک او ایکی
ولی الاحسانک نام نامیلرینہ اولہرق کندی وظیفہ
مخصوصہ عبودیتیم اولان دعای روز افزونی عمر و عافیت
واجلال سرمدی خدمت جلیلہ سنہ مراجعت ایلرم
باقی

نومرو

۴۲

قلب سامی حیدریلری کی ذاتی و نجیب بر مروتلہ
حزین و منور بر وجدان علوی جوہرک ہیج بروقتندہ
او مروت ممتازک فضل و کرم نہ مراجعت ایدنلردن
عتاذی اولیہ جغندہ معتقد بولندیغم کی صادقانہ بر خلوصک

مکافات متقابله سیده ارکج ویریه جگنی بیلدیکم جهته له
 قلبی باب احسانلرینه جلب وربط ایتش اولان اوصفت
 کریمه جامعه المعالینک کافل اولدیغی عواطف نامتناهیده
 حائد امیدمی الیوم محافظه ده قصور وفتور دن آزاده
 بولندیغم حالده مجرد موسمک ویردیکی مجبوریت اوزرینه
 مرحمت جلیله لینی مع الایتهال تعجیله مجاسرت ایدرم
 معلوم عالی فخیمانه لیدر که ترقب مدتی اوج سنه یی
 تجاوز ایدرک آرتق معیشت اوزرنده قیمتک عشرینه
 بدل ضایع ایده جاک هیچ بر شیئم قالمدی بکننده بر
 اعضالق ایچون (. . .) امانته اسطار واحسان بیوریلان
 امر مخصوص داوریلرینک جواب معذرت آمیرنی البته
 منظور عالی بیورلمشدر شو حالده طافت مسله آصفه
 نه لرنن خلاصه استرحام شو اوله جقدر که ارتق لطفاً
 مسروریتک صورت استحصالی بشقه زینک اللرینه ترک
 وحواله ایدلیه رک کندی مروت و عنایت فخیمانه لری جانب
 طالبندن حسن ایفاسیله احیا و اقدار مملو کانه مه مساعده
 سامیه کر مکاریلری بیدریغ وارزان بیورملق زمانی
 کلشدر که حقیقه سفالت طالعک نه قدر درکائی وار
 ایسه کافه سنه قدر اینوب هر برنده تاروجه قدر تأثیر

ایتمدك هیچ بر لاجش-یده آجی قالمغله بو کونکی کونده
 حال حاضریم بذاته لطف اوله رق یارادلش طایه-دیغم
 وجدان پاکیزك طیانهمیه جنی بر راده ده در باقی امرو
 فرمان

نومرو

۴۳

کرچه بر مقصدك اره سی لزومندن زیاده ممتد اولدیغی
 وقت او امتدادك حکمی ایکی احتمالدن برینه دهها چوق
 قوت و یرمک و ویردیرمک استعدادنده بولنه ییلیر
 ایسده صادقانه برخلوص ایله محافظه اولنان امیدك
 و بتخصیص قلب سامی حیدریلری کبی شایان تقدیس
 بر فیض خاص ایله مفطور و متحلی بروجدان کریمک
 مروت عالیله سنه تعلق ایتش بر امیدك هیچ بروقته حیر
 اصابتدن دور دوشمیه جکنی ذاتاً حقیقت طرفندن تحقیق
 و تصدیق ایده کلدیکم جهته کوکلم دائماً کندی اعتقاد
 و ارتباطنی بو نقطه رشاده توفیقندن غفلت ایتماکده
 ایدی اشته بو تحقیق و اتباعه ماهواحق اوله رق
 له الحمد قلب اعلائی فخمه-انه لینی تزین ایدن عواطف
 مقدسه نك بارقه تجلیاتندن منبعث بر لطف محض اولوق

اوزره مسئول کترانهم ترجاً عنایت واحسان بیورلدی
 سفالت طلمنک فصل پر ظلمت آباد اولدیغنی مدت مدیده
 کورد کدن صکره بویله بر روز نورانی به چیقان قلبک
 او حالده کی حسیاتی شرح و تفسیر ایچون یالکزدیباتک
 دکل بتون لوحه هستی و صحیفه بالا و پستینک بدایعی
 ایچنده بیله بر تعبیر کافی بولنه میه جنی کبی ینه او قلبک
 صورت مظهریتنه مقابل عرض ایتمک ایستیه جکی تشکرک
 درجه سنی دخی فن بلاغتک کنوز خفایا سمندن عادتاً
 خارق ماده بدایع ناشنیده استخراجنه قدر مقتدر بر
 صاحب طبیعتک ده تعریفدن عاجز قاله جنی مسلم بولند
 یغندن شو حالده روحک بو احسان مخصوص خدیو
 اعظمیلرندن بولدیغنی مسار نامتناهی بی الفاظ بشریه
 ایله عرض بیان امر محالنه تصدیدن ایسه بالفعل
 ادراک حقیقت کیفیت ایچون حکماً بونک عینی دلخواه
 عالی دائره سنده بر جهت جامعه ایله قلب رحیم فخممانه لری
 صفحه غراسنه تصویر بیورمسی ضمننده بالخاصه جریده
 ام الکتاب کائناتک دیر حقایق نیکاری عنایتنه مراجعت
 ایلش اولدیغیمک و ارتق تعبیر و تعریف جهتنده کی
 شو استحالیه کوره فریضه متحتمه شکرانی بعد ازین

توفیق رب احدیت و تسهیل حسن توجه جناب
ولی نعمت ایلہ وظائف مأموریت اوزرنده فعلاً ایضاً
چاشمق عزم صحیحینده بولندیغیمک عرض وافاده سیاه
اکتفایه محاسرت ایلرم

نومرو

۴۴

اهلیت صحیحہ ایلہ سزاوار عاطفت اولوبده نصل
ایسه او خاصه نك قیمت بوله مدیخی زمانلرده سفیل و سر
کردان قالمش بولمانلرك ارتق طلوع کوکب سعادتلرینه
مساعده بر دور اقبالک بو کره (...) مقام معلاسنک
او کبیر حقنده طبیعی بر همت عالیله ایلهمتصف بر قدردان
ذیشانہ بالاقتران شرفیاب اولدیغی کوندن اعتباراً
باشلادیغی کچن کون الک معتبر بر لسان عذب البیانک
شهادت جلیله سی طرفندن روحه تأمین اولمسی اوزرینه
ارتق او روز فیروزی بتهون مملکتک خیر و منفعتنه
اوله رق بر تاریخ سعادت شرف و موقعنده اولمق اوزره
صحیفه حسن نین واستسعاده قیید وضبط ایلدیگمی
عرض واتیاندن صکره صدد استرحامه انتقال ایلرم
شویله که چاکرلی پک چوق سنه ل (...) ولایتلرنجده

(...) کبی مهم مأموریتلرده و بر قاج دفعه‌لر دخی
 (...) و کالتلرنده بولن-وبده بونلرک هر بری اوزرنده
 ذره قدر تکاسل ورخاوت و جزؤ لای تجزی مرتبه سنده
 بیله بر تهمت ایله متهماً انفصال کور مکسزین قلماً و رأیاً
 کافه ولایه عظام حضراتنک تحت تصدیقلرنده اولوق
 شرطیله خدمات ممدوحه ابرازینه موفق اولدقن صکره
 فلاکت عمومیه صره سنده بالطبع وبالضروره یریدن
 اتفیکاک ایله مصاباً بورایه کلدیکمده او اراق در سعادتده
 بولنان (...) پاشالر حضراتی خدمات سابقه می یلدکلی
 ایچون بر کون بیله سفالنده قالمقغمی روا کوره میهرک
 بوراجده بر موقعه تعیینی شفاهاً و تحریراً لازم کلان
 مقامات عالییه توصیه ایتدکن بشقه اخیراً موقع مأمور-
 ریتلرندن دخی خصوصی عریضه‌لر ارسالیله اخطار
 و تمنی ایلدکلی و حتی شو کچن کونلرک ایچنده بیله
 (...) ولایتلری والی سابقلری اولوب کذلک هر بر حاله
 مشاهدۀ وقوفلری لاحق بولنان (...) پاشالر حضراتی
 دخی او یولده خصوصی شهادتنامه‌لر عرض و تقدیم
 ایتدکلی حالده اول و آخر شو متواردانک اره سنده پک
 چوق تبدلات و توجیهات جریان ایدوبده بیلم نه حکمتیه

مبنی بر درلو قولیکز ایچون بوراجده بر موقع روا
 کوريله مامکدن بشقه قومیس یونلرک قاعده موضوعه
 دائره سنده اجرای تدقیقات لازمیدن صکره اسمی قید
 و املا ایتدکاری مسلکده دخی هنوز طشره جه اولسون
 بر موقعله بکام بیوريله مدیغم جهته ارتق اوج سنه یی
 اتمام ایدن مدت مدیده یأس واضطراب ظرفنده ضجرت
 وسفالت دنیلان شدائدک قطعاً قیاس وتعریف قبول
 ایتیان اک مؤثر والک حیرت انکیر بحرانی ایچنده محو
 اولوب کتمکده یمکه بوکا او تأمین عالی ايله مؤید اولان
 سجایای عالییه کرمکاری و اهلپروریلرینک مطلقاً قائل
 اولهمیه جغنی جزم ايله کال اطمینان تحتنده اوله رق طافت
 مخصوصه خدیو افخمیلرینه النجا ایلورم هر حالده
 امر و فرمان

نومرو

۴۵

بو کره من غیر لیاقة (....) دفتر دارلغنه وقوعبولان
 مأموریت عاجزانه مک کچمش زمانه عائد و قلمک
 ایچنده کی بر نقطه حقیقته مستند اوله برمایه اصلیمی
 وارد رکه اوده بر تاریخده لاجل الامتحان استانبوله

کلدیکم صروده مستحبی اولدیغم انهای ولایتناهیئک
ملفوفی بولنان مذکره کترانه اوزرنده کی تصدیق عالی
کریمانه لریئک حکم والاسندن عبارتدر حقیقه صورت
امتحان عاجزانه مک او زمان خزینه جلیله جه مظهر حسن
قبول اولیشنی محضا او قوتدن بیملکه مفتخرم شو
حالده اشبو نائلیت چاکرانه می دخی طبعاً و بحق او
اساسه بالارجاع مطلقاً سایه اطف و احسانلرنده حصوله
کیش بر نعمت اولمق اوزره تلقی و قبول ابله وظیفه
شکرانه اونقطه دن باشلامق مجبوریتی تحنده بولندیغمی
ریاسز بر حس صمیمی حق شناسی طرفندن روحه
کلان بر تلقین معنویدن تفهیم واستفاده ایلدیکم جهتمله
مجرد او وجیهه محتتمه بی ایفا صددنده کمال حرمتله دامن
سامیلرینی اویمکه اشبو عریضه مخصوصه چاکرانه می
توکیل ایدر وینه او وجیهه نک قلبه تعلق ایدن اک
مهم واک مقدس قسمی دیمک اولان اخلاص مخصوص
کریمانه لردن وجدانم هیچ بر وقته خالی وغافل قالمیه
جغی کبی هر بار فیوضات جلیله سندن استفاضه احتیا
جنده بولندیغم احاسن توجهات دولترینک دخی لطفاً
فرق چاکرانه مده بر قرار قالمسینه مساعدیه کریمانه لرینی

تمنی و امیددن ینه وجدانك هیچ بر یرده عاقل بولمیه جغنی
عرض ایلمر باقی

تومرو

۴۶

سجانی تحریرات قلبی خلفاسندن اشبو عریضه چا
کرانه می تقدیم ایدن (۰۰۰) افندی کوله لری کچنده منحل
اولمش بولمان فلان محل تحریرات مدبرلکی ایچون
محلندن بالانتخاب بامضبطه مقام سامی آصفانه لینه عرض
ایدلش اولدیغی حالده نصل ایسه ولایتجه اورایه
بر بشقه سی تعیین واعزام بیوریلهرق کندبسی مأیوس
ومحزون قالمش اولدیغندن ومومی الیه بنده لری
ایسه منظوری اولمش بولمان بعض آثار کتیری اوزرینه
طرف عاجزانه مه محبة غائبانه مکتوبلر یازهرق اظهار
موالات واعلان مواخات ایلمکدن بشقه اوراجه
بر طاقم ایشلر مک تسهیلی خصه وصنفده ده پک چوق
غیرتله وهمتلر صرف ایتش قدر شناس بر بنده لری
اولدیغی کبی المقده اولدیغم مکتوبلرینک مندرجاتی ده
مدیریت مذکوریه کفایتی کوسترمکده بولندیغندن
ظاهرده کرچه حضور سامی آصفانه لینه بویله بر شفاعت

عرض ایدہ بیلک ایچون حال و موقع کسترانہ مک هیچ بر
 مساعده واستعدادی اولسه بیلہ افندمز حضر تری کی
 سرمایہ معارفک الک بیوک حصہ داری و او شرف
 جلیل سرآمدی اقتضاسنجہ آز چوق او سرمایہ نامتناہ
 ہی یہ طرف نسبتی اولنلرک دہ بالطبع محب و حامی فضیلت
 شعاری بولنہان بر صاحب عرفان واسع الوجدانک
 عند سامیسنده انسانہ انسان حیثیتی ویردیرہ جک
 و سوزینی دہ اکا کورہ قبول و تلقی ایتدیرہ جک شی
 بر طاقم ظاہر بیلنلرک افکارنجہ یالکز رسمی رتبہ لہ
 و اعتباری موقعلرہ منحصر قالہ میہ جغی تصویر یوبابده
 قلب مملوکانہ مک پک قوی بر حس مجاسرت القا و تلقین
 ایلمسیلہ شو حالہ لطفاً مومی الیہ کولہ لری حقندہ بر عا
 طفت مخصوصہ ایفاسنہ مساعده بیوریلہ جق اولور
 ایسہ بر وجہ معروض کندیسنک حق عاجزانہ مدہ کی
 مساعی واقعہ خیر خواہانہ سنہ مقابل شفاعت کسترانہ
 مک ثمرہ سنی کورمش دیمک اولہ جغندن طولانی الک زیادہ
 حائز منت و مسرت اولہ جق طرف البتہ قلب عاجزانہ م
 دیمک اولہ جغنی عرض و بیانہ اجتناسار ایلرم باقی فرمان

نومرو

۴۷

من غیر لیاقة عهدہ کترانه توجیه واحسان
 بیورلش اولان (....) مکتوبجیلغندن طولایی حضور
 سامی جناب وکالتپناهی لرینه بحق وجدان مملو کانه مک
 درجه شکرانی مفسر بر جله کافیده بولوب یازہ
 بیلگدن قریحه و قلم عاجز و قاصر درلر قالدی که لزوم
 ضروریدن زیاده اطناب ایله تصدیعدن احتراز کده مر-
 تبہ وجوبی نظر دقتدن ایرماق وظیفه سی مختصات
 عبودیتک الک مهم لرندن بولندیغی ایچون همان جناب
 یزدان عمر واجلال اصفانه لرینی فراوان بیورسون دعا-
 سیله اکتفا ایلم چا کرلی اوتہ دنبری کندلی لیا
 قتسر لغنی کور و بده جمیع زمانده آنک اعترافدن ایرلیان
 حد شناس بر بنده لری بولندیغم جهته البتہ بوعاطفتی ده
 بر لطف محض اولمق اوزره تلمق ایتمک و خصوصیه
 رأی و تنسیب اصفانه لری تحتندہ وقوعی ملحوظ اولان
 بر مأموریتی کمال تقدیس ایله قبول ایلمک مجبوریتندہ
 بولنه جغیم درکار ایسه ده بونکله برابر محضاً مرحت
 جلیله لرینه صیغنه رق بر کره شوراسنی ده عرض و درمیان

ایتمه کما که مساعده سامیه فخرمانه لرینی استرحام
ایلمکه اگر بونعمدن استفاده حیات عاجزانه مک زومی
ضروری ایسه او حالد هج شهیدیه محل یوقدر که
اوقدر اوزون و ناموزون بوللرک مشاق عظیمه سی
بوبر طور به کمیکدن عبارت اولان وجود موهوم چا-
کرانه می بردها کندی طویلایه میه جق بر حاله قویوبده
استفاده مه میدان براقیه جخی غیر ستیر اولان حاله نظره
استنباط بیوریه بیلیر افندمن حضر تلرینک باره
مملوگانه مده کی تصور و آرزوی عالیری ایسه مطلقاً
قوللرینی احیایه عائد بولندیغنده قطعاً شک و ترددم
یوقدر ذاتاً رقبه اختصاصی نصل رقبه عبودیتلرینه
تسلیم ایلدیسهم بو خصوصده بتون حیاتی منحصرأ
مرجه تلرینه تودیع ایدرک شاید باب عالیجه نام احقرانه می
مقید بیلدیکم (...) بولنده بر طافت ولی نعمتانه
ایله مسروریمه امکان واستعداد مساعد کوربله میوبده
مطلقاً ینه مسلك سابقمه یعنی اساساً وجودمی شو حاله
کتیرمش اولان کتابت بولنده استخداً قطعاً مقرر
بولندیخی تقدیرده ارتق رأی و فرمان اصفانه لرینه قارشی
فدای جانہ رضا ویرمکدن بشقه چاره م قلمیه جغندن

او حالدہ باری صنفی بر اراق حائز اولمش بولندیغم در-
جدهده وموقع ومسافهسیده وجود کترانه مک تحمیل
ایده بیلجکی رادهده بر محله تحویل مأموریتہ مساعدہ
سامیہ جناب وکالتپناہیلرینی استرحام ایله ختم کلام
ایلرم قاطبہ احوالده امر وفرمان واحسان

نومرو

۴۸

مبحث استدعاہ تصدین اول اعاشہ عائله اوزرنده
ارتق صوک درجدهہ قدر عاجز ومتخیر قالوبده حیر
جلیل مرجع عمومی اولدیغی قدر حائز بی عدیلیده
عمومک محتاج اولدیغی مرتبدهده واسع برمرحت عمیمیه
منبع جلی اولق لازم کلان مقام سامی جناب وکا-
لتپناہیلرینہ مراجعت احتیاجنی کورمش بر مستندک
لطفاً لسان تضرعندن وجدانک ایچنده کی این
حزینی سمع عاطفته ایشیده رک تسریع مسروریتنی آمر
برکله رحیمانه ایله چراغ واحیاء بیورلمسی استرحامنی
معالابتہال عرض حضور عال العال ایلرم صدهده کلنجہ
چا کرلی ملحقاتی جامع اولان (فلان محل) اوقف
محاسبہ جیلکندن منفصلاً درسعادتہ کله لی (....) سنہیہ

بالغ اولدیغی و نظاماً تأخیر استخدا می موجب هیچ
برایلیشکم بولمیدیغی حالده قایل قجه طاقت فرسا تعویقاته
تصادفله پک مضطربانه سورنمکده بولندیغمدن
وظهیردن محروم بولنان هر عاجزک طوغریدن طوغری به
التجاکاهی ایسه کندیلرینک احتیاجلرندن دهها وسعتلی
بر لطف و عاطفت مجراسی اولمق شان عالیسمدن بولنان
موقع جلیل خدیو یلری دیمک ایدو کمندن صورت مخصوصه
صدهده شایان رقت اولان حال اضطرابمه ترجأ سرعت
ممکنه ایله مسروریتک حسن استحصالی حقنهده امر
و فرمان عاطفت عنوان جناب و کالتپناهیهلرینک پیدریغ
وارزان بیورلمسی باینده

نومرو

۴۹

چا کرلی بوندن (۰۰۰) ماه مقدم یانیه ولایتی دا -
خلنده کائن (۰۰۰) قضاسی قائممقاملغنه تعیین بیوریلهرق
کندی موقعی طانیان بر مأمور خدمت معینه سی او -
زرنده نه قدر بذل طاقت ایتک وظیفه سیله مکلف ایسه
او درجه مکلفیت دائره سنده اولمق اوزره وظیفه پر -
ورانه حسن اداره مأموریتیه صرف مکنت ایلمکده

و نفس مملو کانه بجه الك خوشکوار لذتی محضاً نعمت مقدسه
 موفقیتده بولمقده اولدیغم حالده حسن خدمت مقابلی
 اوله رق والی سابق حضرتلری زمانده قزایلان
 مدوحیتده بدل والی لاحق حضرتلری اورایه کلور
 کلز قولکیزی نه وظیفه جه بر تکاسل واهمال ونه ده
 استفادات ذاتیه ایله تقید و اشتغال کبی بر تهمت تحتنده
 بولمق سزین عزل ایله مغدوراً اچیقده و حال ضرورتنده
 براقش لردر عالمده جنجه سز اوله رق مغدوریت کور.
 مکدن یاره لنوبده نظر انصاف عالییه عرض و شرح
 ایدلک حقنی احراز ایدن مجروح سینهلدن بریده بوسینه
 زخمدار کبتری اولمق لازم کلوب بناء علیه کمال سوزش
 و نال لیلرله مرکزک ذاتاً اصدقای لیاقتکاران بنسدا کاک
 تأمین بقای مأموریتلری حقنده کی مسلک عالیسی خلا.
 فنده اولان شو حق سز و کیفی وضع و اجرانک علیهنه
 اوله رق بٹ شکایت و تظلمه دائر حائر بولمدیغم حق
 صریحی موقوف رسیده قسویه حق اولدیغم تقدیرده
 حکومت مشروعه من کبی بر حکومت عادله قانونیه
 نظر نده مظهر اهمیت اوله ییله جکننده اشتباه ایدمن
 ایسه مده حال وزمانک بودر او کوچوک شیلرله افکار

عالمه بی اشغاله عدم مساعده سنی بالملاحظه یالکز تلافی
 مافات مرتبه سیه اکتفای موافق مصلحت کوره رک
 لطفاً موقعه اعاده چا کرانه م خصوصنی حقانیت جلیله
 اصف اکر میارندن تمنی واسـترحامه مجاسرت ایلم
 اولبابده وهر حالده

نومرو

۵۰

استمدادنامه چا کرانه مک جوابی اولمق اوزره (۰۰۰)
 تاریخلی کرمنامه عالیبرینی مع التکریم قبول ایلمدم طالع مک
 عدم یاورینی درجه سنه باقکز که عریضه مک ائیمتی
 نسبتنده بر سرعتله وصولی آرزو اولنمسنه مقابل
 نه قدر مدتر دونوب طولاشدقن صـکره واصل ید
 علمالری اوله بیلشدر مال جوابنامه سامیارنده اسعاف
 مسئوله حائل اولمق اوزره درمیان بیوریلان معذرتلر
 واقعا قوتلی شیرایسده ده مع مافیه کسکین فطانتک ادراک
 وانتقالندن کنایه اولان خاصه ملهمیتله متصف بیلدیکم
 فکر سامیاری طرفندن درحال تفرس واستنباط بیوریله
 جقدر که اکر شو بلیه ده افندمز دن ماعدایه کشف راز
 ایده بیلک بنده لنجه ممکن اولسه ایدی بویه تکراراً

سر دولت‌رینی تصدیقه مجاسرت ایده مام‌کدکم طبیعی
ایدی (خداوند) جلال‌کزه کالکزه یمین ایدرمکه شو
ایده ناموسمک وقایه‌سی کرچکدن عنایت‌کزه منحصر
کورینور وجدانمستن مستور اولیان شفقت رقت
مروت کبی خصائل قلبیه‌لی البته محو واضع‌الامنی
نجویز ایده‌مید جکرلنده اشتباهم یوقدر اعتقاد ایسه
او مرتبه‌ده در که یوقدر شیئی افندمن حضر تارینک
اقدار عالی‌لی عادتاً یارادیر جه‌سنه موقع امکانه کتیره-
یلورر خلاصه بو مه‌لکه‌دن خلاصی لطف
وعاطفت مخصوصه‌لندن قطعاً بکلمک مجبوریت‌نده‌یم
شاید حالمک درجه‌سنی تحریراً عرض و تعریفه موفق
اوله‌میور ایسه‌م او حاله بالذات نزد عالی‌لرینه قدر
کلوب عریض و عمیق افاده کیفیت‌ده مجبور اوله‌جغنی
شم‌دین عرض و اخطاره مجاسرت وبالعرض والتقدیر
کاملاً مظلوم المقدارک تدارکنه امکان مساعده اوله-
میوبده بر درجه‌یه قدر نقصان دخی اوله‌جق اولسه
بیله ینه دفع مشکل خصوصنده فائده عظیمه‌یی مورث
اوله‌جغنی اوله بر احتمالیه مقابل اولق اوزره تقیید
واتیانه مشارت ایلرم باقی لطف واحسان

کچنده (....) مکتوبجیلغنه تعین بیوریلوب معذرت
 بدیه سندن طولانی عفو و عاطفت فخمانه لینی استرحامه
 مجبور اولمش اولان عزتلو (...) افندی بنده لری
 ذاتاً شرف عبودیتلریله مفتخر بر کوله لری اولدیغنه سندن
 حق عاجزانه سنده هیچ بر دلالت و شفاعته لزوم کوریله-
 مز سنده حسب المحجوبیه حضور سامی فخمانه لرنده
 عرض و تمهیدینه موفق اوله مدیغی بر قضیه که انک
 خلاصه سی عمرینک پک چوق سنه لینی امور قلمیه ده والک
 زحمتلی ایشلرده کچیروبده صحتی بالطبع زیاده جه ازیش
 بولمسنندن ناشی ارتق او مسلکدن عفو یله سایه عالی
 اصفانه لرنده بر مدتیجکده متصرفلق کبی بر خدمت
 ملکیده ده استخدا منه مساعدده سامیه داوریلرینک ارزان
 بیورلمسی استرحامندن عبارت اولوب کندیسنک سوابق
 خدماتی میاننده او یولده کی تجارب فعلیه سی ذاتاً بعض
 ولایه عظام حضر اتنک شهادت لریله ثابت اولمقدن بشقه
 قوه قلمیه ده کی مهارت مشهوده سی دخی حسن اداره یه
 موفقیتنی تأمینه کافی کورنمنه و اوچ سنه دنبری شو

امید اوز زنده کمال اضطراب ایله چکیمکده اولدیغی معیشت
مضایقه سنک درجه سیده تحت اطلاع عاجزانه مده بولمسنه
بناء طبیعی بر سائقه قلبیه ایله تسریع مسروریتی
خصوصنی خاصه نیاز ایدرم اولباده

نومرو

۵۲

ذاتاً بعض ولایت مکتوب بخیالغی و متصرفلق
و کالتیری کی خدمات مسبوقه سندن صکره مملکتی اولان
(فلان محلدن) الدیغی دعوت نامه اوزرینه بالخاصه
محبت وطنیه سائقه سیله قبول ایلمش اولدیغی اورانک
(...) باش کتابتنده ایکن وجودجه دائمی یازی ایشندن
متأثر برضعف عصبینک الجاسیله اومسملکدن چکیمکه
مجبور اولمش اولان عزتلو (...) افندی بنده لرینک مطلقاً
نزد عالی خدیو یلرنده ده ثابت اولمش اوله جغی مجزوم
کورینان قوه قلبیه سیله بالوجوه متناسب اولان فکر
ورویتی اوزرینه بوراده عرض تأمیناته لزوم و احتیاج
کوریه مز ايسه ده مع مافیه داعیلری محل مذکورده
بولندیغم زمان کندی سنک رأیاً و فعلاً هر درلو متأثر
خدماتنی کورمش اولدیغم مثلاً سایه لطف و عنایت

جليله داوريلرنده آرزو ايتديكي مسلكجه وقوع مسعود
ديته مرقباً مدت مديده دنبري بوراده چككمده اولديغي
معيشت مضايقه سنك مرتبه فوق العاده سنه ده كسب وقوف
ايلديكم ايچون طبيعي برسائقه قلميه ايله حق عاجزانه سنه ده
مرحت جليله اصفانه لريني تمنى به وجدان داعيانه مده
حقيقتاً مجبوريت حس ايلديكمدن وبويله خدمت دولته
مأثر مطلوبه صادقانه ابرازينه مستعد اولان بردر ايتكار -
بنده لر ينك سايه معاليوايه جناب شهنشاهيده بختيار
اولسنى ايسه البته الك زياده افندمن حضر تهر ينك قلب
ساميلري آرزو بيوره جققلريني ذاتاً بيلديكمدن بواساسلره
ابتناء مومى اليه كوله لري حقنده مشاهده عرض شهادتله
ارتق پك ممتد اولمش بولنان يأس واضطرار ينك لطفاً
برحال مسعوديته تحويلى خصوصنه مساعدت ساميه داور
افخميلريني خاصه تمنى واسترحام ايدرم اولبايده

نومرو

۵۳

تلغراف مخبرات و وارداتك شمديكنه نسبتله فنا
برقاچ درجه دها تسريع وتكميلري امرنده كي امكانك فعله
كتورلمسى مطلب مهمنه منافي اوله رق مخبره مر كزيه

مدیرانک نصل بر اقتدار سز مأموره و پر یل و بده اولیا -
 بده کی استعدای چاکرانه مد نه یولده جواب یأس اعطا
 اولندیغنی متضمن حضور سامی جناب و کالتپناهی لرینه
 تقدیم ابتدیکم مذکره اوزرینه نظارتله مخبره بی شامل
 اوراق اخیراً شورای دولته حواله بیورلشیدی قرار
 مذاکرات حقه کی استطلاع کتیرانه مه کوره استعدای
 چاکرینک صولک فقره سنده در میان اولیان امتحان صورتک
 ترویجی بالاخره هر مأمور مقتدر ایچون بویولده بر چیغیر
 آچدیله جکی ملاحظه سی اوزرینه نبویز اولنه میهرق
 یالکز لیه اقامت مملو کانه مک ثبوتی حکمنجه موقع مذکوره
 معادل بریر آچلدیغنی وقت تعیین واقدار بیورلقلغینک
 جواباً عرض اولنه جغنی اکلا شیلوب نفس الامر ده ایسه
 طولایده سیله هر کسه تعممی پک ضعیف بر احتمال مستند
 اولان اوبله بر تصورک اصل الشبجه بحق ملترنم عالی بولانان
 اصلاح مصلحت جهتیه نسبتله نزد سامی حضرت
 و کالتپناهی لرنده حائز اهمیت اوله میه جغنی اعتقادینه ملابس
 بولندیغم مثلاً بودفعه کی تنقیحات صره سنده لغوایدیلان
 مخبرات عمومیه مدیرلکی امورینک تمامیه بومأموریه
 انضمامندن طولابی طبعی هم وظائفی تکرار ایش و همده

قومیسیمونه عرض ایده جکم بر لایحه موجبنجه عموم طشره
مرکز لایحه مخبر انک منع و تعطیلی مؤدی دائماً ماکنه
و خطاره عارض اولوبده محلی مأمور لایحه حل
و تسویه سنه موفق اوله مدققری علمقری بورادن کشف
و اخطار قاعده سنک وضعی حالده بوکا خدمت
وظیفه سیده حسب التعلق مأموریت مذکوره به مترتب
بر وظیفه مهمه حکمنه کیره جکی درکار بولنش اولسنه
نظراً مطلقاً بو موقع اوزرنده اوله صادی بر مخبره مأموری
قدر بیه اقتداره مالک اولمیان بری دکل بالوجه
استکشافات مذکوره به مقتدر اوله حق مرتبه ده فنا
معلومات کافیه بی حائر بر مدیرک بولندیرلسی وجوب
قطع سنک دخی نزد عالی جناب فخیمانه لنده مظهر تقدیر
اوله جنی مجزوماندن اولوب بو یولده لازم کلان اصلاح
و اداره جهتلرینی تأمینه ایسه کرک تألیفات موجوده
مکترانه مله و کرک تصدیقات رسمیه ایله مثبت اولان لیاقت
مملو کانه مک بوراده تکریر ایضا احاطه لزوم کوریلهمز
سه ده ایفای مقتضایی بالوجه رأی و اراده معالی صاده
جناب و کالتیناهیلرینه وابسته بولنمغین اولبایده

نومرو

۵۴

تلفراف اداره سنك اصلاح احوال عمومیه سی ضمیمه
دولتو منیف پاشا حضر تفرینك تحت ریاست تارنده
تشكل ایدن قومیسسیون مخصوصك بوصره ده تلفراف
مكتبك دخی بر حال انتظامه وضعنه همت بیوره جغی
پکن کونکی (۰۰۰) نومرولی ترجان حقیقت غزنه سنده
درمیان اولنیور ایدی واقعا بومكتب امور مستعجله
دولت و ملتك واسطه تعاطی مخبراتی اولان بر صنف
مأمورین ایچون مخرج منفرد دیمك اولسنه کوره بونك
هر دایم تأخیر مخبراتی منج صورتده خطوط و مر اکرجه
وقوعی نادر اولمیان خلل و علالك محللرینی در حال فن
قوتیه اکلابوب و بولوب ازاله ایده جك قدر معلوماتی
حائز مأمورلی یتشدیرمی حقیقه تنظیم احوالنه منوط
اولوب بوصورت انتظامی بحق تأسیس و ایفایه مكتب
معلم اولی بولنان رفعتلو (۰۰۰) افندیك اقتدار
کافی و کافل ایسه ده نصلسه شمدی به قدر نظارتجه بو
ایسه اهمیت و برلك دکل شاگردانك کرک بدایه اورایه
النسی — و کرک اکیال تحصیل ایتکسزین اکثریسنك بلا

امتحان مر کزله چیقارلمسی خصوصنده بيله معلمه مراجعت اولمق کي هجج برحق مداخله ویرلماسی سبباريله بالطبع مکتب کرچکدن مکتب دنيله میده جک بر حالده قالمش بولنسیله اشعار بیورلدیغی اوزره حقیقه شو صره ده بونکده هر درلو اصلاح و تنظیمه همت بیوريله جق اولور ایسه پک بجا و دولتمدن بشقه عومک دخی تأمین مخابرانی کافل مأمورلی یتیشه جکندن طولابی هر کسک عندنده تشکره سزا برایش کورلمش اوله جخی محتاج تفصیل دکلدر بوراده معلم مومی الیهک اسمی سبقت ایتسندن طولابی شو بختی ده درمیان ایتکی مناسب عد ایلدمکه پکنده مخابره مر کزیه مدیرلیکی منحل اولمسی اوزرینه چونکه بو مأموریت درجه اهمیتیه متناسب برفن آشنایه مقارن اولدیغی حالده اگرچه کندی حدودی دائره سندن خارجه پکده حکم و شمولی اولمسه بيله باری او دائره ایچنده و بلکه رفته رفته سائر محالره ده نمونه امثال اوله جق بر صورتده تسریع مخبرات و منوجه تقلیل مصارف و تکثیر واردات کي آثار ممکنه نك رهین تیسر اوله بيله جکی تصویرینه بناء معلم مومی الیه بومامو ریتی درحال با مذکره نظارتدن استمدعا ایلدیسه ده

قطعاً اهمیت ویرلیوب بالعکس تحت تصحیده بوانسان
 قلیل البضاعه بری قونلش ایدی حالبوکه شو صروده
 هر بر وظیفه اداره نک مطلقاً اک اهل مأموره تقویضی
 مطلوب عالی و ملتزم حضرت و کالتفناهی اولدیغنی
 معلم مومی الیه کوردیکی ایچون ابشی باش وکالت مقام
 معلاسنه عرض ایلمسی اوزرینه شو ترجیح بلا مرجح
 ظاهره اخراجی ضمننده کیفیت اوراق نازمه سیله برابر
 یکن کون شورای دولته حواله بیورلمغه امید ایدرز که
 اوراجه احقک نامستحق اوزرینه ترجیحی صورتنک
 ردیله حتی اهله ارجاع امری اصدار بیوریلور بو
 فقره بی درج ایتمکن مرادم معلم مومی الیه کی بو فنده
 متعدد تألیفات مفیده ایله درجه مهارتنی اوته دنبری عموم
 نظارت ارکانی عننده دخی قطعاً انکاره مجال بر اقامق
 درجه سنده اثبات ایتش و بو تألیفاتدن بشقه اثنای
 مختار به ده اردو لجه و دون لجه عینی تلفراف کی سرعت
 مختار بی کافل بر طاقم وسائط نافعہ دخی ایجاد و اختراعنه
 موفق اولمش بر فائق الامثل میدانده و درجه مهارتنه
 کوره استحقاقندن دون یله اونن بو مأموریتی ده غنخل

اولدینگی کوندنبری طلب واستعداده بولنوبده بالوجوه
 دولتک بوکونکی مسلك عالیء محقانه سنه مباین اوله رق
 کندیسند جواب یأس اعطاسیه مأموریت مذکورہ نک
 روایات صحیحہ کوره بتون ارکان اداره جہ فقدان
 اقتداری اعتراف اولنان دیگر برینہ توجیه اولنسی قدر
 استغرابه شایان ایسه ارباب مطالعه بیننده او قدر استغراب
 اولنق ایچون واقف اولدینم برحق سزلخی غزته کزه
 بیلدیرمکن عبارت ایلدو کندن طبع ونشیرینی آرزو
 ایدرم افندم

نومرو

۵۵

نزهتسرای هنرک خزین کلزارلینی انظار تماشا به
 کوسترمک ایچون تشکیل اولمش برروزنه دلکشا اولمق
 صفتیه (منظره عرفان) سرلوحه سی التنده بو کره
 مطبوعات عالمنه رونق بخش مباہات اولوب بر نسخہ سی
 طرف عاجزانہ مه دخی اهدا بیوریلان اثر والا کهرلوی
 منظور دیده امعانم اولدی بحث شکرانه کیرمزدن
 اول شوراسنی درمیان ایتک ایسترمکه بدایع ادبیات
 وحکیمانی کرچکدن شایان تلذذ برصورت لطافتده

تزيين واره ايدن بو اثر دجوترك دها كنديسي دست
 مباحثه كلز دن مقدم نام دلاراسي سمع ابتهاجه واصل
 اولوب شرف مطالعيسي ايچون كوكلده بيوك بر اشتياق
 حاضرلمش ايدى حقاكه اشتياقه دكجك قدرده
 وجدان ايچنده اك لطيف لذتلك تجمعنه مدار اولور
 انواع فضائلى حاوى بولنديغى كورلدى جمله
 منرجاتندن اولوق اوزره حكمتك معناسنى ومعناى
 حكمتك مقتناسنى نه قدر ظريف صورتله توضيح ايليور،
 كره مزك احوال لطافت اشتمالي و كنديسنى تشكيل
 ايليان موجوداتك يكديكرينه اولان تعلقات ومناسباتنى
 مختصر بر مجت بليغ ايچنده نه لطافتلى ونه اطرافلى
 سويليور، مقاله ادبييسى ايسه حسبك شرفنى ادبه
 كوسترر بر تعريف مشوقانه ايچنده زادكانى نه حكيمانه
 بر وادیده علم و كماله سوق ايديور، قرابتك نصل محتاج
 مودت اولوبده اندن عارى اولان اقاربك نه مرتبه لده
 اجانبين دها دون قاله جغنى نه كوزل بر طرزده ايراد
 ايليور، خصوصيله عصر مزده اك زياده يول آلمش بولنان
 مداهناتك تركيله اكابدل عقلا ونقلا ممدوح اولان
 معاشرات سالمه و مدارات مشروعه يي نه خوب

صورتده وجدانلره تلقین واملای قیلیور — شعرا سفسطه
لندن سالم بر حس صمیمینک تفسیر مجملی اولوق اوزره
طوغریسی عصرمیزك اصحاب معارفچه نصل بر برکت
دوری اولدیغنی بو اثر عالی کوهرک مندرجانی بشقهجه
اثبات ایلمسندن طولایی کسب فخر ایلرم سجیه فاضله
عرفانک طرفداران انتشار معارفه او یولده طرح ایلمدیکی
خدمت جلیلهنک بر بیوک قسمی ده بو اثر بدیع درعهده
ایلمسنه کوره ترقیات ادیه و حکیمیهنک بر مقتدای صادقی
دخی کندیسسی دیمک اوله جغنه دن طولایی شان والاسی
شایان تقدیسدر شو قضیه دخی بوراده سزاوار قید
واملادرکه ارتق دبستان عصرده فضل و کمال اولمکی
کی یالکز بر قاج وجوده منحصر قلیسوب نوجوانان
وطنک اغلبنه تعمم ایلمکده اولدیغی مع الافتخارا کلاشلیور
بونک عبارتته کله بنجه اشته انلردرکه عصرک الک معتبر
مسلك ادبی اولان افادات طبیعیه لطافتنه مالک وبالوجوه
الفاظ لاغیه ولغات غیر جاریه دن سالم بولندقلری حالده
کمال فصاحت وسلاستلریله اومنظره نک ایچنده هیئتلرینی
بالتشکیل نظرکاه تماشا به قویدقلری معارف کلزارلرینک
روایع جیهله لری کرچکدن بواسم لطیفک کنیدی

مجمعلربنه وجهسز اوله رق وبرلماش اولدیغنی تأمینه
 کفایت ایلیمور لیکن بنده کز بونک لطائفی مادی بر
 شکوفه زارده حس اولنان لطافتله مقیس اولق اوزره
 تلقی ایتیمورم زیرا بومسلمدر که ترابی طرحلردن و نیاتی
 شکلردن ترکیب ایدن باغچهدل نه قدر مزین و رونقدار
 اولسه لر اوجلرندن آب حیات آقیدان قلملر و مشکات
 عرفالردن انوار حکیمیات صاچان طبیعتلر طرفندن پرورش
 ویریلوبده حیاتلره حیات قاتمق خاصه سنده بر لطافتله
 تصویر و تنویر ایدیلان معنوی کلمتالرك خیال فیض
 اشمالاری قدر روح پرور اوله منزل انلرده کی اونورانی
 کلرله اورو حانی بلبلارک مداولات احوال عشقبازانه لردن
 قلوبه کلان انبساطلر ممکن دکل مادیات بوسمتالرنده
 بولنملر بنابرین بنده کزجه بوکوزل شیءك وصفی
 اوزرنده کندی لطافتنه قریب بر مثال اتیانی لازم
 کلسه مستغرق اولدیغنی انوار کلماته نسبتله بهشتی بر شعاع
 سندس طرازه صارنمش بر نازنین دلنشیندر دیه یلیردم
 مع مافیه مشابهته اندن دهافاضلنی ارایه جق اولدیغیم
 تقدیرده ایسه مجاریء سطوری ایچینده فوران ایدن
 معارف منبعلرندن کنایه اولق اوزره کندیسنه بر

چشمه سار کوثر شانی ویرمکده اصلاً تردد ایلزدم
 چونکه علم و عرفانی جناب خالق دخی عین کوثر
 صورت نه ذکر و تعبیر بیورمشدر الحاصل جامع
 اولدیغی حکمی و ادبی لطافت لولد کندیسنندن هر بر
 طبیعتک تلذذ ایلیمه جکی شبهه سز اولان بو اثر معارف
 پرورک موقع احترامی هر کس سر ابتهاج لرنده تعیین
 ایتک لازم کله جکی کبی شانی تقدیر اولندقچه اثرک
 مندرجانی دخی او مزیت شناسلری کتدجکه لذتیاب
 ایلیمه جکننده و تعبیر دیگرله بونک و مابعدینک مطالعاتی
 اوزرنده نه قدر اشعه انظار دقت صرف ایدیلور ایسه
 کندیسنندن او قدر انوار معرفت استفاده اولنه جغننده
 شک و تردده محل یوقدر بویله بر اثر مفیدک بادی
 تأسیسلریده مطلقاً کندیسنک مزیتی نسبتنده عمومک تقدیر
 و تشکر لینی احراز ایلیمه جکلرنده ریب و اشتباهک یری
 قطعاً مفقوددر عاجزانه اوله رق بورایه قدر یازمش
 اولدیغم سوزلر بو اثر نفیس و بدیعک نفاستنده کی لطائف
 دقیقه یی و بداعتنده کی دقایق لطیفه یی تمامیه توصیف
 موقعنده اولدیغی کبی کندیسنک لذا ین مندرجاتیله
 طولش اولان قلمک حسیاتندن ده قطعاً بحمه تصدی

ایتمور مکه اکر او ایکی مجتک تفصیلاتی اوزرنده وجدانک
 اجا آتیه تطبیق مقال ایده جک اولسه م بالطبع رساله ک
 کند ی حجه ندن دها بیوک برطومار تشکیل ایلمک کیم
 لازم کلدیکی حالد دخی ینه سویلیه جکم سوزلک
 خلاصه سی انک تقدیر شانندن وایفای حق شکرانندن
 قلمک عجز و فقرینی اعترافدن بشقه بر شیئه منجر
 اوله میه جخی در کاردر بو تمهیدات خلاصه سیاسکارا
 نهدن صکره دها سویلک ایستدیکم برقاج سوزه کلنجه
 حقیقه هر صحیفه رعنائی انوار ادبیات و حکیمانک بر
 مطلع غراسی اولق حیثیتیه نزد ادباده بحق الک عالی
 بر جای احترام طوتمق حقنی حائر اولان بو اثر جمیلدن
 لطفاً بنده کزده شویله بر نسخنه ک اهدا بیورلمسی شاید
 ارباب معارف سلیکنده بر موقعم بولمق فکرینه مستند
 اوله جخی ملاحظه سنه مقابل کندمجه او یولده ادیبانه
 بر محسوسیت طوریه جواب ویرمکدن ایسه عاجزانه بر
 تحدیث نعمت طرزینی اختیار ایلمک صورتی دها ملایم
 کورنمشد زرا انلرله متعدد جهتله عائد بر حصه
 اشتراکم اولدیغنی کتمه مجالم بو قدر شویله که
 کندیلرله دائماً بر هوای نسیمک ایچنده تنفس ایتمور

می یز ؟ اوزرنده ساکن اولدیغمن ارضك محصولا -
 تنیدن برلکده حصه دار دگی یز ؟ باغزار جهانك
 کرومندن هب مشترکاً نشئه مند سرور اولیورمی یز ؟
 وقت سحرده صبانك خوشبو صاچلردن آلوب نشر
 ایتدیکی رواج لطیفه دن ده همان متساویاً اکتساب
 حیات ایلیمورمی یز ؟ اشته بورو ابط طبیعیه علاقه -
 زبله مقید اولان صورت اشتراکی بالتصديق او فکر -
 کزی حسن قبول ایله تلقی ایدر و بویله حقیقه -
 مقارن و مطابق براءه ترافه قارشو هیچ برکسه نكده
 اعتراضی وارد اوله میه جغنی قطعاً جزم ایلم ارتق
 سوزك بوراده موقع حسم و ختمی کلدیکی حس ایله اك
 صوك وظیفه می ایفایه نقل کلام ایلمکه انك خلاصه -
 سیده کرچه کدن نیکارستان معارفه اك پارلاق بر
 روزنه تماشا اولان اشبو منظره عرفانك متوالیاً انظار
 استفادات عمومیه عرض ایده جکی بدایع آثارك
 مخارج عالیله سی دیمك اولان قریحه و قلماره هرآن
 و حین افکار حکمت قرین وانوار همت
 بدرقه و معین اولمق دعاسنی یاد و تذکاردن عبارتدرکه
 بویله متسلسلاً موقع انتشاره چیقه و بیده مندرجات

متجدده سنك لطائف كونا كوني له ار باب مطالعه نك
 وجدان لرینه نوبنو القای لذت عنایتی وعد ایدن بر اثر
 جمیلك بقای كائنات قدر دوام ایلمسی ارزوسنه اهمیت
 و بر نر دخی البته بومقصد لرینك تأمیننی اوقریحه و قلمرك
 قوت و همت لرندن آرایوبده اشبو دعایه اشتراك ایلیه
 جكارنده اشتباهه محل كوره مم افندیلم

نومرو

۵۶

قدرك طالع كمترانه بر اطف مخصوصی اولان
 مقدس بر رفاقت سایه سنده قزائمش بولندیغم عبودیت
 سینه لرینك شرفی فرق ابتهاجده كمال علویت مخصوصه -
 سیله مكان طوئمش اولدیغندن آن بآن انك فخر عظیمندن
 بالتجلی كوكلك ایچنده پارلامقده اولان معنوی بر شعشعه نك
 تنویر دائمی سیله روحم كرچكدن بر ضیا عالمنده بشامقده در
 بویله بر بیوك ابتهاجك حق تفسیرینی خامه نامق الحروفك
 یازه بیله جکی عبارله اصله كافل اوله مزركه بوراده
 او تفصیلاته تصدی جرأتی اله یلمسون قالدیکه بر بحثك
 حقیقتندن زیاده تصویر ظاهر یسنه اهمیت ویرن لفظیر -
 دازل زمره سنه عدم التحاق املی دخی بوبابده ساعد عزم

و کوششی بشقه جدمنع و توقیفدن خالی قالماقده در غدای
روح اولان معارف انواریه پرورش بولمش بر وجدانده
ایسه ذاتاً قال و قلمک ابضا حاتندن بیوک بر کشف مافی الضمیر
خاصه سی موجوددر که جمیع زمانده اکافارشو هر نه
یازاسه معلومی اعلام موقعنده قالمقندن بشقه بر نتیجه
ویرمیدجکنک ملاحظه سی ده بوراده عهدۀ اختصاصه
ترتب ایدن وظائفدندر مع مافیه معروضاتک
ایچنده حالدن خارج هیچ بر مقال بولمیه جنی بختی تأمین
ایچون ذاتاً او وجدان عالینک استکشافنه قارشو دلائل
اینانه احتیاج اولمیدیفنه کمال قناعته قانعم اودراول
وجدانکه کندی استعداد بی عدیلی طرفندن هر نوع
جواهر کمالات ایله املا و تنویر اولمش بر کنز عرفنددر
سیرتجدده جناب حق افندمزی نصل بر علویه مالک
یراندیفنی اشته اقبالک صدر اعلاسنده بر بارکاتک
سو کیلیسی ایلک صورتیه اعلان بیورمقده در اوسیرت
عالیه دن تجلی ایدن مکارم اخلاقک اک ممتازلندن بریسی
انسانیتک روحی اولان وفاخصلتیدر که جمیع زمانده عالم
مروت منحصرأ آنک سایه جایه سنده مستظل اولور بناء
علی ذلک کوکلم او عالمی قطعیمأ وجدان سامیلرنده کوروب

عقصدینی حصراً اکا عرض ایتمک اندن بکلمک آرزو سنده در
او مقصد ایسه مناسب بر رتبه یه مظهریتدن عبارتدر که
بومسروریتک حصه ولی مطلق و محقق او غـ لم فراوان
و طبع دایستان جمعی اولان وجدان مالیشانک اک کوچوک
بر همت مؤثره سنه وابسته در باقی

نومرو

۵۷

سرتاج ادبای متاخرین * مدوح و محمود جمله معاصرین
عطوفتو افندمن حضرتلرینک نظرگاه دقایق آگاهلرینه

کوکبه کواکب کلمات نامتناهییه جلوه کاه اولق
شرفیه رشک انداز مطالع ذات البروج اولان استمان
احسانلرینه ورقپاره مدرکه

بیـ وکلکدن کوچوککدن قطع نظرله انسانلرک
قلبلرینی یکدیگرینه جلب ایلمیان مناسبانک اک مؤثری
برجهت ویا مسلیکده اشتراک علاقہ سی اولدیغنه کوره
حقیقه قلم اعلاسی جهان ادبه برعطیه مخصوصه اولق
اوزره کلش و او اقتضایه بناء بتون جهان ادب دخی
جمع بدایعیه برابر قلم اعلاسنه بر قلمرو خاص اوله رق
تسلیم ایدلمش بر ادیب فرید صاحب کمال اولدقلرینی

ایشیده لیدنبری کوکلم طبعاً اخلاص حقیقیلریله طولمش
ایدی عشق برقلبی معشوقی جانبنه نه قدر سوق ایده
بیلور ایسه بویله بر انجذاب صمیمی دخی وجدانی او
مرتبه مجلوب الهی طرفنه سائق اوله بیلدیکنی ینه او
استماعدنبری نفس عاجزانه مده حس ایتمکه بولندیغمدن
فضله طرز خاص الخاصی نکتته سنجان هنر انجمنلرنده
رونق مکالمات اولان وهر حرفنده بیک افکار تکیمت
وهر لفظنده بیک خیال شوکت مندرج و جلوه نما بولنان
آثار دلارای حریری ادا لرندن بوسکره بر اثر بدیع
زیارتبله ده تنویر چشم مباهات ایدرک رکون درونم
کرچکدن صد چندان اولدی بو اثر لطیفک هر کله سی
اوله بر کوهر سخنکو ایدیکه غایت نازک و سلیس اولان
لهجه بلاغتلیریله معنای دلنشینلرینک درجه علویت
ولطافتلرینی اعلان ایتمکه و بر نور سیاهدن متشکل
اقلیم عرفان اطلاقاتنه شایان اولان مداد عباراتی ایچنده کی
حیات منبعلرینی دخی ینه او کله لر خبر ویرمکه ایدی
بحر پر انواری ایچنده یوزمکه بولنان شاهد مضمونی
ساحل سلسبیل بلاغتنه یکانه انجور صاچقده و او
پارلاق شهدانه لک ایچنده جلوه کر اولان لطیف معنای

کویا صبح نوروزك شعاع آفتابی اره سنده لمعه نثار اولان
 بهار یغمورلی کی اشعه بار لطافت اولمقده ایدی
 شیوه کفتار ملک فرینک مضمون فصاحت مقرونه
 یاقشدیردیغی معنای ایه حقیقه هنوز ایشیدلماش
 برطرزده ایدی برتجلی روحانی ایله نظرك بلورین
 منظره لرندن کچرک قلبک تاسر سویداسنه قدر حلول
 ایدن هر بر نکته سی روحک بتون جلوه کاهلرینی طولا
 شوب هر برینی تنویره مساعد بر خاصیه مالک ایدی
 ابکار الفاظک هر بری لطف فحوادن عبارت پرزاده
 عرفان ایله همبرنم شبستان عزوناز و مجلس انسا انس
 حسن ائتلافلرندن ارواح تماشا ییانه بخش ایتدکلی
 جرعه لک هر قطره سی صهیای عشق ایله یکرک و همراز
 ایدی اوشوق و شادی معنوی ایچنده لعل کهر بار
 لرندن صادر اولان نغمه لک مزایای ینه کندی مزیتلرینی
 اعلانیاً (لطف مضمونده مفتون مزاج کوثر * رنگ
 تعبیرمه آشفته کل باغ ارم) مألرندن بشقه دکل ایدی
 حدایق کالاتک انک رنگین واک مشکین بدایعندن مرکب
 ومؤلف اولان اول لطیف جمله لری ایه کرچکدن دست
 رضوان ایله حواری جنانه ارمغان ایدلکه شایان بر

کلدسته فضل و عرفان ایدی الحاصل بومحاسن
ادیات لوحه سنی مطالعهم اثناسنده کوکله بر ملک سیمانک
جمال تاباندن طوغوب کلان نور لطیف کی جان فزا
بر نور لایح اولوبده بوندن حس ایتدیکم لذتی بر شراب
کوثر نشئه سیه همحال بولدیم زمان — قلبی جمیع
حسیاتیه برابر جذب ایلیم انک روحی بردلبرک بزم
القتنده محو اولان غلر کی مانع انبساط نقدر افکارم
وارایسه کافه سی طاغیلوب روحم غایت لطیف بروجد
و حاله مستغرق اولدی بنم کی بر عاجزه کوره او قدر
عالی بر اثرک منبع جلیلی تقدیره وانک آستان معالی
عنوانه تحصیل تقرب و اختصاصه هو سلمنک نظر
استغراب ایله کور یله جک برشی اولسه ییله انسان کندی
وجدانه پک چوق برلرده متصرف اوله میوبده آنی بر چکن
بولمنه — و او حالده تأدب و محجوبیت سائقه سیه
قلبی صیقه رق حس ایلیمده اولدیغی انجذابی منع
و آتمه چالشمق — غلبه سی ممکن اولمیان بر قوته قارشو
بوشنه وجدانی یور مق دیمک اولمندن زیاده ممدوح
کی معارفک انوار فیوضاتیه وجدان عالیه سنی بالتنویر
قلندن قانون ادبی مستفید ایش بر ادیب الکملک نظرگاه
حکمت آکاهنه عرض ایدیلاں بر خلوصک هر نقدر

ماهیق فصاحت لایق ایله تعبیر واقده اولنده ماش اولسده
 اساساً منشأ ظهوری بولندان حسیات خالصیه حرمت
 ادبیانه بر اطاقله حسن مقابله و کریمانه بر توجه
 لطف معامله کوره بکنده قناعت حاصل ایدلک لازم
 کلسنه بناء و همه طرفدن القا اولنوبده افکاره تردد
 کتیره میلان هر بر ملا حظاتی تولا ایلله همان سر وجدانی
 مشاهده قوتنه مالک اولان چشم عرفانلرینه لوح دلی
 عرض ایدرک صفحه بی اوزرنده نام نامیلرینه عائد اولان
 نقش حقیقتک استنباط مفهومینی ایدر عارفان عهده سنه
 تفویض ایدر وبالخاصه مأر فوق العاده قلمی سندن
 اک کوچوک بر بار چنک حاوی اولدیغی محاسن ادیه
 بتون دبستان هنر طالعبرینه تقسیم اولنسه شبهه سز
 هر برینی بر خواجه جهان ایده چک قدر وفور فضیلت
 و علو کاله مالک اوزن بر شان صاحبک حضورینه لایق
 بر اثر موقعنده دکل انجق نیجه زماندن بریدر بوراجه
 حاله مناسب بر مأموریت تمیسی اوزرنده مقدمات سامیه دن
 هر برینه نه قدر فریاد نامدل عرض ایدوبده ینه هیچ
 بر شایسته موفق اوله مدبغم کورلیدیکی زمان البته حالمه
 ترحم بیوریلهرق ممکن الاجرا اوزن دلالک ایفاسندن
 دریغ لطف و عاطفت بیورلمز اعتقد قویسمله او یولده کی

انار ناچیز کترانه می حاوی نسخ مطبوعه دن برر قطعه
سـنـک حسب العجز هر لحظه ده و هر لحظه ده تصادف
بیوربله جق اولان نقایص و خطیئات ادیه سـنـدن لطفاً
اغراض بیورلمق استرحامیه معاً عرض و تقدیمه مجاسرت
ایلرم باقی

نومرو

۵۸

عالمده بتون وجدانلر خصائل حمیده انوارینی بالکلیه
ضایع ایدوبده بر کسوف عمومی ایچنده قالدقلری برزمانده
بیله ذاتاً شفقت نورندن یارادلمش اولان برقلب کریمک
اصلاً کندی شعله مروتنه نقیمسه کتیرمیه جکی
حقنده کی برچوق حقایق عالیهنک احکام جلیله سنی تمامیه
افندمن حضر تلرینک حال و شانلرنده مفتخرأ مشاهده یه
موفق اولمسه ایدم شوصورتله تکریر استرحامه جرأت
الهیمیه جغم درکار ایدی افندمن حضر تلری بالبداهه
تسلیم بیوررلر که قرانلق بر کجهنک ایچنده منفرد بر شعله
عالمتاب کورادیکی زمان اکا قوشماق هیچ بر محتاج
اقتباسک الندن کلز حقیقه جوهر اعلا کزک لاهوتی
برفضیلندن و وجدان مستثنا کزک رحانی بر شفقتدن

مفطور اولدیغنده اشتباهیم قالمامشدر بو اعتقاد
 اوزرنده ده هیچ ترددیم یوقدرکه اخیاسنه تثبیت یور
 دیغکن برطالع مغدورینی البته بختیار ایتدیجکه حزین
 ونا کام اوله رق ترک بیورمزسکن اشته بتون امیدمی
 باب احسانلرینه حصر و قصر ایلمکلیکم بو اعتقاد
 قویدن کایور قالدیکه جناب حقک بونجه مدتدنبیردر
 مقدرمی هیچ بروساطتدن ویرمیوبده اک صوک درجه ده
 باب عاطفته کزه التجا صورتی قلعه الهام ایلمی وله
 الحمد حسن قبول عالییه موفقیتله ده بکام بیورمسی مطلقا
 بو عباد کینه سنی مرحمت و مروت فوق العاده کن
 طرفندن فیضیاب ایتک مرادنده بولندیغنه دلالت ایلیور
 خلاصه افندمن حضر نلرندن کرک امیدمک و کرک
 لیاقتک فوقنده کی مکارم التفاتلرندن متحصل ممنونیتک
 پایانی یوقدر مع مافییه بو کونکی کونده کوچوکللی
 بیوکللی یدی سکن نفوس ایله معیشت حاضره کترانه
 بختنه کیرمکدن صرف نظر ایلمک انک ایچون مجبورمکه حقیقه
 بونی هیچ بر تعریف ایله عرض وتوضیح ایدم شو
 قدر حق دیه یلورمکه قلب رحیمربنک طیانهمیه جنی
 بر درجه ده در کچن کون عزتلو (...) بک افندی

ارغلارینک اخطارلری اوزرینه سعادتلو (۰۰۰) افندی
 بنده لینه بالمراجعه مذکره مدن معلومات المی ایستدیکمه
 اک صوک سوزلری اولق اوزره در میان ایتدکلی
 مقاله نیک خلاصه سی (ایشک قطعی صورتده چیقار بولی
 (۰۰۰) حضور تیری طرفلارندن یا طوغریدن طوغرییه
 (۰۰۰) نظارت جلیله سینه بر تذکره علیه اسطار
 واحسان بیورلق و یاخود بالخاصه دولتلو (۰۰۰)
 پاشا حضور تیری وساطت لریله جدی بر توصیه شفاهیه
 ایفا ایتدیرلک شقلرندن عبارت اولوب قطعاً بیلکیز که
 بزم عاجزانه اولان دلائلنن هیچ بر وقتده مستفید
 اولمیه جغکیز مجزومدر (مالی متضمن ایدی بو حالده
 بر بیان بالا امید وار مکارم نامتناهییه سی اولدیقم خصایص
 عالیّه فخیمانه لینه مستنداً شقینک هر قنغیسی ترجیح
 واراده بیوریلور ایسه آنکله بران اولتسعید و تسریر
 مملو کانه مه بذل عاطفته لیه بتون برخانه خلقتک احیاسینه
 مساعده لطف عاده جناب مشفقانه لرینک بییدریغ
 وارزان بیورلمی تنی واسستر حافنه بحاسرت ایلمر باقی
 امر وفرمان

نومرو

۵۹

بر چوق مدونات معتبره ایچنده مسلك ادبیاتی انسان
ایچون توسع قابلیاته الك بیوك مدار ولدت روحانیه ایله
متفق بر معیشت جسمانیه یه ده هر مسلكدن عالی بر مكسب
مزیت شعار اولق اوزره وصف و اعلان ایلان مقا-
له لك ترغیبات و تشویقاته مجلوب اولوبده او مسلكده
عمرینه مساوی مدتلر و جسم و جانی مخرب جهد
و املكار صرفیه بر درجده قدر نصیب مخصوصنی
الدقندن و او نصیبك ما حصلنی سنه لجه امور دولت
اوزرنده واك مشكل پسند و لاة عظامك نظر دقتلری
او كنده قلماً و رأياً ابراز و اثباته موفق اولدقندن صكره
فلاكتك عظیم بر حصه سنه تصادفی سببیه الك زیاده
محتاج عنایت و شایان عاطفت بولندیغی بر زمانده
و بتخصیص ارباب ایاق و صداقت ایچون اقبال دوری
اولق اوزره تلقی ایدیلان شو عصرك ایچنده بالعكس
هیچ بر حایته مظهر اوله میوبده خاك سقالت و مدانده
قلمش بولنه ان بر دلخونك نالش و فریادندن بالتأثر چشم
حزیندن آقان قانلی یاشلرینی سیلهرك نظرنه دنیا و ما-

فیهایی کوستره جک بر صاحب مروت تفحصاتنه
بولندیغم حالده عالمده نجیب بر قلبه عکس ایدن صدای رقت
انکیرک او قلب ایچنده مطلقاً بر تأثر اهترازی وجوده
کتیرو بده صاحبی ولو دلالة اولسون بر معاونت ایفا سمنه
البته سوق واجبار ایده جکی حقننده کی بر قول حکمینک
تأیید حکمنه خادم بر اثر فعلی اولوق اوزره یکننده
موقع انتشاره چیقان آثار کمتری میاننده مطالعه کداری
اولان بونجه فریادنامه لمک هدر اولوب کتمش بولندیغمه
کسب اطلاع ایدن بر قدر دان عالی وجدان بالالترام
قولکزی آرایوب بوله رق حاله اظهار تأسفدن صکره
فطرت و فضیلت طرفندن مظهر فیوضات اولوق شر-
فیله من وجه او خاصه لردن ذره قدر بیله بهره مند او-
لغری جداً حایه واقداره میال بر جوهر کامل اولوق
اوزره افندمرزی خبر ویردیکی صره ده بالوجوه نه قدر
عالیجناب ونه مرتبه مروت مأب اولدقلرینی نظر
استدلال عاجزانه مه بر قات دهاتوضیحاً (انسانیتیه
مخصوص اولان محاسن اخلاقک درجاتی انسان ایچون
ملکوته قدر ارتقایه مساعد بر مراقاة معنوی) حکمنده
اولوبده بو کون انک الک عالی مرتبه سمنه وارمش بر ذات

ملك سماء ارانيلور ايسه افندمزدن بشقه بولنه ميه جغني
 درميان ايلمسي و بوني مؤيد اوله حق وجهله يكن
 كون شيخ الوزار وفخر الادبا — دولتوسامي پاشا
 حضر تالرينك نزد عاليرنده جريان ايدن بر وصف سا-
 ميلري دخی (نور بر نور * غنبر بر غنبر) صورتنده بولنه ميه
 منضم اولمسي اوزرينه كر چكدن كو كلم بر منجي حقيقيه
 مظهر يتك ارتق تيسري زمانك كلمش ديمك اولديغنه
 حكيم ويرهك در حال كندی سويداسي ايچنده نار
 ياسدن منقلب اوله بر اميد كلستان تشك ايلديكه بونك
 هر جهندن تنسمه باشلايان حیات روزگار لری روحی
 تجديده قدر حسن تأثير كوسترمكده در امل عاجزا-
 نه مك مختصراً افاده سنه مساعده بيوريلور ايسه چونكه
 انسان امور دولت اوزرنده قليمه تصوير ايدميه يلدیكي
 افكار و مطالعاتی اسانيله دخی درميان ايدميه يلدیكه
 و باخصوص مصالح ادراك دقایق نظریاتی اوزرنده
 بوفتك دخل كلیمي ايسه هيچ بر وقته انكار قبول
 ايدميه يلدیكه نظر ايدوبده يا بوراجه بر كوچوك شعبه
 اداره اعضا الغنه و يا خود طشره جه امثال كبی بر او
 متصرف لغنه مأمور بيورلمق آرزو سندن عبارت اولوب

شق اخيرك كرك سجالات و كرك انتخابات قوميسيونلرنجه
معاملات لازمه سي كچنده بالا جرا نام احقرانه م متصرفلق
دفترينه قيد اولنديسه ده فعلاً تيسر مسعوديت مملو -
كانه مك بر حياه مؤثره يه توقف و احتياجي مجزوم
ايدو كندن شو حالده مروت فوق العاده ادبانه زينه عائد
برائيد قوينك مسكني اولمش ديمك اولان كوكل بالخاصه
اواميدك متعلق حرمته اوله رق اعمار و احياه مساعده
عليه كريمانه لى بيدريغ بيوريله جغنده اشقباه ايتامكده
بولنديغم حالده لب احترامه لذت بخش اوله جق اولان
دامن ساميلريني اوپه رك عنايت جليله زينه عرض التجا
ايدر و مجرد شمدى به قدر بو بولنده صرف ايتمش
بولنديغم فريادرك درجاني معلوم على اولمق و حسب
العجز ادبياته عائد اولان نقايص و خطيئاته دن لطفاً
اغماض بيورلمق تميسى تحسنده اوله رق آثار مجبوءه
مكرانه مدن بر نسخنه نك دخي مع الحجاب عرض
و تقديمه مجاسرت ايلرم باقى امر و فرمان واحسان

نومرو

۶۰

تقدير و تجميل جناب رب جليل ايله مشرف و مجمل اولان

حقیقت انسانیتك خصایص عالیہ سندن اولہ رقی متعین
 بولند قری قلبہ کندی منافعتن زیادہ بشقہ لرینی دو-
 شون دیرن شفقت و مروت کبی ال ک ممتاز خصایص لہ
 اتصاف سامیلری حقندہ کی حسن صیت کریمانہ لرینی
 نظر مباهاتک او کندہ فعلا انباتہ مأمور بر قطعه
 تحریرات جوابیہ لریلہ برابر نسخ مبعوثہ ک التمان حاصلہ
 سی اولمق اوزرہ ارسال پیورلش اولان (۰۰۰)
 غرویش واسیل دست ابتہاجہ اولدی اول قلم
 اعلا کہ مالک ذیشانک ماہیت مبارکدستی بو نامہ
 نامینک روح مفہومی ایچندہ وجدانہ تفسیر ایلہ برابر
 (وعین الرضا عن کل عیب کللیۃ) حکمی تہتندہ اولہ رقی
 ار عاجزانہ مک لہندہ عائد پک عالی ستایشلریازمش و او
 ضاع کردونک انسانتر حقندہ کی عمومیت شمولی حاوی
 بر قطعه نفیسہ ادبیہ درجیہ دخی حال پر ملالم اوزریند
 حکمت آمیز تسلیمیل بسط ایلش اولمق جہت لریلہ حقیقہ
 کرک ذاتی و کرک ادبی مزیات فاضلہ کریمانہ لرینی
 شرح و اثبات ایلدیکی ایچون کندیسنک زبان عذب
 البیانی لب احترام ایلہ او پریم اشبو لطف مخصوص
 کریمانہ لرلی کرچکدن شیمہ انسانیت فطریہ لرلی نامنہ

او قدر عالی بر موقع استثنا تعیین ایلشدر که آنک
حقننده بو دلخون قلم نه قدر بالاتر وصفلر و ثنالی یازمه -
جق اولسهینه (ثریایه نسبت ثرا) منزله سنده قاله جغی جهتهله
ارتق کـ و کلمک بو بابده کی وجدانیاتنی (ا ک سطحی
بر تلمیحدن ا ک درین معنایه انتقال شانندن اولان) عرفان
عالیرینک استنباط حقیقیسنده ترک ایله همان اجمال حال
ممنونیت و سپاسه ابتدار و اخیراً طبع و تمثیل اولنسان
جلدلدن ده مجرد هدیه اوله رق ... قطععه سی بو کره
ارسال و تسییر قلمش اولمغین باقی لطف و اراده

نومرو

71

مقصد مراجمتی تمهیددن اول شواعتقاد مخصوص
عاجزانه می عرض ایتمک ارزو سنده یمکه حقیقهٔ مسئولیت
حسن قبوله مظهریتی امرنده کی امیدمک قارشو سنده
اک مرتجلی بروح بواندیغنه حکیم ویریورم زیرا
عالمجناب اولان شاعرلرک انظار فوق العاده لری بعد
نامتناهینک فوقنده سیران ایتد کدن صکره بشریت طالنه
حقیقت رقت شفقت کی اوج صافی نور ایله
عودت ایدرلر کندیلرنده بوسیر وعود معنوی دائمی

الجریاندر انلر او ذاتلردر که کندی بنی نوعلرینه ایدرکاری
ایلدیکاردن وجدانلرینه لایح اولان ممنونیتک نصل برالهام
معنوی ایلله روحلرینه کلان برتیشیر حقیقیدن متولد
اولدیغنی تفرس و تقدیر ایدرلر ، هرشفقتدن بر نور
وهرفضیلتدن بر سرور تولد ایدیکنی بیلورلر ، کوزل
خصلتلرک جوهرلنده انسانی ملکیته تحویل ایدر بر خاصه
اولدیغنی ایسه ذاتا تدقیق و تسلیم ایلشلردر بوده
مجزومدر که بتون کائناتی خشنود ایدرک مائر عالیدنک
اک ممتازی جناب خلاق لمیزلک بالخاصه یکدیگری ایچون
خلق وایجاد ایلدیکی ایکی قسم انسانلری بربرینه قاور
شدیر مق قضیه سی بولندیغینیده اعترافدن استنکاف ایلرلر
جهیت بشریه نک و باخوص اوجعیتمدن غایت مقصد
اولان امت اسلامیه نک تککاری امر مهمنه خدمت و معا
ونت شرفنک عند آلهیده نه قدر باعث مدوحیت
اولدیغنی تیقن واذعان ایلرلر برتهی دست ایلله برعاجزه
یکدیگرینه متوجه اولوبده امر مشر وعلرینک موقوف
علیهنه منحسر بولندقلری زمان تسهیل احتیاجلرینه
همته کوزیاشلرینه مستغرق اولان یوزلرینی کولدرماک
یوز اسیری آزاد ایلدیکدن دهها بشاشتلی وعادنا جننک

ضیاسیله منور بر مسرتی او بیچارلرک روحلرندن زیاده
 کندنی قلبلری ایچون تولید ایده جکنی اونوتمازلر اشته
 قولکیزک نتیجه معروضاتمده بویولده بر مروتی افندمزدن
 امید ایله ایکی قلبک ایچنده یانان شمع تحسردن دهاپارلاق
 بر نور شفقت کوسهتر مرکزی رجادن عبارتدر چونکه
 تزوج ایچون عاجزلرینه نامزد بولنان بر رفیقهدی دائرة
 محرمیه کتیره بیلکلیکم لاقلا ایکی بیک غروش مصرفه
 محتاج اولدوق بو پارهک تدارکنه ایسه علی الاصول
 معاش عاجزانه مدن رفته رفته محسوسی اجرا اولنق
 اوزره ادانه صندیغندن اقراض واحسان بیورلمسندن
 بشقه چاره م یوقدر بو لطفی کمال احتیاج ایله مروت
 سامیه لرندن تمی واسترحام ایلم ایکی روحی یکی
 بر حیات شعاعیه تنویر ایده جک دیمک اولان اشبو کرم
 اعلائی موقع فعله قوید یغکز زمان علویت انسانیه
 شایسته نصل بر عاطفتمده و شریعت اسلامیه موافق
 نه درلو بر خدمتمده بولنش اولدیغکزی وجدان پاککز
 سزه الهام و تلقین ایدرک بزدن زیاده بونک مسرت
 متواله سیله مفتخر و دلائل مسلمه ایله مقرر بولنان
 مکافاة نامحدوده معنویه سندن بوعالمه مخصوص قسم

عاجلی اولوق اوزره عمر طویل ورفاه جیل لذت‌لرله
مئلذ قاله جقلرنده اشتباهه محل تصور اولنه من باقی امر
و فرمان

نومرو

۶۲

مقصد مراجمت مملو کانه می بسط و تمهیددن اول
شو مقدمه شکرانه بی بتون ابنای وطنک حسیات صباد -
قانه لری طرفندن بر حقیقت اولوق اوزره عرض و در -
میان ایتکه وجدانی بر میل ایله مجبور مکه دولت و مملکتک
حل مشکلات موجوده سی اوزرنده بارگاه احدیتدن
مسئول و مظلوم عمومی اولان موفقیات حقیقیه نک سائر
عاجز قلاتره مقابل مطلقا اصالت ذاتیه خصایصندن
اولان بر عزم صادق ایله فضیلت عقلیه اوازمندن بولنان
بر رأی فئک اجتماعنه میسر اولوق صورتی جناب حق
اشته افندمن حضر تترینک حال و شانلرنده یعنی محافل
سیاسیه دولیه بی بحق طور دیر مقده اولان رأی اصیل
مستطاب و عقل جزیل مشکنا بلری آثار حکیمه سی
اوزرنده بتون عالمه کوسه تریور مقدس دولتمزی
ونجیب و معزز ملت و مملکتتمزی یکیدن احیا یولنده کی

عزم و قصد خدا پسندلری خارجاً نصل عجز و حیرتی
استلزام ایلمکده ایسه داخلانندن دهها زیاده من و محمدتی
جلب ایتمکده بولنیور دولت و مملکتک شو حال بحرانی
ایچنده بر مدد معنوی کبی بتیشوب فلاح و نجاتک اسباب
موجبه سنی استحصاله خدمت و دلالت تامه یی ایفا ایتمکده
اولان تداییر سیاسیه فخیمانه لری حقیقه بر صورت
تفوق و مسابقتده اولمق اوزره کوپرلی مرحومه
موقع مجددانه سنی نام نامی اصفانه لینه اوله رق عموم
طرفندن تسلیم ابتدیریور ذات معالی صفات بزر
جهرانه لری کبی مکمل و فعال بر عقل بی عدیل مملکتک
وجود پر سودینی شو صروده دولت و مملکتکتمز ایچون
جناب حق طرفندن کلش بر لطف محض اولمق
اوزره هر کس تقدیس ایله هرک دعای ازدیاد عمر
و عافیت و حسن موفقیت جلیله اصفانه لینی اوقدر
شوق درون ایله زیور زبان شکران ایلمکده درلر که بونک
درجه سنی تفسیر ایچون الفاظ مناسبه بولمقدن مطلقاً
هر بر قال و قلم عاجز قالیر عالمده بو قدر بیوک و مسلم
بر فکر حکمت و اونستدهده پارلاق بر نور تابان فضیلتک
جلوه کر اولدیغی وجدانده البته مروتکده اکفاضلی

موجود اوله جغنی جزم ایتک و او مروتک خصایص
 عالیله سی جله سندن اولق اوزره ذاتاً اصدقای بندکاندن
 ودوات و مملکتنه حسن خدمت استعدادینی حاز
 اولانلردن بولنوبده نصل ایسه لیاقتدن زیاده اهمیتی
 مشهور اولان بر جایه صحیحیه مظهر دوشه مامک سببیه
 خالک سفالت اوزرنده قلمش اولانلری اکلا یوب او کرندیکی
 آنده موقع استحقاقلرینه رفع و ایصاللرینی لطفاً عهده
 طافته المق خاصه سنی دخی او وجدان واسع العرفانک
 حقایق سرای فضیلتنده ارامق موافق مصلحت کورنمسنه
 بناء اشته مساعدۀ جلیله اصفانه لینه بالاستناد بوراده
 اونقطه دن بحثه انتقال ایلم شوبله که چاکرلی پک
 چوق سنه ل (۰۰ و ۰۰) ولایت جلیله لری کبی مهم ایکی قطعه
 جسمیده فلان و فلان مأموریتلرده و بومأموریتلر عهده
 عاجزانه مده اوله رق اره لقه ده لزوم اوزرینه رقاچ دفعه
 بعض (۰۰۰) و کالترلنده بولنوبده اولیای امور حضراتی
 نزدنده بالوجوه کسب ممدوحیت ایتش بر بنده لری اولدیغم
 حالده اثنای محاریبه ده الک صوک موقع مأموریتیم بولنه ان
 (۰۰۰) دن بالطبع انفکاک ایله بورایه کلدلی اوچ سنه یه
 بالغ اولمش و بوندن یدی سکرماه مقدم سبجالات و انتخاب

قومیسو نلرینک تحت تدقیقلرندن کچن ترجمه حال کمترا -
 نه مک مندرجات مصدقه سی نام چا کرانه مک قاعده
 برنجی صنف مأمورین صره سنه الحاقنی استلزام ایتسی
 اوزرینه اسم مملو کانه متصرفلق دفترینه قید ایدلمش
 ایدده هنوز مستظهرلردن برنوبت کلوبده فعلاً برمسرتله
 مسرور اوله مدیغدن ارتق بتون ثقلتی اوزریمه دوکن
 ضرورتک التنده محو اولمق درجه سنه کلمش بولندیغیم
 شو کو کونکی کونده کوکله برحس خفی طرفندن اقمدمز
 حضر تیرینک باب احسانیرینه التجا صورتی القا اولمسی
 اوزرینه در حال وجدانمک افقلرندن یأس قرانلغی چکیله رک
 یرینه حسن قبول امیدندن عبارت بر صبح صادق اچلمسیره
 اونور اطمینانی مستحجباً عرض دخالتله مجاسرت ایدیورم
 حال حاضر بی کسانهم بختنده در میان ایتدیکم شو کوچوک
 تلمیحک حکمی مطلقاً حق مستندانهمده فیضان
 لطف و عاطفته لیرینه کفایت ایده جکنی خصائل فاضله
 مرو تپروریلرندن استدلالاً بر صورت قویهده بیلدیکم
 ایچون ارتق ده از یاده تصدیعه لزوم کوره میهرک
 بروجه معروض اسم چا کرانه مک مقید بولندیغی یولده
 مناسب بر متصرفلق ابله و یا خود بوراجه دوائر سیمه دن

برینه بر اعضا بق صفتیه تعیین و بکام پیور لقلغم اسبابنک
استحصالی عنایتی عواطف نامتناهیدلندن نیاز و استرحامه
مجااست ایلدیکم قرین علم عالی جناب فخیمانه لری پیورلد
قده باقی امر و فرمان

نومرو

۶۳

عالمه فضیلت و عرفان یوزندن افندمز حضر تلرینه
ثانی وثالث دکل عادتا عاشر مرتبه سنده بیله بر مقارن
ویاپورو تصوری امکانش ازغندن قطع نظرله عصرک
پیوکلرندن همان هیچ برینی ترک ایتمک راده لرنده کافه سنی
زیارت ایتش بولندیغم حالد به الخاصه افندمز حضر تلرینک
فطرت مقدسه لرنده روحک حس و ادراک ایلدیکی علو
طبع و سمو خصلتک ذره سنی دخی هیچ برینک جوهرنده
استشمام ایده مدیکمی شو آنده نور عرفانیله قلمک
هر بر خفاسنی کشف و معاینه ایتمکده بولنان وجدان
قدسیت عنوان جناب تحریرانه لرنه قارشو مفتخرأ عرض
و اعترافه مجااست ایلرم : بو حالد هر بر فضیلت
ومز یلرندن ماعدا (جبر خاطر قبل السؤال) مروت
حالچنابانه سنی دخی خاصه کندیلرنده کوردیکم ولی نعمتم

افندم حضر تلرینه بلا اداة الك کریم بر ملاک دیه جک اولور
ایسه م کرچه قاعده بر تشیه بلیغ حکمنی ایفا ایتش اولور
ایسه مده مع مافیه انسان کمالک هر بر ملکدن ده اشرف
وافضل اولسی خبر صحیح و معتبر نجه او حالده ده مشبه
اعظمم افندم حضر تلرینک شان اعلاسنی ینه حق
صربچی مرتبه لرنده اجلال واعزاز ایده مامش اوله -
جغمی قطعاً بقن واذعان ایلیه رک ارتق او طبع کریمک
واو خلق سلیمک تقدیر و تقدیسنی ینه کندی وهاب
عظیم الشانک قدرت فوق الطبیعه سنه ترک الیه همان
کندی لرندن کورمش بولندیغم اونهایتسن لطف و مر و تک
واو نظیر سن مجامله پراطافتک احیا کرده ابدیسی اولوب
قالدیغمی مع الاقرار انک آثار فعلیه سندن اولان مکارم التفات
و تعطفات دوله لرینک بیان حق سیمایی اوزرنده (از خدا
یابی جزاها ای شریف * قوت شکر ت ندارد این ضعیف)
مأله اعتراف عجز ایدر و کرچکدن دیده ابتهاجه
توتیای فیض حقیقی عدا یتک قرار قطعینده بولندیغم
خاکهای کران پهای جناب ولی النعمیلرینه یوزمی و کوزمی
سورمک شرفیله کسب مزیت و افتخار ایلرم باقی امر
و فرمان

نومرو

۶۴

نوری افندی طرفندن یازیلوب بر پوصله کزه ترفیقاً
 ارسال بیورمش اولدیغکز مکتوبی او قودم چو جوق
 بونده بر چوق یازیلر یازوبده انلرک ایچنده حقیقی مغالطه یه
 بوغغق ایستدیمش واقعا کتابلله او وقتلیق ییننده بر خط
 اتصال واردر نوری افندی کندی سعی و همتی
 سایه سنده ارتق او خطک اوزرینه واصل اولدیغنی
 بوسوزلینک ضمننده اعلان ایلیور عصرینک مسالک
 مخصوصنده کتمک آرزوسنده بولدیغنی کوستریور
 اعتراف ایدرمکه کندولرینی بوبابده تخطئه اقتصا ایتیه جکدر
 چونکه جمیع زمانده هرشی کوره نکدر شمدی هر کیم
 دهها زیاده سفسطه سویلر سه او قازانیور بویله بر عصرده
 کلنلرک کتدکلری بولی انلرک ده اختیار ایتلری طبیعی
 عد اولنور مستقیملرک کچدکلری یولک اوزرنده شمدی
 اولتربتمشدر آچیق و مهم بر شاهراه میدانده ایکن
 بوکون عموم طرفندن ترک اولمش بر بولی کوره جاک
 واکاسلک اولدجق هیچ بر آدم تصور اولنه بیلیرمی ؟ او بولی

کورمک واکا انسلاکی ترجیح ایلمک کوزله کورونمیان
 برآتمان معنوی یه ناظر برقلبه توقف ایدیور اوايسه
 زمانه مرزده عنقا نشاندر اولیالقدن بحث ایتک ایسته -
 میورم حقیقی اولان علویتی اعتباریله طریق حقانیتی
 برسمای معنوی موقعنده ذکر ایتک صددنده بولنیورم
 اونقطه دن عدول ایله بنه اقرار ایدرمکه کشینک کندی
 معاصرلی مسلکینه اتباع ایتسی برآهنک عمومی یه اویمسی
 دیمکدر بوده انسانده برمیلان طبیعیدر قالدیکه
 زمانه نك کافه عادات و اراداتنه توفیق خصایص و حسیات
 ایده بیلمک دخی بی-وک هنزلدن دکلیدر؟ (اول کلانلر
 بو بحثدن بالطبع مستشادر) بودنیانک علایقی فوقنده
 اوله رق حقیقت حقانیت استقامت کی اوج
 صافی نورک منبعی بولمان برسیرت معنویه یه خدمت ایلمیانلر
 بو کون ج-لنک نظرنده منفور کورونمیورلری لهذا
 چوجق بوفکر و اختیارنده طوغریسی مصیدر مع
 مافیه فضائل کی انوار حقایق-له محاط برقلک آب حیات
 آقیدیغی قدر اقتضاسنه کوره انک عکس نقیضی آقتمق
 دخی قدرتنک هر جهته شمولی معلن دکلیدر؟ (یعنی حق
 ناحق و بونک ده عکسنی کوستره بیلمک) مشویده بو بحثه

علايم اولان شوايكي بيتك بوراده ايراديني مناسب كوردم
 (زشتي خط زشتي نقاش نيست * بلكه ازوي زشت را
 بنمودنيست * قوت نقاش باشد آن كه او * هم تواند
 زشت كردن هم نكو) كوزل رسم ر يابان بر نقاشك
 چركين بر رسم تصوير ايتسي ده كند بسنك نقصانه دكل
 بالعكس كالنه دلالت ايدر زيرا هم كوزل و هم چركين
 ياقمق كند و سنك صنعتنده قوتني كوسترر كه هرايكسني ده
 تصويره مقتدر اولديغي انلردن اكلاشيلير اويله ايسه
 مسئله ي اولديغك غيري بر رنكده كوسترر مك دخی
 بر نوع هنر عد اولمق لازم كليور مهارت حقيقه نك
 هر شيك اولديغي كي كوسترر سنده ارانلديغي زمانده
 دكلز افكارك سربلري دجو اولان جويلردن دها
 لطيف كورنديكي بردورده يز بنابرین بويله هرايستيديكي
 مسئله ي مقصدينه كوره تصوير اقتدارينه مالك اولان
 منشي بليغه عشق اولسون بوجهلردن صكره بنم
 جواب طرزنده برشي سويلكلكم لازم كلير ايسه شوني
 ديمك ايسسترر مكه عقلي حائز اولان بر وجهدانه كندی
 سوزيني اخطار ايتك كفايت ايدر مع هذا نوري افندی
 عاجرانك نصل اولديغني ده اونو تمق شائبه سندن بريدر

کنجدر، دینجدر، ذهنی چتین، فیکری متیندر، فقط
 شو قدر جق تلمیح ایده یکه ابراهیم افندی ابله معاً بزه
 کلدگری کون دها بروسه ده ایکن بر تحریرات مخصوصه
 صه سنده قائم نك او کونکی رایجنه نسبتله کوندرمک
 ایستیبوده نصل ایسه ینه یوالامدیغی (۰۰۰) غروشی
 ارتق بودفعه موقع مأموریتنه وصولندن نهایت ایکی ماه
 مرورنده کوندره جکنی بالتأمین بومدتن دها اول
 صقشدیرلما سنی نصل رجا ایلدیکنی البتده بیلیرلر حتی
 بنده کز کندولرینه بو کون شدتلی بر احتیاجده بولنماش
 اولسه ایدم بویاره نك قطعاً لقر دیسنی ایتزدم، مع مافیه
 ارزو بیوریلورسه ینه ده ترك ایده بیلورم دیدیکمک
 اوزرینه یوق اساساً ترکی املنده دکل انجق ایکی ای
 امهالنی ایسترم جوابنی ویردکرینی دخی مطلقاً اونوتماش
 اوله جقلردر بنم بونلری درج ایتمکن مقصدم پاره نك
 اوزرنده اصرار دیمک دکلدر یالکز صره سی کلیدیه یازیورم
 حقیقته مطلقاً ایش رایلرینه محولدر ایسترلر ایسه
 صکره دن الدقلری بش قطعیه دردنجی جلدلرک دخی
 پاره سنی ویرمیه بیلورلر انجق شوکا تعجب ایتماک
 المدن کلیور که سزه اولان مکتوبلرمک مندر جاتنی کندولر

ینه حقارت معناسیله تقسیر بیور بورل — عجباً نوری افندی بی
 کو چند بر میه جک بر صورت حکیمانه و ملایمانه ایله تسویه
 عقصدک لزومی متعدد نقطه لوده اخطار این سوزلر مک
 جز ایلی کندی حقلر نده بر حس احترامه می یوقسه
 تحقیره می دلالت ای دیور شمدی شو تفکرده یمکه عجباً
 بو چو جق ایشنه کلیمان کله لی هب بویله می تلقی ایدر؟
 حالبو که کندوسی و جاهاً نقدر طاتلی مجاملانده بولور
 ونه مرتبه حسن اخلاق علایمی کو ستریا !! بالعکس
 غیباً بودرلو غرائب احوال ابراز ایتسنده آیا تنکمت
 ندر ؟ باقی اخوت افندم

نومرو

۶۵

صدد استرحامه تصدیدن اول قلبک اک مهم اولان
 نقطه استنادینی عرض و در میان ایتکلمه لطفاً مساعده
 بیورلمسی تمیزسنده یمکه اعتقاد چا کرانه کوره
 او نقطه دن استمدادک هیچ بروقده پوشه حقیقه جغیده
 اصلاً جای تردد و اشتباه دکلدر شویله که اشبو
 ورقپاره می بالوجه تحریر نه فضیله ترله پرورش بولمش
 بر وجدان عالی به قارشو تمهید حقیقت ایتکده اولدیغی

دوشونهرک صورت تضرعک تأمین سعادت ایچون
 سرمایه کافی اوله جق بر ملا حظہ رحیمانه مظهریتی
 امید قویسندہ بولنیورم صددہ کالجہ سیواسدن
 ارضرومہ تحویل مأموریت کترانہم اوزرینہ موقہ
 در سعادتہ کلک ایچون مساعده جلیله اصفانہ لینی استدعا
 واستحصالن مقصد غائی مملوکانہم بالخاصہ موقع
 سابقمدہ صورت وقوعی قرین شرف اطلاع واستحسان
 عالی جناب نظارتینہا یاری بیوریلان حسن خدمت
 وموفقیت عاجزانہمہ مکافاة سایہ کر موایہ فخمانہ لندہ
 ترفیع صنف ایله بر مفتشکہ نائل اولمق امید صمیمینہ
 ملابس بولندیغی کبی اخیراً تکلیف بیوریلان بغداد
 کبی بر بعید مسافہ بیده کوزہ الدیروبدہ بونجہ عائله
 افرادیلہ معاً محتاج اولدیغمن اون بشیک غروشدن زیاده
 مصارف سفریہ بی (مقرضارک مأموریت معاشی نسبتندن
 فضلہ پاره اقراض ایتاملرندن طولایی) تدارکہ امکان
 بولہماق وخزینہ جلیله دن دخی مقاطعہ تقسیمتنک
 استحصالنہ موفقیت قابل اولہماق سبیلریله دنیاچه بتون
 ماملکم انجق کندیسندن عبارت اولان مذکور پدرمانده
 مقاطعہ می ناچار بدل حقیقیسندن غایت فاحش

درجده بر نقصان ایله صائمغه قدر فدا کارلاق اختیار
 ایدلسی ایسه مطلقاً بر ایکی آیه دکین مفتشلاک ایله بکام
 بیوریله جغم حقنده کی مواعده موثوقه اصفانلریک
 قریباً بغداد مفتشلاکی اوزرنده موقع فعله قونیله جغی
 جزم قویسنه استنادمدن منبعث اولغله همان شوکله جک
 چهارشنبه کونی بورادن حرکت چا کرانهم مصمم
 اولوب انجق بو کره صورت موثوقده واصل سمع اطلاع
 عاجزانهم اولدیغنه کوره بغداد مفتشلاکینک شوکونلرده
 تبدلی نظارت جلیله لنجه مقرر بولندیغی ا کلاشیلهرق
 بو حاله نظراً چا کرلینی شو اک مهم دستمایه اقتدارم
 بولمان مقاطعه می بیله فدا ایتکه قدر سوق ایدن
 بر استنادگاه ترقینک همان الدن چیقیمی قوه قریبه ده
 دیمک اولدیغی منفهم اولسیله بونک موقع فعله وصولی
 حالنده یعنی مأموریت مجبوتنه عهده دیکره توجیهی
 تقدیرنده بالطبع کتزلری فوق العاده مأیوس و دلخون
 قاله جغم درکار اولوب بوکا ایسه خط حرکت
 مقدسه سی هر شیده حقیقته واطف و عاطفته متوجه
 اولان مسلاک جلیل حکمت و فضیلت تحریرانه لری
 مساعد اوله مامق لازم کله جکمدن شو حالده بو مقصد

غایه نك اوزرنده او نهاییتسز فضائلك خلاصه حكمندن عبارت برنور تابان مروته مراجعتدن وینه اونور تابان مروتك كندی سائنحات جلیله سندن اولمق اوزره اخذ وتلقی اولمش بولسان مكرر وعدله توسلدن اوزكه برمرجع تصوری قرین صواب كوره میهرك تبدل مذكورك تقرر اجرایی حالنده لطفاً مأموریت مذكوره نك عهده مملوكانه مه توجیه واحسانیه انجاز وعد عالی به مساعدۀ سامیه جناب نظارتیناهیله رینی تمی واسترحامه محاسرت ایلرم هر حالده امر وفرمان

نومرو

۶۶

بوراده تفصیلات ایرادینه حاجت یوقدر كه هر مملكتك مأمورلی میاننده اك كوچوك صنفه منسوب يك چوق كمسه لی بولانه یلمور كه صداقت وحیتلری سائقه سیله كندی دولت ومملكتك منافعنی آرزوده و او آرزویی فعله كتیره جك اسباب لازمه بی ده علی قدر الاستطاعه جست وجوده نیجه مهمل رؤسای مأمورینه تفوق مرتبه سنی طبعاً حائزدرلی چونكه نزد عالی فخریمانه لنده هر كسندن زیاده مثبتدر كه حیت وغیرت

دنیلان فطری خاصه ل اولیه کوچوکلک ویوکلک کی امور
اعتباریه به تابع اولیوب انحق خلقت طرفندن مایه اصلی به
القا اولنور خصایص طبیعیه دندر اشته قولکرده
حسب الفطره دولت و وطنک خیرینی و فائده سنی دوشو-
نمکه میال بر وجدان خالص تملک ایتکده بولندیغم
ایچون شو کوچوکلکله برابر دائماً او وجدانک س-
وق طبیعسی اوزرینه منتسب بولندیغم فن تلغرافک غوامض
احکامنی تتبع واستقصا ایله دولت و مملکتتمزک استفاده
ایده یله جکی بعض اثار نافعیه اختراعیه موفق اولمش
ایدم بو اثرلک بر قسمی انشای محاربه ده برآ و بحرأ
اردولمرزک و دوئلالمزک یکدیگرندن منفصل فرقه
و شعبه لری بیننده عینی تلغراف کی اجرای مخبره
ایده بیلمری ایچون اختراع ایتدیکم بر قاج نوع آلات
مخصوصه دن و دیگر قسمیه ده فن تلغرافک مکملأ
استحصالی امرنده مأمورین و شاگردانی اوروپا کتابلرینه
مراجعتدن مستغنی ایده جک صورتده تألیفیه موفق
اولدیغم رسائل عیده دن مرکبدر بولردن اک زیاده
عمومیت اوزره دولت و مملکتتمزک استفاده ایلیه جکی
شیلر سالف الذکر محاربه هنکامنده قولالایله حق مخبره

ادواتی اولسینه بناء اول و آخر بونلری لازم کلان مقامات رسمیه عرض ایلش ایسه مده بر درجه یه قدر تدقیق و تجربه اولندقدن وفائده لری دخی تصدیق و اعتراف قلندقدن صکره بالعکس مسکوت عنه بر اقیله رق اثنای محاربه ده اصلاً استعماللرندن استفاده جهته رغبت اولندی حتی اخیراً بو ادواتدن یالکز برضیا آلتی دولتلو عثمان پاشا حضرتلری کوردکلری زمان حین محاصره ده بونک الده بولنمسنندن طولایی خیلی اسفلر اظهار بیوردیلر ایدی ذات فخامت سمات آصفانه لری مقام وکالت مطلقه بی شرفیاب بیوردقلری صره ده بو دولت و مملکتک هر درلو اسباب حیات و ترقیاتی جداً آرزو بیوردقلرینه دائر پک چوق قرائن و مسموعانه اقتران اولندیغی ایچون نزد عالی خدیوینرنده اهمیتلری کوریلوب تقدیر بیوریلور امیدیه ذکر اولنان مؤلفات و مخترعات عاجزانه می دها او زمان حضـور سامی داوریلرینه عرض ایتمک املنده بولندیسه مده فصل ایسه وقت مساعد اوله مامش ایدی فقط افتدمز حضرتلری کبی حسن عزم عالیسی ایچون حال و استقبال مساوی اولان یعنی مقام اشتغالده بولنسه لرده بولنسه لرده

بو درلو دوات و مملکتک خیر و منفعتنه یارایه جق شیلری
 بو کونده یارینده تقدیر و ترویجدن دریغ عنایت بیور-
 میدجقلری مجزوم بولن-ان بر ذات مه-ام آشنانک نظر
 امان و اطلاعندن بونلری مستور براقق موافق حیت
 اوله میدجغنی دوشوندیکدن شمذیلک آثار کترانه مدن
 یالکز رسائل مجوٹ عنهادن بر نسخه مخصوصه نک
 عرض و تقدیمه مجاسرت ایده یورم اکر لطفاً حضور
 سامی خدیو یلرینه مشول شرفی احرازه شایان کوریله-
 جک اولور ایسه م او حالده سائر اختراعات کترانه مک
 دخی تفصیلات لازمه سنی عرض و افاده ابله برابر دولنجه
 مطلوب اولان تسریع مخبره نک اسباب موجب سه-نه
 هائد بعض معلومات درمیان ایتک دخی متصور بولندیغنی
 بالاخطار حقیقه از زمان ایچنده کوریلان پک چوق
 اثار جلیله سنه کوره جداً صداقت و حمیت اربابی حسن
 قبوله رغبت عالییه سی مثبت بولنان افندمن حضر تلرینک
 باب مکارم مأب فخمیانه لرینه بو وسیله جک ضمننده عرض
 رقبه عبودیته مجاسرت ایلیمورم باقی

(فهرست)

مسودات نومروسی

- ۱ لسان بلبدن كله خطاباً بر خطبه در
- ۲ مراجعت اوزرینه بر دلیك جهانله خطاباً یازیلان
بر اشتیاقنامه در
- ۳ بودخی مراجعت اوزرینه دیگر بر اشتیاقنامه در
- ۴ بوده اولیه بر اشتیاقنامه در
- ۵ ایکی همسال کوزللك برندن دیگرینه بر شکایتنامه در
- ۶ افاضل و کلادن برذاته یازیلان بر ورقه در
- ۷ باش و کالیدن منفصل برذاته یازلمشدر
- ۸ التونی زاده یه یازیل-وب فائده سی کوریه مامش بر
استدعانامه در
- ۹ بر سر عسکر پاشایه یازیلان بر مذکره در
- ۱۰ جزایری برینک عربی اوله رق بالتنظیم معرفت
عاجزانه مله ترجمه اولنان مذکره سنک صورتیدر
- ۱۱ النان بروعد عالیبرینه مقابل حضور صهریتپناهی یه
یازلمش بر تشکرنامه در
- ۱۲ بوده سور مسعودك تشکرینی حاوی حضور
صهریتپناهی یه یازلمشدر

- ۱۳ برمودت نامه جوابیدر
- ۱۴ فردوس آشیان سامی پاشا مر حومه یازمش و وعد
اسعافی آلمش برشی ایدی لکن عمر عزیزی مساعد
اوله مدی (صبت علیه الرحمه)
- ۱۵ بر مخالفت نامه جوابیدر
- ۱۶ مستشار صدر عالی افندی حضر تلرینه یازمشدر
- ۱۷ بودخی
- ۱۸ بودخی
- ۱۹ اوقاف نظارتنه کلان برذاته تبریک نامه در
- ۲۰ ادبادن برذاته کتتاب تقدیمنده یازمشدر
- ۲۱ دفعه ثانیه اوله رق مقام سر عسکری به کله جکی
مسعود اولان برذاته خطاباً یازمش ایدیه ده
روایت واقعه فعله کلدیکی جهته و بریله مامشدر
- ۲۲ بعض معذرتی حاوی ولایه عظامدن برذاته جواباً
یازمشدر
- ۲۳ تشکراً ولایه فحامدن وادبادن برینه یازمشدر
- ۳۴ فریقان کرامدن برذاته سلام تشکریدر
- ۲۵ باش وکالتدن منفصل برذاته یازمشیدی

۲۶ دفعهٔ ثانیه اولهرق تلغراف نظارتیه کلان برداته
یازمشدر

۲۷ خاکپای شاهانهیه برتشکر نامهدر

۲۸ بوده خاکپای شاهانهیه احسان طلبنی حاوی
برعرضحالدر

۲۹ مابین همایون ارکان عظامندن برداته تشکرنامهدر

۳۰ باش وکالت جلیلیه یازمش برورقپارهدر

۳۱ دفعهٔ ثانیه اولهرق باش وکالت مقام سامیسنه کلان
سعید پاشا حضرثلرینه یازمشدر

۳۲ براستر حامنامهدر

۳۳ برتشکر نامهدر

۳۴ ولایه عظامندن برینه یازمش شکایت آمیز بر
عریضهدر

۳۵ تأسف آمیز برورقهدر

۳۶ برموالات نامهدر

۳۷ شعر وانشاده وقنون شتی ده بدطولاسی اولان برخانم
افندییه یازمش برورقپارهدر

۳۸ بلغارستان خارجیه مدیری سابق زانقوفه بر مکتوبدر

- ۳۹ ویریلان بر مأموریتك صورت قبولی امرنده
اعتداری حاوی بر مذکره در
- ۴۰ مأموریندن بر ذاتك اثر استرقاب اوله رق بر نقطه
بعیده به تحویل مأمورینده یازلمش بر شقه در
- ۴۱ صدارت و مشیخته کلان ایکی ذانه بردن بر تبریک
نامه در
- ۴۲ بر مذکره در
- ۴۳ بر مسئولك پك چوق زمانلردن صکره وقوع اسعافی
اوزریند یازیلان بر تشکر نامه در
- ۴۴ بر مذکره در
- ۴۵ بر مأموریت تشکریدر
- ۴۶ بر توصیه عریضه سیدر
- ۴۷ بر مأموریته مقابل عرض معذرتی حاوی بر مذکره در
- ۴۸ بر استرحافنامه در
- ۴۹ بر مذکره در
- ۵۰ بر عریضه در
- ۵۱ بر توصیه تذکره سیدر
- ۵۲ بودخی
- ۵۳ بر مذکره در

- ۵۴ غزته به ویرلش برورقه در
- ۵۵ منظره عرفان نام اثرک هیئت اداره سمنه یازیلان
برورقه در
- ۵۶ مراجعت اوزرینه یازیلان برعریضه در
- ۵۷ محمودیک افندی به یازلش برخلوصنامه در
- ۵۸ مقدا سامی پاشا مرحومه یازدیغم برعریضه در
- ۵۹ مکتوبی صدر عالی به یازدیغم برورقپاره در
- ۶۰ برتشکرنامه در
- ۶۱ مراجعت اوزرینه سنیح افندی به اوله رق قلمه المنشد
- ۶۲ خارجیه نظارتنده بولنان برذاته یازلمشیدی
- ۶۳ سامی پاشا مرحومه یازلمشیدی
- ۶۴ بعض تعریضاتی حاوی بر مکتوبدر
- ۶۵ مراجعت اوزرینه قلمه المنش بر مذ کرده در
- ۶۶ صدارتدن منفصل برذاته اوله رق قلمه النان بر
مذ کرده در



فیثانی
اون غروشد


مرکز توزیع

باب عالی جاده سنده ۳۸ نومرو لی کتابچی
قره بت افانك دكانيدر .

خطا	صواب	صحیفه	مطار
روابع	روابع	۲۳	۱۵
چوقرزانہ	چوقرزانہ	۴۷	۱۱
اولہرق	آلہرق	۷۵	۱۲
سوزلمک	سوزلم	۱۲۲	۱۴
اونونملی	اونونملی	۱۲۳	۱۹

(اصول تدریس)

الشمس ایکی درسده فرانسز لسانی سهولته
تحصیلہ مدار اولہجیق صورتده قواعد عثمانیه
تطبیقاً قلم الشمس اصول جدیدہ در . باب عالی جاده سنده
۳۸ نومرو لی کتابچی قره بت افانك دكاننده صانیلور .



حلیتہ

PL
248
I98
Z53
1881